





*W W Johnston*

EX LIBRIS

GEORGII WESLEY JOHNSTON

QUI QUUM EX ANNO A.D. MDCCCCVI  
USQUE AD ANNUM MDCCCCXVII  
LINGuae LATInAE IN COLLEGIO  
UNIVERSITATIS DOCTOR AUT  
PROFESSOR ASSOCIATUS FUISSET  
MENSE MAIO A.D. MDCCCCXVII MORTUUS EST  
*θήκης ἀγάλματ' αἱ πατούμεναι βίβλοι.*







Lateinisch-deutsches und deutsch-lateinisches  
**S C H U L · W Ö R T E R B U C H**

von

**Friedrich Adolph Heinichen,**

Dr. der Phil. und Licentiaten der Theologie, Gymnasialprorektor a. D. und Professor.

Erster Theil:

Zweiter Theil:

**Lateinisch-Deutsch.**

50 Bog. Lex.-8. 1864. geh. 1 Thlr. 24 Ngr.

**Deutsch-Lateinisch.**

45 Bog. Lex.-8. 1866. geh. 1 Thlr. 19 Ngr.

Dieses neueste lateinische Wörterbuch ist für den ganzen Cursus des Gymnasial-Unterrichts bestimmt und hat bereits in den meisten Schulen Deutschlands Eingang gefunden. Seine Vorteile vor ähnlichen compendiösen Wörterbüchern sind allgemein anerkannt.

---

**Wörterbuch**

zu

**Ovid's Metamorphosen.**

Von

**Dr. Johannes Siebelis,**

Professor am Gymnasium zu Hildburghausen.

gr. 8. geh. 22½ Ngr.

Der durch seine Ausgabe der Metamorphosen (5. Aufl. 1867) und anderer Schulbücher rühmlichst bekannte Verfasser bietet in diesem Wörterbuch ein neues Hilfsmittel für das Verständnis der Metamorphosen, das den Bedürfnissen der Schule und der Wissenschaft gleichzeitig Rechnung trägt.

---

**Reallexikon des classischen Alterthums**  
für Gymnasien

Im Verein mit mehreren Schulmännern herausgegeben  
von

**Dr. Fr. Lübker.**

**Dritte durchgängig verbesserte Auflage.**

72 Bogen. Lex.-8. Mit vielen Abbildungen. geh. 3 Thlr. 10 Ngr.

Das Buch hat eine so ausserordentlich günstige Aufnahme gefunden, dass drei starke Auflagen rasch hintereinander nötig wurden. Dasselbe wird vorzugsweise gern zu Prämien benutzt.

---

Bei B. G. Teubner in Leipzig sind ferner erschienen:

## WÖRTERBUCH

zu

# XENOPHONS ANABASIS.

Für den Schulgebrauch bearbeitet  
von

Ferdinand Vollbrecht,  
Rector zu Otterndorf.

Mit 70 in den Text eingedruckten Holzschnitten, drei lithogr. Tafeln  
und einer Karte.

gr. 8. geh. 18 Ngr.

Dieses neue Specialwörterbuch zur Anabasis unterscheidet sich nameutlich durch die in den Text gedruckten Holzschnitte und die beigegebenen Tafeln von seinen sämtlichen Vorgängern. Der Verfasser ging nemlich von der Ueberzeugung aus, dass ein Specialwörterbuch für Schüler einer Tertia, denen die Benutzung antiquarischer, geographischer und anderer Hilfsmittel in der Regel nicht zu Dienste steht, in sachlicher Beziehung eine klare und bündige Darlegung alles dessen bieten muss, was der Schüler zum vollen Verständnis braucht und dass für diesen Zweck alles, was für die Einbildungskraft anschaulich gemacht werden kann, auch anschaulich gemacht werden muss. Aus diesem Grunde sind die zahlreichen Abbildungen beigegeben worden, welche dem Wörterbuche, das selbstverständlich auch in sprachlicher Beziehung auf der Höhe der Wissenschaft steht, einen bedeutenden Vorzug verleihen.

---

## Benseler - Schenkl's

Griechisch-deutsches und deutsch-griechisches

# S C H U L - W Ö R T E R B U C H .

I. Band: Griechisch-Deutsch. Von G. E. Benseler. 3. Aufl.  
gr. 8. geh. Preis 2 Thlr.

II. Band: Deutsch-Griechisch. Von K. Schenkl. gr. 8.  
geh. Preis 2 Thlr. 12 Ngr.

Das Griechisch-deutsche Schul-Wörterbuch von Benseler ist bereits in 3 starken Auflagen verbreitet und in seiner Einrichtung hinlänglich bekannt. Durch besondere Berücksichtigung der von Schulen gelesenen Autoren ist es für den Gebrauch an Gymnasien weit zweckdienlicher als alle grösseren Wörterbücher.

Das Deutsch-griechische Schul-Wörterbuch von Schenkl, vor Kurzem erst erschienen, wird an Vollständigkeit und Genauigkeit von keinem anderen Wörterbuche übertroffen, während es erheblich billiger als alle ähnlichen Wörterbücher ist.

LL  
Sallust CI Sem  
S1698 Di.2  
GAI SALLVSTI CRISPI

LIBRI

DE CATILINAE CONIVRATIONE

ET DE BELLO IVGVRTHINO.


ACCEDVN'T ORATIONES ET EPISTVLAE  
EX HISTORIIS EXCERPTAE.

EDIDIT

RVDOLFVS DIETSCH.

EDITIO QUARTA EMENDATIOR.

181909  
5.7.27



LIPSIAE

IN AEDIBUS B. G. TEUBNERI.

MDCCCLXX.

LIPSIAE TYPIS B. G. TEUBNERI.

## PRAEFATIO.

---

Quo nihil laetius exoptatiusque accidere potest homini litterarum et veri amanti, si in quo ipse operam studiumque posuerit, id alias suppleat, absolvat, emendet, hoc mihi contigit per *Henricum Iordanum*, quem editione, Berolini 1866 aput Weidmannos evolgata, eisque quae in *Mus. Rhen.* vol. XVIII et *Hermae* vol. I disputavit, de Sallustio praeclare meruisse ita fateor, ut in quibus me acerbius castigavit, agnoscere quam excusare malim. Oblata igitur huius meae editionis repetundae necessitate quid aliud agere potui, quam ut quae ille comparasset, eis quam diligentissime et religiosissime uterer? Nec vereor, quod multis de locis sententiam meam mutaverim, ne in levitatis crimen incursum sim. Etenim cum ad aliquid redimus, liberiore animo iudicare solemus faciliusque opiniones quasdam omittere: tum ab Iordano confirmatus in ea sententia, quam de praestantia codicis P ipse primus proposueram, set meliora edoctus de cod. V, facere non potui quin in omnibus locis, de quibus iudicium ab fide librorum penderet, illius exemplum sequerer: postremo nonnulla iam ipse conrexeram in editione *Catilinae*, quae adnotationibus inlustrata prodiit a. 1864. Ceterum quoniam fusius de singulis disputare non est huius loci, quae nunc aut mutavi aut retinui breviter recensere, interdum additis argumentis, constitui.

Cat. 2, 2. *conpertum est] est* delevit I. Num in omnibus libris omissum sit, equidem dubito. — 3, 2. *actorem] I. auctorem.* Illud ob sententiam retineo, praesertim cum cod. P<sup>1</sup>, cui aliquanto plus fidei quam ille v. d. habendum esse arbitror, exhibeat. Etiam multo minus Iug. 1, 4, cum codices primi generis (P) cum multis

alterius (C) in *actores* consentiant, non nulli tantum ex hoc *auctores* praebeant, cur his quam illis magis obsequendum sit perspicio. — 3, 5. Quod in P *quae*, non *qua* est, id ipsum me movit, ut Gerlachii emendationem retinendam putarem. Nec desunt exempla, quae in archetypo morem illum scribundi, quo eadem litterae bis ponendae semel scriptae notarentur siglis, observatum fuisse deinonstrent. — 6, 2. Ut verba *ita brevi multitudo dispersa atque vaga concordia civitas facta erat* hoc ipso loco inserunda censerem, ne eis quidem, quae I. Herm. I 2 p. 245 sqq. disputavit, adductus sum. Non invideo si quis Sallusti ea esse contendere audeat, at cum Augustinus ea ad inlustrandas sententias Sallusti (C. 9, 3) et Ciceronis adhibuerit, in promptu est suspicari ea ab homine docto in lectitatione Augustini bene vorsato in margine exemplaris sui adscripta, in textum paucorum librorum inlata esse. Set quid suspicione advorsum suspicionem pugnare iuvat? Concederem facilius, si Sallusti orationi aliquid deesse planum factum esset. At ex Trojanis et Aborigibus unum populum, ergo civitatem factam esse nonne praegressis satis expressum est? Quod si tales loci, quales sunt C. 7, 8. I. 40, 3, in comparationem vocantur, scilicet hic est pronominum demonstrativorum usus, ut ex praegressis membrum consecutivum mente teneatur. Quid autem hoc est: ut tam facile coalescerent, eo effectum est, quod brevi — per concordiam civitas facta erat? — 8, 2. Semel moneo, ut in orthographia ubique Iordanii vestigia premerem, eo minus me motum esse, quod illum sibi non constitisse viderem. Sic *magnificus* initio constanter scripsit, ab p. 30 ubique *magnificus*, et cum in maxuma editionis parte antiquas formas *plebes* et *plebei* expulisset, ad eas positemo redit. — 11, 7. Quamquam quam sacpe *e* et *i*, in terminationibus maxume, confusa sint, dici vix potest, eamque ob causam *temperarint* scribere ne pro emendatione quidem habendum, tamen ne Sallustio meas opiniones obtrudere viderer, *temperarent* nunc retinui, set ut recte coni. inpf. explicaretur, membrum a praegresso graviore incisione seperandum putavi. — 13, 1. *constrata*] *contracta*, quod quia magis poëticum est reieci. Set infra 28, 11 etiamum Gronovii emendationem *extrudendo* probo. — 14, 1. *tamquam stipatorum*] Binsfeld. Mus. Rhen. XXI 3 p. 485 sq. *tamquam stipationem*. — 14, 5. *aetate* ex versu sequenti petitum esse Iordanio concedo. — 15, 3. *facinoris maturandi*] *facinus maturandi* I. ex p. Set cum prima manus in P *facinus matura\*da* exhibeat, utrum veri similius, scribam quae in archetypo suo essent, recte legere non potuisse eamque ob causam in uno codice erratum esse, un omnes ceteros ex andacter correcto exemplari fluxisse? — 18, 1. Qui ob Diomedis fidem contra omnes libros *in quis* scribat, nonne etiam *brevissimum* ub eodem traditum pro *verissimum* recipere debet? — 18, 3. De verbis *quod* — *ne quiverit* suspicio mea mihi nondum adempta. Romae iam in ed. 1864 reieceram. — 18, 6. Lacunam esse etiamum censeo. — 19, 5. ante in omnibus libris pro *antea* scriptum esse, silenti Iordanio credam? — 20, 7. *ceteri omnes, strenui boni, nobiles atque ignobiles*] I. ex

Victor. Caes. 24, 9 *ceteri omnes, boni malique nobiles atque ignobiles coniecit.* — 20, 16. *utimini] utemini.* Quamquam paulo ante hortantur ex Vpz recipiendum fuit. — 22, 2. Post Frid. Ritschlii praeclaram disputationem (Mus. Rhen. XXI 2 p. 317 sq.) nemo, opinor, quin adeo antiquissimus liber glossis inquinatus sit, dubitabit. — 23, 4. *quoque modo]* Quod Momms. coni. *quoquo modo,* probare non potui, cum mihi non constaret, Fulviam ab aliis auctoribus, quam per Curium quidpiam cognovisse. — 25, 3. *lubidine]* I. ex P *lubido.* — 26, 5. *[consulibus]]* I. sine uncis. Ego libris minus confido, quam ut Sallustium ita vaesanum iudicem, ut uno tenore Catilinam ambos consules interficere voluisse narraret, cum modo in Antonio eum spem habuisse dixisset. — Locum c. 26—31, uti in libris traditus est, intactum reliqui, non quo sententiam, ad quam post multas dubitationes tandem adductus eram (Exc. I ad ed. 1864 p. 204—206), me facillume Mommseni disputatione (Herm. I 3 p. 431 sqq.) perductum rursus abiecerer, set quod in tali editione quae nondum consensu communi adprobata essent, amplecti religioni duxi. Sallustium per Ciceronem in errorem inductum esse concederem, si res ipsae planae et apertae mihi videbentur neque alii scriptores eo modo, quem transpositio restituit, res narratas esse testarentur. Ignoscat igitur vir praeclarissimus, quod temeritatis crimen iniungere mihi quam in eius verba iurare maluerim. — 27, 2. *intenti paratique]* *intenti parati.* — 27, 3. *penes* ex Palmerii conjectura] *per* I. — 28, 1. Dum demonstratum fuerit, homines ita furore abreptos fuisse, ut se, si cum armatis salutatum venissent, non exclusum iri sperarent, lacunam in libris esse contendam. — *domui]* domi I. Rarior forma per P *domui\** confirmari magis quam reici visa. — 29, 1. *exagitatum c. Cortio]* *exagitatam* I. — 30, 7. *Maiores,* quod pro *minores* exhibet P, haut dignum quod prorsus neglegatur, mihi videtur. — 31, 5. *vel sui]* *aut sui* I. P *ut ad vel* potius ducere mihi videtur. — ib. *sicubi* cum Linkero] *si* I. Ad illud me converti, quoniam in archetypo *si ut* fuisse Iordanus visum est. — 31, 7. *in populum Romanum cum Cortio]* *in plebem Romanam* I. In tanta similitudine conpendiorum cur hoc loco *in plebem Romanam* necessario scribendum fuisse, ostendendum fuit. — Suspicionem, quae de *civis* diu me tenuit, nunc missam feci. — 32, 1. *insidia [consuli] procedebant]* *insidia consuli procedebant* I. Ab S. contra latinitatis leges, illis praesertim temporibus, sic scribi potuisse nego. — 32, 2. *possint]* *possent* I. Vid. 11, 7. — 33, 1. *patriae c. I.]* antea *patria.* — 34, 1. *respondet]* *respondit* I. — 35, 3. *non quia — solvere non possem, cum scilicet alienis]* *non quin — solvere possem, ut alienis nominibus* I. de coni. — 36, 1. *Flammam]* I. elecit. Mihi ut ab grammatico adiectum, tamen memorabile visum. — 36, 5. *morbi erat, quae uti tabes]* *morbi ac veluti tabes* I. c. Haupt. Philol. III p. 547. Illud mihi neque inconciuum esse et propius ad librorum scripturam *morbi atque uti tabes* adcedere visum. — 37, 5. Quoniam libri *alii qui per dedecora* exhibit, aliquid in loco turbatum esse concedo, qui

recepto orationem perspicuam et dignam Sallustio fieri nego. — 38, 3. *post Sullae tempora*] *post illa tempora* I. Confirmavit me, quod in libris similiter peccatum intellexi 28, 4: *ex Sullanis coloniis. p exillanis. P exulanis.* — 39, 2. *ceteros, qui plebem in magistratu placidius tractarent, iudiciis terrere c. Ritschl. Mus. Rhen. XXI 2 p. 318 sq.] ceterosque iudiciis terrere, quo plebem in magistratu placidius tractarent.* — 39, 4. *illis si] illis qui* I. Quae in Comm. p. 109 sq. exposui, nondum refutata vidi. Ceterum quod in duobus alterius generis libris post *exanguibus* adiectum est *ceteris*, iam antiquiore tempore homines doctos in *illis qui offendisse, ostendere mihi videtur.* — 39, 6. *aut ipse]* *aut per se* I. — 41, 5 *Praecipit Linkeri etiam I. recepit.* Idem ego eam ob causam quam supra significavi. Etenim vir amicissimus Fleckeisen me monuit pro *praecipio, praecipit antiquitus praecēpīo, praecēpīt* et dictum et scriptum esse. Cf. I. 12, 6. — 42, 3. *in ulteriore cum Cortio] in citeriore* I. quod qui librorum causa retinet, Sallustum turpis erroris insimulat. — 43, 1. *† Faesulanum] Faesulanum* I. In edit. 1864 Exc. III p. 208 *Trossulanum* conieci, nunc cruce praefixa vocabulum corruptum esse significandum putavi. — 45, 3. *et cur delendum mihi videretur exposui in ed. 1864.* Exc. IV p. 210. — 46, 5. Verborum *in senatum* electorum eo minus me paenituit, quod etiam I. uncis circumclusit. — 49, 1. *Per,* quod nimis subtilibus rationibus necessario repetundum fuisse contenderam, nunc librorum fidei cedens altero loco delevi. — 49, 4. *usque eo per adeo explicatum esse idque loci conrumpendi causam praebuisse concedo.* — 50, 2. *in audaciam ex glossemate orta esse etiam I. intellexit.* Qui retinere velit, certe transponere debet. — 50, 4. Verba *quod ea de re censuerat* quo modo commode explicentur, nondum intellego. — 51, 4. *quae reges]* *qui reges* I. Si grammaticus quidam *quae sno Marte novavit*, certe quid Sall. scribere debuissest, recte perspexit. — 51, 5. *infida et advorsa]* *infida atque advorsa* I. — 51, 6. *in pace et per indutias]* *et in pace et per indutias* I. Nisi planum factum fuerit, quibus in rebus et quibus rationibus perductus Sall. ab suae aetatis diligentia et elegantia deflexerit, ea retinenda censeo, quae ab libris nonnullis aliquid commendationis habeant simul et diligentiorum aequalium usui atque consuetudini convenient. — 50, 15. Cum tam multa exempla brevium syllabarum in P omissarum extent, ergo reliquis eiusdem generis libris in talibus filis non omnis deneganda sit, utrum saevior an severior verum iudicem adhuc dubito. — 51, 19. *sint in armis c. I.] in armis sint.* — 51, 22. *in sententiam c. I.] in sententia.* — 51, 27. *Scilicet de coni.] l. sed.* — 51, 39. Sententiam, quam de verbis Graeciae morem imitati dixi, eam ut abiciam, nondum planis argumentis perductus sum. — 51, 43. *neu quis c. I.] ne quis.* — 52, 2. *Longe mihi alia mens est c. I.] longe alia mihi mens est.* — 52, 20. *si ita res esset c. I.] si ita esset.* — 52, 25. *deprehensis c. I.] adprehensis.* — 52, 27. *convortat* (ed. 1864) I.] *convortet.* — 52, 30. *T. Manlius]* *A. Manlius.* Malo librariis quam Sallustio erroris aut neglegentiae

crimen iniungere. — 52, 32. *deis aut hominibus* c. I.] *deis atque hominibus*. — 52, 35. *Urbis etiamnum glossema iudico*. — *potest occulte* c. I.] *occulte potest*. — 52, 36. *ego ita* (ed. 1864) c. I.] *ita*, — 53, 5. *Vehementer laetus sum, quod Fr. Ritschl* (Mus. Rhen. XXI 2 p. 316) *mihi adsensus est, locum vocabulo omissio corruptum statuenduni potius esse, quam emendationem deteriorum librorum effeta parente accipiundam, etiam vehementius quod non aetate, set vi excidisse docuit locumque optume inlustravit*. — 54, 5. *illa] illum* I. *Illud retinui non ob librorum aliquam fidem, set ob sententiae concinnitatem*. — 55, 1. *tresviros]* *triumviro* I. *Ad cum defendi posse videatur, nolo suspiciones sequi*. — 55, 3. *ascenderis librorum fide commendatur: in tanta rei obscuritate ego nihil discernere audeo*. — 55, 5. *Verba vindices rerum capitalium suspecta esse etiam I. iudicavit*. — 57, 1. *in Galliam [Transalpinam]]* *Sine uncis* I. *Facilius ego nimiae suspicacitatis obprobrium perferam, quam in Sallustio mirae atque inconditae narrationis crimen relinquam*. — 57, 4. I. *verba in fuga* *deleta* *volt*. *Mihi proxume ad verum adcessisse* Fr. Ritschl *videtur* (Mus. Rhen. I. c. p. 319) *expeditus tardatos in fuga* *scribi iubens*. — 58, 5. *quo loco* (ed. 1864) I.] *quo in loco*. — 58, 9. *sin* c. Kritzio, *id* *quod latinitas postulat, restituere malui, quam stricte a librariis lineolam ad pictam esse negare*. — 58, 11. *pro potentia paucorum pugnare* c. I.] *pugnare pro potentia paucorum*. — 58, 12. *adgrediamini* c. I.] *adgredimini*. *Quamquam imperativus gravior et Catilinae ingenio aptior videtur*. — 59, 5. *tumulti]* *tumultus* I. *Incertum mihi videatur, num singularia et antiqua illa, quae in paucis aut in uno libro inveniuntur, grammaticorum praeiudicatae opinioni ac pruritui debeat, an in archetypo servata per ignaros in volgaria et usitata commutata sint*. — 60, 2. *Neque Nonio tantum tribuo ut contra libros a recipiam, neque libris, ut contra usum ac consuetudinem Latinorum cum infestis signis genuinum esse credam*. — 61, 3. *Verba alis alibi stantes, quae Diom. p. 333 et Charisius p. 159 uno consensu cum omnes tamen adversis volneribus iuncta fuisse tradiderunt, ut cum Iordanio errore memoriae ex 60, 5 alios alibi resistantis male conflata esse credam non adducor*.

**Iug.** 1, 5. *ac pernitiosa* ex August. Ep. LIV] del. I. *Aequabilitate membrorum multo magis commendantur illa verba, quam quae I. C. 6, 2 inserunda putavit. Quod in nullo libro scripta sunt, certe documento est, omnes libros ex uno archetypo fluxisse*. — 3, 1. *Locum constitui secundum ea, quae liberalissime me W. Roscher, iuvenis doctissimus, per litteras monuit*. — 4, 4. *qui-bus — adeptus sum quales cum Kritzio* (ed. 1856 ex Elberlingii conjectura)] *adeptus sim et quales* I. *cum libris. Quo modo haec scriptura et logicae rationi et Sallusti concinnitati conveniat, non invenio*. — 4, 7. *his moribus*] I. *eis moribus*. — 5, 3. *expediā ob consuetudinem Sallusti illiusque aetatis] expedio* I. *ex libris*. — 5, 4. *Suface*] *Syphace* I. — 5, 5. *sed retinuit* I. *Suspectum fuit iam ante me Linkero et Bojeseno [qui et conrexit]. Ne*

audacior viderer, ultra illorum virorum sententias progredi nolui.  
 — 7, 1. *eis difficultatibus*] *his d.* I. — 7, 1. *inperi c.* I.] *inperio*,  
 set de loco 13, 5 adhuc dubito. — 9, 2. *En* particula mihi suspecta  
 est. — 10, 1. Locus ita mihi refingendus videtur, ut *liberis* cum  
 Ursino eiciatur. *Ea* mihi non ob libros, at ob sententiam suspe-  
 ctum. — 10, 7. *quia aetate*] *qui aetate* I. — 11, 6. Quoniam Sal-  
 lustium tam levem fuisse credere non possum, ut h. l. quae ipse  
 9, 3 narrasset, prorsus oblitus esset, *adoptione* insulsae glossae  
 originem debere statuo. — 12, 3. *sua visens c.* Grutero] *suam visens* I.  
 — 12, 5. [in]] delevit I. — 14, 5. *amicitiam* omisso concinniorem  
 fieri orationem etiamnum arbitror. — 14, 9. Quam subtilis fuisse  
 ille grammaticus, qui *tuis* eieciisset, equidem magis mirarer, quam  
 ex glossa illud in libros inrepsisse. — 14, 10. *Ne* ob eadem, quae  
 Kritzium permovere, me delevisse non paenitet. — 14, 11. *non*  
*quit*] *nequit* I. Illud insolentius ab grammatico novatum esse lu-  
 bentius concederem, nisi ad volgaria ab siglis librarios aberrasse  
 multi loci documento essent. — *in meo regno c.* I.] *in regno meo*.  
 — 14, 12. *multum laborem c.* I.] *multum laboris*. — 14, 15. *relicta*  
*est anima c.* I.] *De est* suspicionem omisi. — 14, 17. *an reges c.* I.]  
*aut reges*. — 14, 23. *et omnis c.* I.] *set omnis*. — 14, 20. *iure*]  
*vivere* I. Hoc mihi ex sequentibus natum videtur. — 15, 2. Cur  
 ab *senatus* uncos removerem, cum adeo Iordanus eis inclusisset  
 vocabulum, non habui. — 15, 3. Praenomina ubique adiungenda  
 puto, etiam si Sallustius ea re conrigi dicatur. — 15, 4. *vidit*] *videt* I.  
 — 16, 3. *famae*] *fama* I., quod quomodo recte dicatur, non video.  
 Quam saepe *e* et *i* commutata! — 17, 5. *arbore infecundus*] *arbori*  
*i.* I. — 18, 4. *Medi et Persae et Armenii*] *Medi, Persae et Ar-*  
*menii* I. — 19, 1. *pars imperi cupidine, alii multitudinis domi mi-*  
*nuendae gratia sollicitata plebe et aliis*] *alii multitudinis domi*  
*minuendae gratia, pars imperi cupidine sollicitata — aliis* I. Quae  
 me ad transponenda verba permovere, ea uondum refutata vidi. —  
 19, 7. *Mulucham cum I.*] *Mulucham*. — 21, 4. Verba in z adiecta  
 de *controversiis suis iure* potius quam *bello disceptare* vera et  
 proba esse non nego, set aliquid dubitationis haerere, quod in  
 antiquissimis optumisque libris omnibus omissa essent, uncis ad-  
 dictis non occultandum putavi. — 23, 4. *trahi non posse*] *non trahi*  
*posse* I. Et codicum scriptura mihi incerta et ratio obstare visa.  
 — 24, 3. *mei c.* I.] *[mei]*. — *incertus sum c.* I.] *incertum est*. —  
 24, 9. *scribo c.* I.] *scripsi*, quamquam haec Vaticani scriptura epi-  
 stularum consuetudini prorsus convenit. — 25, 1. *enism*] *enism*  
*est* I. Obsequi hinc dubitavi cum ob eodicum incertam fidem, tum  
 ob Sallustiani styli proprietatem. — 27, 4. *[Calpurnius]*] delevit I.  
 — 28, 5. *artes et animi et corporis c.* I. et codice Frontonis] *artes*  
*animi et corporis*. — 29, 3. *primo*] *primum* I. — 29, 5. *Fagam*  
*c.* I.] *Vaccam*. Scilicet illam scriptionem tituli testantur. — 30, 3. *in-*  
*cendebat c.* I.] *adcedebat*. — 31, 4. *factionis potentiae c.* I.] *po-*  
*tentiae factionis*. — 31, 6. *vostri*] *nostri* I. Item infra *vostris* pro  
*nostris* retinui. Etenim habet aliquid momenti ad animos auditorum,

ac maxume de plebe, si suarum rerum gravius admoneantur, et fere per totam orationem Memmius omnia ad populum rettulit, se illi obposuit. — 31, 10. *praedas*] *praedae* I. Scilicet illud non ob Vaticani fidem, set quod sententia mihi postulare videretur, retinendum censui. — 31, 14. *eadem metuere nondum adducor ut ab Sallustio scripta putem.* — 31, 15. *libertatis curam c. I.] curam libertatis.* — 31, 18. *vos c. I.] vobis.* — 31, 25. *omittatis c. I.] amittatis,* quod nescio annon proprium fuerit Sallusti. — 31, 28. *benefici quam malifici inmemorem esse c. I.] benefici inmemorem esse quam malifici.* — 32, 1. *saepius de coni. I.] saepe.* — ibid. *accersebant]* *accersebat* I. quod certe importune dictum videtur. — 33, 3. *nisi c. I.] ni.* — 35, 10. *o urbem]* *urbem* I. Quamquam interiectionem *o* ab Sallustianis libris minorem commendationem habere non nego, tamen cum apud alios scriptores adiecta sit et aliquam vim orationi addat, quid obstat, quo minus librarioru*m* incuria excidisse, nou ab Sallustio neglectam esse statuas? — 36, 2. *ludificari]* *ludificare* I. Cur Arusiano minus fidei habendum sit, quam librariis, qui *e* et *i* quam saepe permutaverint quamque propensi ad volgaria fuerint, dici vix possit, non video. — 37, 4. Senec. Ep. 114, 119 h. l. *hiemantibus aquis legisse,* mihi non minus veri simile visum est, quam *hiemalibus* ab grammatico restitutum esse. — 38, 1. *subdolus]* *subdole* I. Mihi rationibus subductis illud maiorem a libris commendationem habere visum. — 38, 2. Verba *ita delicta occultiora fuere* (etiamsi *fore probaretur*) ut ab Sallustio scripta potius, quam ab insulso librario ex margine in textum inlata esse iudicarem, ab animo meo inpetrare non potui. — 38, 10. Quamquam quod ipse conieci *moris metum intuebantur*, eo Sallusti manum restitutam esse contendere minume audeo, iamnen quod I. *conb. Tac. h. II 76, 1* coniecit *metu nutabant*, recipere propterea dubitavi, quod nemo recte dicitur quia mente dubia haesitasset, aliquid probasse, set in dubitatione certa aliqua cogitatione ad capiendum quamvis turpe et grave consilium confirmatus esse. — 41, 1. *popularium et senatus delevit* I. Ibidem *dicunt*, quod pro *ducunt* editit ille, num in omnibus libris sit inventum, vehementer ego dubito. — 43, 1. *de senatus sententia c. I. de palmari Mommseni coniectura* (vid. Herm. I 3 p. 430 sq.)] *designati.* — 44, 5. *ea c. I. delevi*, non iam ob libros, quam quod superfluum et ieenum videbatur. — 47, 2. *temptandi gratia si paterentur et ob opportunitates]* *temptandi gratia et si paterentur opportunitates* I. — ibid. *commeatu de Madvigii emend.] commeatum* I. — 48, 3 *milia [passuum]*] *milia passum* I. Genetivus ille, quod ap. Arusianum deest, et in libris locus variatus, utique suspectus mihi fuit. — 49, 2. *belli melioribus cur.* I.] *bello m.* — 50, 3. *peditum uncis exemi*, cum neque librorum discrepantia tanti videretur et res commendare. — 53, 5. *fessi laetique victoria erant]* *fessi lassique erant* I. set ut meam coniecturam non prorsus improbabile videatur, quod idem de *adventarent*] I. *adventare* valet. — 53, 8. *mutatur c. Iord. Prisciani fide omnibus libris Sallusti praelata]* *exortum.* — 54, 1. *iam*

c. I.] [iam]. — *quae leviora sint*] *quae leviora sunt* I. Talia conrigenda esse contendeo, quamdiu Sallustium ab suae aetatis diligentia temere discessisse non planum factum fuerit. — 54, 5. [in] acie] in acie I. — 54, 6. *interficit, iubet alia*] *interfici iubet, alia* I. Hic optumis libris plus fidei tribui, quam ille. — 55, 1. *ut in advorso c. I.] in advorso*. Ut reduxi, ne Sallustiani dicendi generis proprietatem temere delere velle viderer. — 55, 4. Uncis vocabulo *animo* adiectis significatum volui, illud, quamvis per libros optumos non commendatum, tamen mihi vestigia in deterioribus codicibus prementi non tam ex glossemate ortum, quam Latinorum consuetudini convenire visum esse. — 56, 5. *gerunt c. I.] agunt*. — 57, 5. *sudis, pila, praeterea picem sulfure et taeda mixtam ardenti*] *sudes pila, praeterea — sulphure — ardentia* I. Nisi quis etiam pila aut certe sudes ardentia missa esse cum aliqua veri specie ostenderit, ego equidem *ardenti* retinere audebo, confirmatus maxime loco 60, 6. — 58, 4. *tumultum hostilem*] *clamorem hostilem* I. Aut *clamorem* aut *tumultum* pro glossemate habendum esse certum est. Set grammaticum quendam ad *clamorem* explicandi caussa *tumultum* adscripsisse, quod in antiquissimis libris est *clamorem vel tumultum* parum argumenti mihi esse videtur. — 60, 4. *sicubi*] *sicuti* I. — 61, 4. *clam c. I. delevi*. — 52, 1. *merenti*] *meritae* I. Hoc ab licentia correctoris originem duxisse veri similius visum, quam *merenti*. — 63, 4. *factis ex palmarri Palmerii emendatione*] *facile* I. — 63, 6. *consulatum* quod addidi delevit I. Ut illud a librario ultro adiectum sit, tamen orationem multo planiorem facere, quid quod paene necessarium esse iudico. — 64, 2. *primum commotus insolita re mirari eius consilium c. I.] primo conn. ins. re mirari primum eius consilium*. — 65, 2. *more cum c. I.] modo*. — 66, 1. *aliaque quae c. I.] alia quae*. Recepit illud, ne forte Sallustio nimiam quamdam diligentiam viderer adfinxisse. — 67, 1. Minus audax mihi visus sum, si eos qui *ad excidisse censuere* — in quibus auctor fuit scripturae, quae in nonnullis alterius generis libris inventa est — sequerer, quam si suspicionem, antea a me propositam (subsplendam esse orationem *arcem — obsidebat*) reinerem aut c. I. *arce* scriberem. Ceterum *fuga prohibebant* ipse iamdandum edideram. — 67, 3. *an pactione aut casu c. I.] aut pactione an casu*. — 68, 2. *postera die c. I.] postero die*. At ut etiam *postera hora pro posteram horam* reciperem ab me inpetrare non potui. — 69, 2. *volgum c. I.] volgus* ut etiam 73, 5. De extremis verbis I. allegavit Momms. Stadtrechte p. 399 n. 20. Mihi nondum omnes dubitationes exemptae sunt. — 72, 2. *experrectus*] *excitus* I. Diomedem memoria lapsuni esse mihi vix credibile videtur. — 73, 4. *fuit c. I.] fuerat*. — 74, 1. *fidei* I. Insolentiores formas ab librariis temere conmutatas esse constat. — 75, 1. *ubique plerique*] *ubi plerique* I. Illud iu archetypo fuisse ex codicum scripturis coniectanti satis mihi veri simile visum. — 75, 5. *praesto forent c. Kritzio*] *fuerint* I. — 76, 3. *et etiamnum* mihi suspectum est. — 77, 2. *Iugurthini*, quod sine uncis I. reliquit, deforme glossema esse recte perspexit

Linker. — 79, 1. *memorabile*, si non archetypi scripturam, Sallustio digniorem esse, quam *mirabile* mihi persuasum est, neque obstat quod sequitur *memorare*. *nos* quamquam prorsus delere non ausus sum, tamen melius abfuturum cum Cortio indico. — 80, 6. *Boccho*] *Bocchi* I. Nisi alia eaque luculenta documenta protata fuerint, quibus utrum Jugurtha Bocchi, an hic illius filiam in matrimonium duxerit, planum fiat, *Boccho* ab libris antiquissimis commendatum retinendum puto; eoque magis quod *Bocchum* in Romanos propensum cum *Injurtha* adfinitatem iungere volnissee minus veri simile videtur, quam hunc quo illius animum per proximos impelleret, ut filia inter illius uxores esset, curavisse. — 81, 2. *ibique \*\*\*\* Metellus*] *ibi Q. Metellus* I. Rationibus pro et contra rursus expensis sub iudice litem relinquere malo. — 85, 3. *cum maximo benificio vostro c. I.*] *cum maximo vostro beneficio*. — 85, 10. *mutari*] *mutare* I. Ob multa exempla *e* et *i* confusorum non tantum tribuo codici P, ut quod unum orationis flumini conveniat, illius fide mutem. — 85, 11. *vos imperare c. I.*] *vos imperatorem*. Quamquam autem sibi ob codicum auctoritatem exulare debere agnosco, tamen quia ambiguitatem prorsus removet, mihi placere non infitias ire audeo. — 85, 14. *obiectantur c. I.*] *obiciuntur*. — 85, 16. *possit*] *posset* I. — 85, 17. *faciant*] *faciunt* I. — 85, 22. *res habet c. I.*] *res habent*. — 85, 24. *huiusce rei c. I.*] *cuius rei*. — 85, 26. *vostro maximo c. I.*] *maximo vostro*. — *ibid. me vosque c. I.*] *meque vosque*. — 85, 27. *ex animi mei sententia c. I.*] *ex animi sententia*. — 85, 29. *pectore*] *corpo* I. Scilicet volnera, quae pectore ad vorso excepta, multo laudabiliora et gloriosiora sunt, quam quae ad vorso corpore, ergo vel ventre vel pedibus. — 85, 30. *egomet meis*] *ego meis* I. Illud quamquam unus ex C exhibet tamen optime inventum esse, cum ob codicum discrepantias, tum ob sententiae gravitatem iudico. — 85, 34. *Eis ego*] *His ego* I. Qui librariorum naturam moresque noverit, utrum *his an is* i. e. *eis* verum sit, non *ex illorum fide* diiudicandum esse sciet. — 85, 39. *incultis moribus c. I.*] *incultum moribus*. — 89, 40. *viris labore*] *laborem viris* I. Chiasmus cum latinis oratoribus, tum Sallustio ita consuetus est, ut me non pudeat, quod utrum h. l. ab grammaticis sciolis restitutus an ab ipso scriptore institutus sit, incertus haereum. — 85, 41. Verba *quod iuvat* ut ab omnibus codicibus abesse crederem propterea, quod in Iordanii editione omissa sunt, adduci non potui. — *ibid. in conviviis* non ob librorum fidem, set ob sententiam suspectum habeo, contra ab *sudorem* vocabulo uncos removi. — 85, 42. [omnibus]] del. I. Ob librorum fidem suspectum esse fateor, ad sententiam certe haut incommodum. — 85, 45. *habete c. I.*] *habetote*. De *atque* suspiciones, quae mihi ob latinitatem subortae, nondum sublatae sunt. — 85, 47. *periculi c. I.*] *periculis*. — 86, 1. *armis, aliis utilibus*] *armis aliisque utilibus* I. — 88, 1. *accipitur*] *excipitur* I. Cum *acc.* optimi libri commendent, cur *excipitur* ex nonnullis alterius generis necessario recipiendum sit, non perspicio. — 89, 3. *illum procul abesse*] *illum abesse* I.

nihilo adnotato. Num igitur in omnibus codicibus abesse credam angor et exerucior. — 89, 5. *praeter oppido propinqua] praeter oppida propinqua* I. Num id, quod ex paucis eisque deterioris notae libris innotuit, etiam in PC scriptum sit dubitare me fateor. — Ibidem verba *natura serpentium ipsa perniciosa omni suspicione carere ut iudicarem, nondum adduci potui.* — 89, 7. *qua — agebatur ex Linkeri em.] quae — agebat* I. — ib. *illis sine uncis c. I.* — 91, 7. [ante]] Sine uncis I. Mihi glossatoris manum videtur olere. — 92, 1 et 3 quod lacunas ab I. signis indicata explevi me non paenitet. — 92, 5. *omnis a natura] omnis natura* I., set commemorata mea coniectura. — 92, 7. *satis, magna] satis et magna* I. — ib. *turribusque [et aliis machinationibus]] turribusque et altis machinationibus* I. In loco apertissime turbato neque ut *et* quod in codicibus falso ordine positum est, recipere, neque ut *et altis vel aliis machinationibus* non suspecta haberem permoveri potui. Etenim praeter turris et aggeres quae sunt altae machinationes? et aliis machinis ut vineis, quamvis cum periculo agerentur, locus tamen non prorsus fuit importunus. — 93, 2. *avorsum] advorsum* I. Illud res mihi postulare visa. — 93, 4. *inflexa c. I.] flexa.* — ibid. *in castelli planitiem pervenit c. I.] castelli planitiem perscrutatur.* — 93, 5. *usu c. I.] usu.* Set postea escenderat, ut ad rem significantius, pro *adscenderat retinui.* — 93, 8. Quoniam quae antea addunda censueram *milites paucos et nunc quidem minus placebant, nec vero quo Iordanus locum facillume sanari arbitratus est, una particula et interposita, satis faciebat, lacunae signa adpinxisse satis habui.* Suspiciones, quas de *ei* conceperam, omisi. — 94, 1. *escensur i erant ex Carrionis emend.] e centuriis erant* I. cum libris, quod quibus argumentis in Hermae vol. I defendere conatus est, mihi non persuasit. — 94, 3. *extra vineas egressus c. I.] extra vineas est egressus.* — 95, 3. *iam prope c. I.] prope iam.* — *Graecis et Latinis c. I.] Graecis atque Latinis.* — *doctissimi ex egregia lor dani coniectura] doctissime.* At postea ad *simulanda addendum esse ac dissimulanda* mihi etiamnum videri, quamvis fortasse in pertinaciae crimen incurram, non dissimulo. — 97, 1. *misit c. I.] militit.* — 97, 2. *cius c. I.] [eius].* — 97, 5. *equites peditesque c. I.] equites pedites.* — ib. *caedere alii, alii obtruncari ego meo Marte] cedere alius alius obtruncare* I. Mox multi quod ego coniectaveram, probavit I. Verba et ob eu scientes nemo ita defendit ut mihi Sallusti esse persuaderet. — ib. *orbis fecere] orbis facere* I. Illud optimi libri. — 99, 1. *ac paulo c. I.] et paul9.* — 99, 3. *tumultu formidine quasi] tumultu formidine [terrore] quasi.* — 100, 4. *equites ex auxiliariis] equites auxiliarios* I. Ad illud mihi codicum vestigia ducre videntur. Semel corrupta terminatione *is in os* in promptu fuit *auxiliarios* novare. Variationem orationis hoc commendare non infitior. — ib. *in munimentis mihi non magis ob codices, quam ob sententiam suspecta.* — ibid. *futura quae] futu rum quae* I. — 100, 5. *Iugurthini belli eo magis suspicio, quod ita Sallusti de Mario iudicium artius circumscribitur.* — 102, 5. *cum*

c. I.] quod. — ib. demeres c. I.] dempsere. — ib. errantem atque illum c. I.] errantem et illum. — 102, 6. imperi ex Sellingii emend.] inopi I. — 102, 8. perpessus es] perpessus esses I. Ab sententia hoc defendi posse non nego. — 102, 10. atque sine uncis c. I. — 102, 12. regnum tutantem] ob regnum tutandum I. Illud mihi non solum ob libros, set etiam ob sententiam magis placuisse fateri non pudet. — 103, 2. Victus argumentis ab Iordanu prolati et flectitur et igitur rursus delevi. — 103, 3. Neque illis, neque pro eo ipsis probabile mihi visum. — 103, 4. in itinere sine uncis c. I. 103, 5. avaritiae Romanorum c. I.] Romanorum avaritiae. — 103, 6. ignorata] ignota I. Per hoc illud explicatum esse mihi veri similius est visum. — ibid. munificus nemo c. I.] nemo munificus. — 104, 1. quod intenderat] quo intenderat I. Utrum probarem, in tanta loci perturbatione dubius haesi. — ib. rediit c. I.] redit. — ib. illosque c. I.] eosque. — ib. ad Uticam] ab Utica I., quod quo minus conprobarem res mihi obstare visa. — 104, 2. Romam eundi c. I.] eundi Romam. — 104, 3. profecti sunt] sunt del. I. — 104, 4. Romaeque] Romae I. — 105, 1. quibus] quis I. — ib. uti ad se mitteret Sullam c. cod. m.] uti Sullam ad se mitteret I. — ib. equitum atque [peditum, item] funditorum] equitum atque peditum, item funditorum I. Mallem verba atque peditum deleta. — Verba quod ea levia sunt nimis mihi glossatoris manum olere visa. — 105, 3. vero ampliorem ex cod. m] ampliorem vero I. — 106, 4. ignisque] que delevit I., ab libris satis mihi munitum visum. — 107, 1. antea c. I.] ante. — 107, 2. Dein c. I.] deinde. — 108, 1. Verba nam pater eius ex concubina ortus erat vel ob discrepantium quae in libris est (alii pater, alii mater), glossematis speciem prae se ferre etiamnum existumo. — 109, 3. ac nihil cum I.] nihil. — 109, 4. digressi sunt c. I.] digressi. — 110, 2. indigui c. I.] indigus. — 110, 3. animum meum c. I.] meum animum. — ib. carius habeo c. I.] carius est. — 110, 4 ab tibi uncos removi. — 110, 7. quoad voltis] quod voltis I. — ib. neque [id] intrare] sine uncis I. — 111, 1. polliceretur] policeatur I. — ib. faciundum esse aliquid] faciundum aliquid I. Cur esse expellerem neque in libris neque in sententia satis caussae mihi invenisse videor. — 112, 2. denuntiat c. I.] nuntiat. — ib. parum confidere c. I.] parum fidere. — ib. 3. De glossematis, quae antea indicavi, cur sententiam mutarem, parum causae inveni. — 113, 3. Ceteris ut delerem bono animo I. mihi auctor fuit. — ib. voltu et oculis c. I.] corpore. — Quae patescisse etiamnum insulsi grammatici glossema esse iudico. — 114, 4. Et ea tempestate] Ex ea tempestate I.

Titulos orationum et epistularum ex historiis decerptarum non ex cod. V refinxi, set ita, ut causa breviter significaretur.

**Or. Lep.** 1. Semel moneo existumare me saepius pro aestumare restituisse, cum in libris facile ea verba confusa esse, set usu et consuetudine Latinorum scriptorum diligenter viderem discreta. — 18. De Iordanu coniectura scripsi atqui, set quo sententia certe tolerabilis evadat, cetera, ut nilil eiiciatur, levissuma mutatione ita

scungi posse arbitror: — *sum, pretio [uncis hoc inclusis I.] soluto iure dominus, tamen restituo.* — 20. *Per*, quod antea addundum esse suspicatus eram, nunc delevi, cum tolerabilem sententiam, recepto ex coniectura *captum ire* effici arbitrarer. — 21. *Scirto c. I.] Scirro.* — 24. *labefactis c. I.] patefactis.*

**Or. Phil.** 4. *ob benefacta c. I.] ob benefacti \*\*\*\*\*.* — 7. *tum, pro quo I. cum Kritzio tunc scripsit, defendi posse, set multo magis non cum Cortio inserendum esse etiamnum arbitror.* — 9. *neu, quamquam V ne exhibet, magis mihi placuit.* — 12. *Quod ob locum Demosthenis, quem Sallustio ob oculos vorsatum esse luce clarius est, olim conieci intuentes, id Halmio monente nunc addito tanta subplendum putavi.* — 17. *mehercules] mehercule I.* — 19, *obrepsit] I. ex V obpressit.* — 21. *vostra] nostra I.*

**Or. Cott.** 9. *Ingenio corporis quo modo ferri possit non video.* Memor loci lug. 17, 6 nunc *senio* scribere ausus sum.

**Ep. Pomp.** 2. *hacine c. I.] hac in.* — 3. *Iacetaniam c. I. secundum Hübneri emendationem (Herm. II 1 p. 335 sq.)] Lacetaniam.* — 9. *qua] quae I.*

**Or. Maer.** 5. *Participium pass., ad quod referundi essent ablativi, recte abesse mili nondum persuasum.* — Emendationem, quam Mähly proposuit, *iacent* retinui, nec minus 8. *scilicet pro et novatum, atque 11 in vos pro in vobis.* — 14. *amittundum Arusiani auctoritate] omittundum I.* — 15. *tum omisso omnia recte tuitum esse Kritzium non tam facile concedam, quam patriciis ab Momm seno defensum reducendum fuisse.* — 17. *cupiatis c. I.] capiatis.* — 23. *restituendae abesse posse mihi nondum persuasum.*

**Ep. Mithr.** 13. *coepi c. I.] cepi.* — 14. In ea sententia persisto, ut praepositionem *apud* secundum constautem scriptorum usum, nisi quis Sallustium res parum cognitas habuisse statuere malit, repetundam fuisse arbitrer. — 16. *Ab parvo labore uncos removi.* — 17. *vi partum] raptum c. Ciace. I.* Tum *cum* quod adiciundum censueram, rursum delevi, set pro *peste* scribendum esse *pesti* conicere non veritus sum.

# GAI SALLVSTI CRISPI

LIBER

## DE CATILINAE CONIVRATIONE.

---

Omnis homines, qui sese student praestare ceteris animalibus, summa ope niti decet, ne vitam silentio trans-eant veluti pecora, quae natura prona atque ventri oboe-dientia finxit. Set nostra omnis vis in animo et corpore sita est: animi imperio, corporis servitio magis utimur: alterum nobis cum deis, alterum cum beluis commune est. Quo mihi rectius videtur ingenii quam virium opibus gloriam quaerere et, quoniam vita ipsa qua fruimur brevis est, memoriam nostri quam maxime longam efficere. Nam divitiarum et formae gloria fluxa atque fragilis est, virtus clara aeternaque habetur.

Set diu magnum inter mortalis certamen fuit, unde corporis an virtute animi res militaris magis procederet. Nam et prius quam incipias consulto, et ubi consulueris mature facto opus est. Ita utrumque per se indigens alterum alterius auxilio eget. Igitur initio reges — nam in terris nomen imperi id primum fuit — divorsi pars ingenium, alii corpus exercebant: etiamtum vita hominum sine cupiditate agitabatur, sua cuique satis placebant. Postea vero quam in Asia Cyrus, in Graecia Lacedaemonii et Athenienses coopere urbis atque nationes subigere, lubidini domiandi causam belli habere, maxumam gloriam in maximo imperio putare, tum demum periculo atque negotiis conpertum est in bello plurimum ingenium posse. Quod si regum atque imperatorum animi virtus in pace ita ut in bello valeret, aequabilius atque constantius sese

SALLUST.

res humanae haberent, neque aliud alio ferri neque mutari  
 ac misceri omnia cerneret. Nam imperium facile eis artibus  
 retinetur, quibus initio partum est. Verum ubi pro labore  
 desidia, pro continentia et aequitate lubido atque superbia  
 invasere, fortuna simul cum moribus inmutatur. Ita  
 imperium semper ad optimum quemque a minus bono  
 transfertur.

Quae homines arant navigant aedificant, virtuti omnia  
 parent. Set multi mortales, dediti ventri atque somno, in-  
 docti incultique vitam sicuti peregrinantes transiere: quibus  
 profecto contra naturam corpus voluptati, anima oneri fuit.  
 Eorum ego vitam mortemque iuxta aestumo, quoniam de-  
 utraque siletur. Verum enimvero is demum mihi vivere  
 atque frui anima videtur, qui aliquo negotio intentus praec-  
 clari facinoris aut artis bonae famam quaerit. Set in magna  
 copia rerum aliud alii natura iter ostendit.

Pulcrum est bene facere rei publicae, etiam bene di-  
 cere haut absurdum est: vel pace vel bello clarum fieri  
 licet: et qui fecere et qui facta aliorum scripsere multi lau-  
 dantur. Ac mihi quidem, tametsi hautquam par gloria  
 sequitur scriptorem et actorem rerum, tamen in primis ar-  
 duum videtur res gestas scribere, primum quod facta dictis  
 exaequa sunt, deinceps quia plerique quae delicta re-  
 prehenderis malivolentia et invidia dicta putant, ubi de  
 magna virtute atque gloria bonorum memores, quae sibi  
 quisque facilia factu putat aequo animo accipit, supra ea  
 veluti ficta pro falsis dicit.

Set ego adulescentulus initio sicuti plerique studio ad  
 rem publicam latus sum, ibique milii multa advorsa fuere.  
 Nam pro pudore, pro abstinentia, pro virtute audacia, lar-  
 gitio, avaritia vigebant. Quae tametsi animus aspernabatur  
 insolens malarum artium, tamen inter tanta vitia inbecilla  
 aetas ambitione corrupta tenebatur: ac me, cum ab reli-  
 cuorum malis moribus dissentirem, nihilo minus honoris  
 cupido eadem *eademque* quae ceteros fama atque invidia ve-  
 xabat. Igitur ubi animus ex multis miseriis atque periculis  
 requievit et mihi reliquam aetatem a re publica procul ha-  
 bendam decrevi, non fuit consilium socordia atque desidia

bonum otium conterere, neque vero agrum colundo aut vendando, servilibus officiis, intentum aetatem agere, set a quo 2 incepto studioque me ambitio mala detinuerat, eodem regressus statui res gestas populi Romani carptim, ut quaeque 5 memoria digna videbantur, perscribere, eo magis, quod mihi a spe, metu, partibus rei publicae animus liber erat.

Igitur de Catilinae coniuratione, quam verissime possum 3 tero, paucis absolvam: nam id facinus in primis ego memorabile existumo sceleris atque periculi novitate. De cuius 5 10 hominis moribus pauca prius explananda sunt quam initium narrandi faciam.

Lucius Catilina nobili genere natus fuit, magna vi et 5 animi et corporis, set ingenio malo pravoque. Huic ab adolescentia bella intestina, caedes, rapinae, discordia civilis 15 grata fuere, ibique iuventutem suam exercuit. Corpus patiens inediae, algoris, vigiliae supra quam cuiquam credibile est. Animus audax, subdolus, varius, cuius rei lubet simulator ac dissimulator: alieni adpetens, sui profusus, ardens in cupiditatibus: satis eloquentiae, sapientiae parum: vastus 20 animus inmoderata, incredibilia, nimis alta semper cupiebat. Hunc post dominationem Luci Sullae lubido maxima invaserat rei publicae capiundae, neque id quibus modis adsequeretur, dum sibi regnum pararet, quicquam pensi habebat. Agitabatur magis magisque in dies animus ferox inopia 7 25 rei familiaris et conscientia scelerum, quae utraque eis arbitris auxerat, quas supra memoravi. Incitabant praeterea corrupti civitatis mores, quos pessuma ac divorsa inter se mala, luxuria atque avaritia, vexabant.

Res ipsa hortari videtur, quoniam de moribus civitatis 9 tempus admonuit, supra repetere ac paucis instituta maiorum domi militiaeque, quo modo rem publicam habuerint quantamque reliquerint, ut paulatim innutata ex pulcherrima atque optuma pessuma ac flagitosissuma facta sit, disserere.

Urbem Romam, sicuti ego accepi, condidere atque 6 habuere initio Troiani, qui Aenea duce profugi sedibus incertis vagabantur, cumque eis Aborigines, genus hominum agreste, sine legibus, sine imperio, liberum atque solutum.

2 Hui postquam in una moenia convenere, dispari genere, dis-  
 simili lingua, alii alio more viventes, incredibile memoratu  
 3 est quam facile coaluerint. Set postquam res corum, civi-  
 bus moribus agris aucta, satis prospera satisque pollens vide-  
 batur, sicuti pleraque mortalium habentur, invidia ex opu-  
 4 lentia orta est. Igitur reges populique finitimi bello temp-  
 tare, pauci ex amicis auxilio esse: nam ceteri metu perculti  
 5 a periculis aberant. At Romani domi militiaeque intenti festi-  
 nare, parare, alias alium hortari, hostibus obviam ire, liber-  
 tam patriam parentisque armis tegere. Post, ubi pericula 10  
 virtute propulerant, sociis atque amicis auxilia portabant,  
 magisque dandis quam accipiundis benificiis amicitias pa-  
 rabant.

6 Imperium legitimum, nomen imperi regium habebant.  
 Delecti, quibus corpus annis infirmum, ingenium sapientia 15  
 validum erat, rei publicae consultabant: ei vel aetate vel  
 7 curae similitudine patres adpellabantur. Post, ubi regium  
 imperium, quod initio conservanda libertatis atque augendae  
 rei publicae fuerat, in superbiam dominationemque se con-  
 vortit, immutato more annua imperia binosque imperatores 20  
 sibi fecere: eo modo minume posse putabant per licentiam  
 7 insolescere animum humanum. Set ea tempestate coepere  
 se quisque magis extollere magisque ingenium in promptu  
 2 habere. Nam regibus boni quam mali suspectiores sunt,  
 3 semperque eis aliena virtus formidulosa est. Set civitas in- 25  
 credibile memoratu est adepta libertate quantum brevi cre-  
 4 verit: tanta cupido gloriae incesserat. Iam primum iuventus,  
 simul ac lelli patiens erat, in castris per laborem usu mili-  
 tiam discebat, magisque in decoris armis et militaribus equis  
 5 quam in scortis atque conviviis lubidinem habebant. Igitur 30  
 talibus viris non labor insolitus, non locus ullus asper aut  
 arduus erat, non armatus hostis formidulosus: virtus omnia  
 6 domuerat. Set gloriae maximum certamen inter ipsos erat:  
 se quisque hostem ferire, murum adscendere, conspicidum  
 tale facinus faceret, properabat: eas divitias, eam bonam fa- 35  
 mam magnamque nobilitatem putabant. Laudis avidi, pe-  
 cuniae liberales erant: gloriam ingentem, divitias honestas  
 7 volebant. Memorare possem quibus in locis maxumas ho-

stium copias populus Romanus parva manu fuderit, quas urbis natura munitas pugnando ceperit, ni ea res longius nos ab incepto traheret.

Set profecto fortuna in omni re dominatur: ea res 8 cunctas ex lubidine magis quam ex vero celebrat obscurataque. Atheniensium res gestae, sicut ego aestumo, satis am- 2 plae magnificaque fuere, verum aliquanto minores tamen quam fama seruntur. Set quia provenere ibi scriptoruin 3 magna ingenia, per terrarum orbem Atheniensium facta 10 pro maxumis celebrantur. Ita eorum qui fecere virtus 4 tanta habetur, quantum eam verbis potuere extollere prae- clara ingenia. At populo Romano numquam ea copia fuit, 5 quia prudentissimus quisque maxume negotiosus erat, in- genium nemo sine corpore exercebat, optumus quisque fa- 15 cere quam dicere, sua ab aliis bene facta laudari quam ipse aliorum narrare malebat.

Igitur domi militiaeque boni mores colebantur, con- 9 cordia maxima, minima avaritia erat: ius bonumque apud eos non legibus magis quam natura valebat. Iurgia discor- 2 dias simultates cum hostibus exercebant, cives cum civibus de virtute certabant: in subpliciis deorum magnifici, domi parcii, in amicos fideles erant. Duabus his artibus, audacia 3 in bello, ubi pax evenerat aequitate, seque remque publicam curabant. Quarum rerum ego maxima documenta haec ha- 4 beo, quod in bello saepius vindicatum est in eos, qui contra imperium in hostem pugnaverant quique tardius revocati proelio excesserant, quam qui signa relinquere aut pulsi loco cedere ausi erant, in pace vero, quod beneficiis magis 5 quam metu imperium agitabant et accepta iniuria ignoscere 30 quam persecui malebant.

Set ubi labore atque iustitia res publica crevit, reges 10 magni bello domiti, nationes ferae et populi ingentes vi sub- acti, Carthago, aemula imperi Romani, ab stirpe interiit. cuncta maria terraeque patebant: saevire fortuna ac miscere 35 omnia coepit. Qui labores pericula, dubias atque asperas 2 res facile toleraverant, eis otium divitiae, optanda alias, oneri miseriaeque fuere. Igitur primo pecuniae, deinde imperi 3 cupidio crevit: ea quasi materies omnium malorum fuere.

4 Namque avaritia fidem probitatem ceterasque artis bonas  
subvortit: pro his superbiam crudelitatem, deos neglegere,  
5 omnia venalia habere edocuit. Ambitio multos mortalis fal-  
sos fieri subegit, aliud clausum in pectore, aliud in lingua  
promptum habere, amicitias inimicitiasque non ex re set ex 5  
commodo aestumare magisque voltum quam ingenium ho-  
6 num habere. Haec primo paulatim crescere, interdum vin-  
dicari: post, ubi contagio quasi pestilentia invasit, civitas  
inmutata, imperium ex iustissimo atque optumo crudele  
11 intolerandumque factum. Set primo magis ambitio quam 10  
avaritia animos hominum exercebat, quod tamen vitium pro-  
2 plus virtutem erat. Nam gloriam honorem imperium bonus  
et ignavos aequa sibi exoptant, set ille vera via nititur, huic  
quia bonae artes desunt, dolis atque fallaciis contendit.  
3 Avaritia pecuniae studium habet, quam nemo sapiens con- 15  
cupivit: ea quasi venenis malis inbuta corpus animumque  
virilem effeminat, semper infinita insatiabilis est, neque copia  
4 neque inopia minuitur. Set postquam L. Sulla armis recepta  
re publica bonis initii malos eventus habuit, rapere omnes  
trahere, domum alius alius agros cupere, neque modum 20  
neque modestiam victores habere, foeda crudeliaque in civis  
5 facinora facere. Huc adcedebat quod L. Sulla exercitum,  
quem in Asia ductaverat, quo sibi fidum faceret, contra  
morem maiorum luxuriose nimisque liberaliter habuerat.  
Loca amoena voluptaria facile in otio ferocis militum animos 25  
6 molliverant. Ibi primum insuevit exercitus populi Romani  
amare potare, signa tabulas pictas vasa caelata mirari, ea  
privatum et publice rapere, delubra spoliare, sacra profa-  
7 naque omnia polluere. Igitur ei milites postquam victoriam  
8 adepti sunt, nihil reliqui victis fecere. Quippe secundae res 30  
sapientium animos fatigant: ne illi corruptis moribus vic-  
12 toriae temperarent. Postquam divitiae honori esse coepere  
et eas gloria imperium potentia sequebatur, hebescere vir-  
tus, paupertas probro haberi, innocentia pro malivolentia  
2 duci coepit. Igitur ex divitiis iuventutem luxuria atque ava- 35  
ritia cum superbia invasere: rapere consumere, sua parvi  
pendere aliena cupere: pudorem pudicitiam, divina atque  
3 humana promiscua, nihil pensi neque moderati habere. Ope-

rae pretium est, cum domos atque villas cognoveris in urbium modum exaedificatas, visere templa deorum, quae nostri maiores, religiosissimi mortales, fecere. Verum illi 4  
 delubra deorum pietate, domos suas gloria decorabant,  
 5 neque victis quicquam praeter iniuriae licentiam eripiebant. At hi contra ignavissimi homines per summum scelus omnia ea sociis adimere, quae fortissimi viri victores reliquerant: proinde quasi iniuriam facere id demum esset imperio uti. Nam quid ea memorem, quae nisi eis qui videre 13  
 10 nemini credibilia sunt, a privatis conpluribus subvorsos montis, maria constrata esse. Quibus mihi videntur ludibrio 2 fuisse divitiae: quippe quas honeste habere licebat, abuti per turpitudinem properabant. Set lubido stupri, ganeae 3 ceterique cultus non minor incesserat: viri muliebria pati,  
 15 mulieres pudicitiam in propatulo habere: vescendi causa terra marique omnia exquirere: dormire prius quam somni cupido esset, non famem aut sitim, neque frigus neque lassitudinem opperiri, set ea omnia luxu antecapere. Haec 4 iuuentutem, ubi familiares opes defecerant, ad facinora in-  
 20 cendebant: animus inbutus malis artibus haut facile lubi- 5 dinibus carebat: eo profusius omnibus modis quaestui atque sumptui deditus erat.

In tanta tamque corrupta civitate Catilina, id quod factu 14  
 facillum erat, omnium flagitiorum atque facinorum cir-  
 25 cum se tamquam stipatorum catervas habebat. Nam qui- 2 cumque inpudicus adulter ganeo manu ventre pene bona patria laceraverat, qui que alienum aes grande conflaverat quo flagitium aut facinus redimeret, praeterea omnes undi- 3 que paricidae sacrilegi convicti iudiciis aut pro factis iudi-  
 30 cium timentes, ad hoc quos manus atque lingua periurio aut sanguine civili alebat, postremo omnes quos flagitium egestas conscius animus exagitabat, ei Catilinæ proxumi familiaresque erant. Quod si quis etiam a culpa vacuus in 4 amicitiam eius inciderat, cotidiano usu atque inlecebris fa-  
 35 cile par similisque ceteris efficiebatur. Set maxime adules- 5 centium familiaritates adpetebat: eorum animi molles[actate] et fluxi dolis haut difficulter capiebantur. Nam ut cuiusque 6 studium ex aetate flagrabat, aliis scorta praebere. aliis canis

atque equos mercari, postremo neque sumptui neque modestiae suae parcere, dum illos obnoxios fidosque sibi faceret.  
 7 Scio fuisse nonnullos qui ita existumarent, iuventutem, quae domum Catilinae frequentabat, parum honeste pudicitiam habuisse, set ex aliis rebus magis, quam quod cuiquam id conpertum foret, haec fama valebat. Iam primum adulescens Catilina multa nefanda stupra fecerat, cum virgine nobili, cum sacerdote Vestae, alia huiusce modi contra ius fasque. Postremo captus amore Aureliae Orestillae, cuius praeter formam nihil umquam bonus laudavit, quod ea nubere illi dubitabat timens privignum adulterum aetate, pro certo creditur necato filio vacuam domum scelestis nuptiis fecisse. Quae quidem res mihi in primis videtur caussa fuisse facinoris maturandi. Namque animus impurus, deis hominibusque infestus, neque vigiliis neque quietibus sedari poterat: ita conscientia mentem excitam vastabat. Igitur colos ei exanguis, foedi oculi, citus modo modo tardus incessus: prorsus in facie voltuque recordia inerat. Set iuventutem, quam, ut supra diximus, inlexerat, multis modis mala facinora edocebat. Ex illis testis signatoresque falsos commodare: fidem fortunas pericula vilia habere. post, ubi eorum famam atque pudorem adriverat, maiora alia inperabat: si caussa peccandi in praesens minus subpetet, nihilo minus insontis sicuti sontis circumvenire iugulare: scilicet ne per otium torpescerent manus aut animus, gratuito tuto potius malus atque crudelis erat. Eis amicis sociisque confisus Catilina, simul quod aes alienum per omnis terras ingens erat, et quod plerique Sullani milites, largius suo usi, rapinarum et victoriae veteris memores civile bellum exoptabant, obpriundae rei publicae consilium cepit. In Italia nullus exercitus, Gn. Pompeius in extremis terris hellum gerebat, ipsi consulatum petenti magna spes, senatus nihil sane intentus: tutae tranquillaeque res omnes, set ea prorsus opportuna Catilinae.  
 17 Igitur circiter Kalendas Iunias L. Caesare [et] G. Fingulo consulibus primo singulos adpellare, hortari alias alias temptare: opes suas, inparatam rem publicam, magna praenitia coniurationis docere. Ubi satis explorata sunt quae

voluit, in unum omnis convocat, quibus maxima necessitudo et plurimum audaciae inerat. Eo convenere senatorii 3 ordinis P. Lentulus Sura, P. Autronius, L. Cassius Longinus, G. Cethegus, P. et Servius Sullaes servi filii, L. Var-  
5 gunteius, Q. Annius, M. Porcius Laeca, L. Bestia, Q. Curius: praeterea ex equestri ordine M. Fulvius Nobilior, L. Sta- 4 tilius, P. Gabinius Capito, G. Cornelius: ad hoc multi ex coloniis et municipiis, domi nobiles. Erant praeterea con- 5 plures paulo occultius consili huiuscemque participes nobiles,  
10 quos magis dominationis spes hortabatur quam inopia aut alia necessitudo. Ceterum inventus pleraque, set maxime 6 nobilium, Catilinae inceptis favebat: quibus in otio vel magnifice vel molliter vivere copia erat, incerta pro certis, bellum quam pacem malebant. Fuere item ea tempestate qui 7 crederent M. Licinium Crassum non ignarum eius consili fuisse: quia Gn Pompeius, invitus ipsi, magnum exercitum ductabat, cuiusvis opes voluisse contra illius potentiam crescere, simul consisum, si coniuratio valuerisset, facile apud illos principem se fore.

20 Set antea item coniuravere pauci contra rem publi- 18 cam, in quibus Catilina fuit: de qua quam verissime potero dicam. L. Tullo [et] M' Lepido consulibus P. Autronius et P. 2 Sulla, designati consules, legibus ambitus interrogati poenas dederant. Post paulo Catilina pecuniarum repetundarum 3 reus prohibitus erat consulatum petere [quod intra legitimos dies profiteri nequiverit]. Erat eodem tempore 4 Gn. Piso, adulescens nobilis, summae audacie, egens, factiosus, quem ad perturbandam rem publicam inopia atque mali mores stimulabant. Cum hoc Catilina et Autronius 5 30 circiter Nonas Decembris consilio communicato parabant in Capitolio Kalendis Ianuariis L. Cottam et L. Torquatum consules interficere, ipsi fascibus conreptis Pisoneum cum exercitu ad optimendas duas Hispanias mittere. \*\*\*\*\* Ea re 6 cognita rursus in Nonas Februarias consilium caedis trans- 7 35 tulerant. Iam tum non consulibus modo, set plerisque 8 senatoribus perniciem machinaliatur. Quod ni Catilina ma- turasset pro curia signum sociis dare, eo die post conditam urbem Romanam pessimum facinus patratum foret. Quia

nondum frequentes armati convenerant, ea res consilium  
 19 diremit. Postea Piso in citeriorem Hispaniam quaestor pro  
 praetore missus est adnitente Crasso, quod eum infestum  
 2 inimicum Gn. Pompeio cognoverat. Neque tamen senatus  
 provinciam invitus dederat: quippe foedum hominem a re<sup>s</sup>  
 publica procul esse volebat: simul quia boni complures prae-  
 sidium in eo putabant, et iam tum potentia Pompei formi-  
 3 dulosa erat. Set is Piso in provincia ab equitibus Hispanis,  
 4 quos sine exercitu ductabat iter faciens, occisus est. Sunt  
 qui ita dicant, imperia eius iniusta superba crudelia bar-  
 5 baros nequivisse pati, alii autem equites illos, Gn. Pompei  
 veteres fidosque clientis, voluntate eius Pisonem adgressos:  
 numquam Hispanos praeterea tale facinus fecisse, set imperia  
 saeva multa antea perpessos. Nos eam rem in medio re-  
 6 linquemus. De superiore coniuratione satis dictum. 15

20 Catilina, ubi eos, quos paulo ante memoravi, convenisse  
 videt, tametsi cum singulis multa saepe egerat, tamen in  
 rem fore credens univorsos adpellare et cohortari, in ab-  
 ditam partem aedium secedit atque ibi omnibus arbitris  
 procul amotis orationem huiusce modi habuit: 20

2 „Ni virtus fidesque vostra spectata mihi forent, nequi-  
 quam opportuna res cecidisset: spes magna, dominatio in  
 manibus frustra fuissent: neque ego per ignaviam aut vana  
 3 ingenia incerta pro certis captarem. Set quia multis et  
 magnis tempestatibus vos cognovi fortis fidosque mihi, eo 25  
 animus ausus est maximum atque pulcerrimum facinus in-  
 cipere, simul quia vobis eadem quae mihi bona malaque esse  
 4 intellexi. Nam idem velle atque idem nolle, ea demum firma  
 amicitia est.

5 Set ego quae mente agitavi, omnes iam antea divorsi 30  
 6 audistis. Ceterum mihi in dies magis animus adceditur  
 cum considero, quae conditio vitae futura sit, nisi nosmet  
 7 ipsi vindicamus in libertatem. Nam postquam res publica  
 in paucorum potentium ius atque dicionem concessit, sem-  
 per illis reges tetrarchae vectigales esse, populi nationes 35  
 stipendia pendere: ceteri omnes strenui boni, nobiles atque  
 ignobiles, volgus fuimus sine gratia, sine auctoritate, eis  
 obnoxii, quibus, si res publica valeret, formidini essemus.

Itaque omnis gratia potentia, honos divitiae apud illos sunt 8 aut ubi illi volunt: nobis reliquere pericula repulsas, iudicia egestatem. Quae quo usque tandem patiemini, fortissimi 9 viri? nonne emori per virtutem praestat, quam vitam mise-  
5 ram atque dishonestam, ubi alienae superbiae ludibrio fue-  
ris, per dedecus amittere?

Verum enimvero, pro deum atque hominum fidem, vic- 10 toria in manu nobis est, viget aetas, animus valet: contra illis annis atque divitiis omnia consenserunt. Tantum modo 10 incepto opus est, cetera res expediet. Etenim quis mor- 11 talium, cui virile ingenium est, tolerare potest, illis divitias superare, quas profundant in extrudendo mari et montibus coaequandis, nobis rem familiarem etiam ad necessaria deesse? illos binas aut amplius domos continuare, nobis la-  
15 rem familiarem nusquam ullum esse? Cum tabulas signa 12 toremata emunt, nova diruunt alia aedificant, postremo omnibus modis pecuniam trahunt vexant, tamen summa lubidine divitias suas vincere nequeunt. At nobis est domi 13 inopia, foris aes alienum: mala res, spes multo asperior:  
20 denique, quid relicui habemus praeter miseram animam?

Quin igitur exergiscimini. En illa, illa quam saepe 14 optastis libertas, praeterea divitiae decus gloria in oculis sita sunt: fortuna omnia ea victoribus praemia posuit. Res 15 tempus, pericula egestas, belli spolia magnifica magis quam 25 oratio mea vos hortantur. Vel imperatore vel milite me 16 utimini: neque animus, neque corpus a vobis aberit. Haec 17 ipsa, ut spero, voliscum una consul agam, nisi forte me animus fallit et vos servire magis quam imperare parati estis.”

Postquam accepere ea homines, quibus mala abunde 21 omnia erant, set neque res neque spes bona ulla, tametsi illis quieta movere magna merces videbatur, tamen postulavere plerique, ut proponeret, quae conditio belli foret, quae praemia armis peterent, quid ubique opis aut spei ha-  
35 berent. Tum Catilina polliceri tabulas novas, proscriptio- 2 nem locupletium, magistratus sacerdotia rapinas, alia om-  
nia, quae bellum atque libido victorum fert. Praeterea 3 esse in Hispania citeriore Pisonem, in Mauretania cum exer-

citu P. Sittium Nucerinum, consili sui participes: petere  
 consulatum G. Antonium, quem sibi conlegam fore speraret,  
 hominem et familiarem et omnibus necessitudinibus circum-  
 4 ventum: cum eo se consulem initium agundi facturum. Ad  
 hoc male dictis increpabat omnis bonos, suorum unum- 5  
 quemque nominans laudare: admonebat alium egestatis,  
 alium cupiditatis suae, conpluris periculi aut ignominiae,  
 5 multos victoriae Sullanae, quibus ea praedae fuerat. Post-  
 quam omnium animos alacris videt, cohortatus ut petitio-  
 22 nem suam curae haberent, conventum dimisit. Fuere ea <sup>10</sup>  
 tempestate, qui dicerent Catilinam, oratione habita cum ad  
 iusurandum popularis sceleris sui adigeret, humani corpo-  
 2 ris sanguinem vino permixtum in pateris circumtulisse: inde  
 cum post execrationem omnes degustavissent, sicuti in sol-  
 lemnibus sacris fieri consuevit, aperuisse consilium suum, <sup>15</sup>  
 [atque eo dictitare fecisse] quo inter se fidi magis forent alius  
 3 alii tanti facinoris concii. Nonnulli facta et haec et multa  
 praeterea existumabant ab eis, qui Ciceronis invidiam, quae  
 postea orta est, leniri credebant atrocitate sceleris eorum,  
 qui poenas dederant. Nobis ea res pro magnitudine pa- <sup>20</sup>  
 rum conperta est.

23 Set in ea coniuratione fuit Q. Curius, natus haut ob-  
 scuro loco, flagitiis atque facinoribus copertus, quem cen-  
 2 sores senatu probri gratia moverant. Huic homini non minor  
 vanitas inerat quam audacia: neque reticere quae audierat, <sup>25</sup>  
 neque suamet ipse scelera occultare, prorsus neque dicere  
 3 neque facere quicquam pensi habebat. Erat ei cum Fulvia,  
 muliere nobili, stupri vetus consuetudo. Cui cum minis  
 gratus esset, quia inopia minus largiri poterat, repente glo-  
 rians maria montisque polliceri coepit, et minari interdum <sup>30</sup>  
 ferro, ni sibi obnoxia foret: postremo ferocius agitare quam  
 4 solitus erat. At Fulvia, insolentiae Curi causa cognita, tale  
 periculum rei publicae haut occultum habuit, set sublato  
 auctore de Catilinæ coniuratione quae quoque modo audie-  
 5 rat conpluribus narravit. Ea res in primis studia hominum <sup>35</sup>  
 adcedit ad consulatum mandandum M. Tullio Ciceroni.  
 6 Namque antea pleraque nobilitas invidia aestuabat, et quasi  
 pollui consulatum credebant, si eum quamvis egregius homo

novos adeptus foret. Set ubi periculum advenit, invidia atque superbia post fuere.

Igitur comitiis habitis consules declarantur M. Tullius 24 et G. Antonius. Quod factum primo popularis coniurationis 2 concusserat. Neque tamen Catilinae furor minuebatur, set in dies plura agitare, arma per Italiam locis opportunis parare, pecuniam sua aut amicorum fide sumptam mutuam Faesulas ad Manlium quendam portare, qui postea princeps fuit belli faciundi. Ea tempestate plurimos cuiusque 3 generis homines adscivisse sibi dicitur, mulieres etiam aliquot, quae primo ingentis sumptus stupro corporis toleraverant, post ubi aetas tantum modo quaestui neque luxuriae modum fecerat, aes alienum grande conslaverant. Per eas se Catilina credebat posse servitia urbana sollici- 4 tare, urbem incendere, viros earum vel adiungere sibi vel interficere.

Set in eis erat Sempronia, quae multa saepe virilis 25 audaciae facinora commiserat. Haec mulier genere atque 2 forma, praeterea viro liberis satis fortunata fuit: litteris 20 Graecis et Latinis docta, psallere saltare elegantius quam necesse est probae, multa alia, quae instrumenta luxuriae sunt. Set ei cariora semper omnia quam decus atque pu- 3 dicitia fuit: pecuniae an famae minus parceret, haut facile discerneret: lubidine sic adcensa, ut saepius peteret viros 25 quam peteretur. Set ea saepe antehac fidem prodiderat, 4 creditum abiuraverat, caedis conscientia fuerat: luxuria atque inopia praeceps abierat. Verum ingenium eius haut absurdum: posse versus facere, iocum movere, sermone uti vel modesto vel molli vel procaci: prorsus multae facetiae mul- 30 tusque lepos inerat.

His rebus comparatis Catilina nihilo minus in proximum 26 annum consulatum petebat, sperans, si designatus foret, facile se ex voluntate Antonio usurum. Neque interea quietus erat, set omnibus modis insidias parabat Ciceroni. 35 Neque illi tamen ad cavendum dolus aut astutiae deerant. 2 Namque a principio consulatus sui multa pollicendo per 3 Fulviam effecerat, ut Q. Curius, de quo paulo ante memoriavi, consilia Catilinae sibi proderet. Ad hoc conlegam suum 1

Antonium pactione provinciae perpulerat, ne contra rem publicam sentiret: circum se praesidia amicorum atque 5 clientium occulte habebat. Postquam dies comitiorum venit, et Catilinae neque petitio neque insidiae, quas [consulibus] in campo fecerat, prospere cessere, constituit bellum facere 5 et extrema omnia experiri, quoniam quae occulte temptaverat aspera foedaque evenerant.

27 Igitur G. Manlium Faesulas atque in eam partem Etruriae, Septimum quendam Camertem in agrum Picenum, G. Iulium in Apnliam dimisit, praeterea alium alio, quem 10 2 ubique opportunum sibi fore credebat. Interea Romae multa simul moliri: [consulibus] insidias tendere, parare incendia, opportuna loca armatis hominibus obsidere: ipse cum telo esse, item alios iubere, hortari uti semper intenti paratique essent: dies noctisque festinare vigilare, neque insomniis 15 3 neque labore fatigari. Postremo ubi multa agitanti nihil procedit, rursus intempsa nocte coniurationis principes 4 convocat penes M. Porcium Laecam, ibique multa de ignavia eorum questus docet se Manlium praemisisse ad eam multitudinem, quam ad capienda arma paraverat, item alios in 20 alia loca opportuna, qui initium belli facerent, seque ad exercitum proficiisci cupere, si prius Ciceronem obpressisset: 28 eum suis consiliis multum obsecere. Igitur perterritis ac dubitantibus ceteris G. Cornelius eques Romanus operam suam pollicitus et cum eo L. Vargunteius senator 25 constituere ea nocte paulo post cum armatis hominibus \*\*\*\*\* sicuti salutatum introire ad Ciceronem ac de in 2 proviso domui suae inparatum confodere. Curius ubi intellegit, quantum periculi consuli inpendeat, propere per 3 Fulviam Ciceroni dolum, qui parabatur, enuntiat. Ita illi 30 ianua prohibiti tantum facinus frustra susceperant.

4 Interea Manlius in Etruria plebem sollicitare, egestate simul ac dolore iniuriae novarum rerum cupidam, quod Sullae dominatione agros bonaque omnia amiserat, praeterea latrones cuiusque generis, quorum in ea regione magna copia erat, nonnullos ex Sullanis coloniis, quibus lubido atque luxuria ex magnis rapinis nihil reliqui fecerat.

29 Ea cum Ciceroni nuntiarentur, ancipiti malo permis-

tus, quod neque urbem ab insidiis privato consilio longius  
tueri poterat, neque exercitus Manli quantus aut quo con-  
silio foret satis copertum habebat, rem ad senatum referat,  
iam antea volgi rumoribus exagitatum. Itaque, quod ple-  
rumque in atroci negotio solet, senatus decrevit, darent  
operam consules ne quid res publica detrimenti caperet.  
Ea potestas per senatum more Romano magistratui ma-  
xuma permittitur, exercitum parare, bellum gerere, coer-  
cere omnibus modis socios atque civis, domi militiaeque  
imperium atque iudicium summum habere: aliter sine po-  
puli iussu nullius earum rerum consuli ius est. Post pau-  
cos dies L. Saenius senator in senatu litteras recitavit, quas  
Faesulis adlatas sibi dicebat, in quibus scriptum erat, G.  
Manlium arma cepisse cum magna multitudine ante diem  
VI. Kalendas Novembris. Simul, id quod in tali re solet, 2  
alii portenta atque prodigia nuntiabant, alii conventus fieri,  
arma portari, Capuae atque in Apulia servile bellum moveri.  
Igitur senati decreto Q. Marcius Rex Faesulas, Q. Metellus 3  
Creticus in Apuliam circumque ea loca missi — ei utriusque  
ad urbem imperatores erant, inpediti ne triumpharent ca-  
lumnia paucorum, quibus omnia honesta atque inhonesta  
vendere mos erat —, set praetores Q. Pompeius Rufus Ca- 5  
puam, Q. Metellus Celer in agrum Picenum, eisque per-  
missum, uti pro tempore atque periculo exercitum conpa-  
rarent. Ad hoc, si quis indicavisset de coniuratione, quae 6  
contra rem publicam facta erat, praemium servo libertatem  
et sestertia centum, libero inpunitatem eius rei et sestertia  
ducenta, itemque decrevere, uti gladiatoriae familiae Ca- 7  
puam et in cetera municipia distribuerentur pro cuiusque  
opibus, Romae per totam urbem vigiliae haberentur eisque  
minores magistratus praecessent. Quibus rebus permota ci- 31  
vitatis atque inmutata urbis facies erat. Ex summa laetitia  
atque lascivia, quae diurna quies pepererat, repente om-  
nis tristitia invasit: festinare trepidare, neque loco neque  
homini cuiquam satis credere, neque bellum gerere neque 2  
pacem habere, suo quisque metu pericula metiri. Ad hoc 3  
mulieres, quibus rei publicae magnitudine belli timor in-  
solitus incesserat, adslictare sese, manus subplicis ad cae-

Iun tendere, miserari parvos liberos, rogitare, omnia pavere, superbia atque deliciis omissis sibi patriaeque diffidere.

4 At Catilinae crudelis animus eadem illa movebat, tametsi praesidia parabantur et ipse lege Plautia interrogatus  
 5 erat ab L. Paulo. Postremo dissimulandi causa vel sui ex-  
 purgandi, sicubi iurgio laccessitus foret, in senatum venit.  
 6 Tum M. Tullius consul, sive praesentiam eius timens sive  
 ira connotus, orationem habuit luculentam atque utilem rei  
 7 publicae, quam postea scriptam edidit. Set ubi ille adsedit,  
 Catilina, ut erat paratus ad dissimulanda omnia, demisso  
 10 voltu voce subpleci postulare a patribus coepit, ne quid de  
 se temere crederent: ea familia ortum, ita se ab adulescen-  
 tia vitam instituisse, ut omnia bona in spe haberet: ne exi-  
 stumarent, sibi, patricio homini, cuius ipsius atque maiorum  
 pluruma beneficia in populum Romanum essent, perdita re  
 15 publica opus esse, cum eam servaret M. Tullius, inquilinus  
 8 civis urbis Romae. Ad hoc male dicta alia cum adderet,  
 9 obstrepere omnes, hostem atque paricidam vocare. Tum ille  
 furibundus 'quoniam quidem circumventus' inquit 'ab inimi-  
 cis praeceps agor, incendium meum ruina restinguam'. 20

32 Deinde se ex curia domum proripuit. Ibi multa ipse  
 secum volvens, quod neque insidiae consuli \*\*\* procede-  
 bant et ab incendio intellegebat urbem vigiliis munitam, op-  
 tumum factu credens exercitum augere ac prius quam le-  
 giones scriberentur, multa antecapere quae bello usui forent,  
 25 nocte intempesta cum paucis in Manliana castra prosectus est.  
 2 Set Cethego atque Lentulo ceterisque, quorum cognoverat  
 promptam audaciam, mandat, quibus rebus possint, opes  
 factionis confirment, insidias consuli maturent, caedem in-  
 cendia aliaque belli facinora parent: sese propediem cum  
 30 magno exercitu ad urbem adcessurum.

33 Dum haec Romae geruntur, G. Manlius ex suo numero  
 legatos ad Marcium Regem mittit cum mandatis huiusc  
 2 modi: 'Deos hominesque testamur, imperator, nos ariua ne-  
 que contra patriam cepisse neque quo periculum aliis fa-  
 ceremus, set uti corpora nostra ab iniuria tuta forent, qui  
 miseri egentes, violentia atque crudelitate feneratorum ple-  
 rique patriae, set omnes fama atque fortunis expertes sumus:

neque cuiquam nostrum licuit more maiorum lege uti neque amissio patrimonio liberum corpus habere: tanta saevitia feneratorum atque praetoris fuit. Saepe maiores vostrum 3 miseriti plebis Romanae decretis suis inopiae eius opituli sunt, ac novissime memoria nostra propter magnitudinem aeris alieni volentibus omnibus bonis argentum aere solutum est. Saepe ipsa plebes, aut dominandi studio per- 4 mota aut superbia magistratum, armata a patribus secessit. At nos non imperium neque divitias petimus, quarum rerum 5 10 causa bella atque certamina omnia inter mortalis sunt, set libertatem, quam nemo bonus nisi cum anima simul amittit. Te atque senatum obtestamur, consulatis miseris civibus, 6 legis praesidium, quod iniquitas praetoris eripuit, restitutas, neve nobis eam necessitudinem inponatis, ut quaeramus, 15 quoniam modo maxume ulti sanguinem nostrum pereamus'. Ad haec Q. Marcius respondet: si quid ab senatu petere ve- 34 lint, ab armis discedant, Romam subplices proficiscantur: ea mansuetudine atque misericordia senatum populi Romani semper fuisse, ut nemo umquam ab eo frustra auxilium 20 petiverit.

At Catilina ex itinere plerisque consularibus, praeterea 2 optumo cuique literas mittit, se falsis criminibus circumventum, quoniam factioni inimicorum resistere nequiverit, fortunae cedere, Massiliam in exilium proficiisci, non quo 25 sibi tanti sceleris conscius esset, set uti res publica quieta foret neve ex sua contentione seditio oriretur. Ab his longe 3 divorsas litteras Q. Catulus in senatu recitavit, quas sibi nomine Catilinae redditas dicebat. Earum exemplum infra scriptum est: 'L. Catilina Q. Catulo. Egregia tua fides re 35 30 cognita, grata mihi magnis in meis periculis, fiduciam commendationi meae tribuit. Quam ob rem defensionem in novo consilio non statui parare, satisfactionem ex nulla conscientia de culpa proponere decrevi, quam, me dius Fidius, veram licet cognoscas. Iniuriis contumeliisque concitatus, 35 quod fructu laboris industriaeque meae privatus statum dignitatis non optinebam, publicam miserorum caussam pro mea consuetudine suscepi, non quia aes alienum meis non minibus ex possessionibus solvere non possem, cum scilicet

alienis nominibus liberalitas Orestillae suis filiaeque copiis persolveret, set quod non dignos homines honore honestatos videbam meque falsa suspicione alienatum esse sentiebam. Hoc nomine satis honestas pro meo casu spes relicuae dignitatis conservandae sum secutus. Plura cum scribere vellem, nuntiatum est vim mihi parari. Nunc Orestillam commendo tuaeque fidei trado: eam ab iniuria defendas, per liberos tuos rogatus. Haveto.'

36 Set ipse paucos dies commoratus apud G. Flaminium [Flammam] in agro Arretino, dum vicinitatem antea sollicitatam armis exornat, cum fascibus atque aliis imperi insignibus in castra ad Manlium contendit. Haec ubi Romae conferta sunt, senatus Catilinam et Manlium hostis iudicat, certae multitudini diem statuit, ante quam sine fraude liceret ab armis discedere, praeter rerum capitalium condemnatis: praeterea decernit, uti consules dilectum habeant, Antonius cum exercitu Catilinam persecui matureret, Cicero urbi praesidio sit.

4 Ea tempestate mihi imperium populi Romani multo maxime miserabile visum est: cui cum ad occasum ab ortu solis omnia domita armis parerent, domi otium atque divitiae, quae prima mortales putant, adfluerent, fuere tamen cives, qui seque remque publicam obstinati animis perditum irent. Namque duobus senati decretis ex tanta multitudine neque praemio inductus coniurationem patefecerat neque ex castris Catilinae quisquam omnium discesserat: tanta vis morbi erat, quae uti tabes plerosque civium animos invaserat. Neque solum illis aliena mens erat, qui consciis coniurationis fuerant, set omnino cuncta plebes novarum rerum studio Catilinae incepta probabat. Id adeo more suo videatur facere. Nam semper in civitate, quibus opes nullae sunt, bonis invident malos extollunt, vetera odere nova exceptant, odio suarum rerum mutari omnia student, turba atque seditionibus sine cura aluntur, quoniam egestas facile habetur sine damno. Set urbana plebes, ea vero praeceps erat de multis causis. Primum omnium, qui ubique probro atque petulantia maxime praestabant, item alii per dedecora patrimonii amissis, postremo omnes quos flagitium aut faci-

nus domo expulerat, ei Romam sicut in sentinam conflu-  
 xerant. Deinde multi memores Sullanae victoriae, quod ex 6  
 gregariis militibus alios senatores videbant, alios ita divites  
 ut regio victu atque cultu aetatem agerent, sibi quisque, si  
 5 in armis foret, ex victoria talia sperabat. Praeterea iuven- 7  
 tus, quae in agris manuum mercede inopiam toleraverat,  
 privatis atque publicis largitionibus excita urbanum otium  
 ingratu labori praetulerat. Eos atque alios omnis malum 8  
 publicum alebat: quo minus mirandum est homines egentis,  
 10 malis moribus maxuma spe, rei publicae iuxta ac sibi con-  
 suluisse. Praeterea quorum victoria Sullae parentes pro- 9  
 scripti, bona erupta, ius libertatis inminutum erat, haut sane  
 alio animo belli eventum expectabant. Ad hoc quicumque 10  
 aliarum atque senatus partium erant, conturbari rem publi-  
 15 cam quam minus valere ipsi malebant. Id adeo malum mul- 11  
 tos post annos in civitatem revertetur. Nam postquam Gn. 38  
 Pompeio [et] M. Crasso consulibus tribunicia potestas resti-  
 tuta est, homines adulescentes summam potestatem nancti,  
 quibus aetas animusque ferox erat, coepere senatum crimi-  
 20 nando plebem exagitare, dein largiundo atque pollicitando  
 magis incendere: ita ipsi clari potentesque fieri. Contra eos 2  
 summa ope nitebatur pleraque nobilitas senatus specie pro  
 sua magnitudine. Namque, uti paucis verum absolvam, post 3  
 Sullae tempora quicumque rem publicam agitavere, honestis  
 25 nominibus, alii sicuti populi iura defunderent, pars quo se-  
 natus auctoritas maxuma foret, bonum publicum simulantes  
 pro sua quisque potentia certabant. Neque illis modestia  
 neque modus contentionis erat: utrique victoriam crudeliter  
 exercebant. Set postquam Gn. Pompeius ad bellum maritu- 39  
 30 mum atque Mithridaticum missus est, plebis opes inminutae,  
 paucorum potentia crevit. Ei magistratus provincias aliaque 2  
 omnia tenere: ipsi innoxii florentes sine metu aetatem agere,  
 ceteros, qui plebem in magistratu placidius tractarent, iudi-  
 ciis terrere. Set ubi primum dubiis rebus novandi spes oblata 3  
 35 est, vetus certamen animos eorum adrexit. Quod si primo 4  
 proelio Catilina superior aut aqua manu discessisset, pro-  
 fecto magna clades atque calamitas rem publicam obpres-  
 sisset: neque illis, si victoriam adepti forent, diutius ea uti

licuisset, quin defessis et exanguibus qui plus posset impe-  
5 rium atque libertatem extorqueret. Fuere tamen extra coniurationem conplures, qui ad Catilinam initio profecti sunt.  
In eis erat[A.] Fulvius, senatoris filius, quem retractum ex  
6 itinere parens necari iussit. Eisdem temporibus Romae s  
Lentulus, sicuti Catilina praeceperat, quo secumque moribus  
aut fortuna novis rebus idoneos credebat, aut ipse aut per  
alios sollicitabat, neque solum civis, set cuiusque modi ge-  
40 nus hominum, quod modo bello usui foret. Igitur P. Um-  
breno cuidam negotium dat, uti legatos Allobrogum requirat 10  
eosque, si possit, inpellat ad societatem belli, existumans  
publice privatimque aere alieno obpresso, praeterea quod  
natura gens Gallica bellicosa esset, facile eos ad tale consi-  
2 lium adduci posse. Umbrenus, quod in Gallia negotiatus  
erat, plerisque principibus civitatum notus erat atque eos 15  
noverat. Itaque sine mora, ubi primum legatos in foro con-  
spexit, percontatus pauca de statu civitatis et quasi dolens  
eius casum requirere coepit, quem exitum tantis malis spe-  
3 rarent. Postquam illos videt queri de avaritia magistratum,  
accusare senatum quod in eo auxili nihil esset, miseriis suis 20  
remedium mortem expectare, 'at ego' inquit 'vobis, si modo  
viri esse voltis, rationem ostendam, qua tanta ista mala  
effugiatis.' Haec ubi dixit, Allobroges in maxumam spem  
adducti Umbrenum orare, ut sui miseretur: nihil tam asper-  
rum neque tam difficile esse, quod non cupidissime facturi 25  
5 essent, dum ea res civitatem aere alieno liberaret. Ille  
eos in domum D. Bruti perducit, quod foro propinqua erat  
neque aliena consili propter Semproniam: nam tum Brutus  
6 ab Roma aberat. Praeterea Gabinium accersit, quo maior  
auctoritas sermoni inesset. Eo praesente coniurationem 30  
aperit, nominat socios, praeterea multos cuiusque generis  
innoxios, quo legatis animus amplior esset. Deinde eos pol-  
41 licitos operam suam domum dimittit. Set Allobroges diu  
2 in incerto habuere, quidnam consili caperent. In altera  
parte erat aes alienum studium belli magna merces in spe 35  
victoriae, at in altera maiores opes tuta consilia pro inepta  
3 spe certa praemia. Haec illis volventibus tandem vicit for-  
4 tunae rei publicae. Itaque Q. Fabio Sangae, eius patrocinio

civitas plurimum utebatur, rem omnem, uti cognoverant, aperiunt. Cicero per Sangam consilio cognito legatis praecipit, ut studium coniurationis vehementer simulent, ceteros adeant, bene polliceantur, dentque operam uti eos quam maxime manifestos habeant.

Eisdem fere temporibus in Gallia citeriore atque ultiore, item in agro Piceno Bruttio Apulia motus erat. Namque illi, quos ante Catilina dimiserat, inconsulte ac veluti per dementiam cuncta simul agebant: nocturnis consiliis, armorum atque telorum portationibus, festinando, agitando omnia plus timoris quam periculi effecerant. Ex eo numero compluris Q. Metellus Celer praetor ex senatus consulto caussa cognita in vincula coniecerat, item in ulteriore Gallia G. Murena, qui ei provinciae legatus praeerat.

At Romae Lentulus cum ceteris, qui principes coniurationis erant, paratis ut videbantur magnis copiis, constituerant, uti, cum Catilina in agrum Faesulanum cum exercitu venisset, L. Bestia tribunus plebei contione habita quereretur de actionibus Ciceronis bellique gravissimi invidiam optumo consuli inponeret: eo signo proxima nocte cetera multitudo coniurationis suum quisque negotium exequetur. Set ea divisa hoc modo dicebantur: Statilius et Gabinius uti cum magna manu duodecim simul opportuna loca urbis incenderent, quo tumultu facilior aditus ad consulem certosque quibus insidiae parabant fieret: Cethagus Ciceronis ianuam obsideret cumque vi adgrederetur, alias autem alium, set filii familiarum, quorum ex nobilitate maxima pars erat, parentis interficerent: simul caede et incendio perculsis omnibus ad Catilinam erumperent. Inter haec prata atque decreta Cethagus semper querebatur de ignavia sociorum: illos dubitando et dies prolatando magnas opportunitates conrumpere: facto, non consulto in tali periculo opus esse, seque, si pauci adiuvarent, languentibus aliis, impetum in curiam facturum. Natura ferox vehemens manu promptus erat, maximum bonum in celeritate putabat.

Set Allobroges ex pracepto Ciceronis per Gabinum ceteros convenient: ab Lentulo Cethego Statilio, item Cassio postulant ius iurandum, quod signatum ad civis perferant:

aliter haut facile eos ad tantum negotium impelli posse.  
 2 Ceteri nihil suspicentes dant, Cassius semet eo brevi ventu-  
 rum pollicetur ac paulo ante legatos ex urbe proficiscitur.  
 3 Lentulus cum eis T. Volturciū quendam Crotoniensem  
 mittit, ut Allobroges prius quam domum pergerent cum Ca-  
 4 tilina data atque accepta fide societatem confirmarent. Ipse  
 Volturcio litteras ad Catilinam dat, quarum exemplum infra  
 scriptum est: 'Quis sim, ex eo quem ad te misi cognosces.  
 5 Fac cogites, in quanta calamitate sis, et memineris te vi-  
 rum esse: consideres quid tuae rationes postulent: auxilium  
 6 petas ab omnibus, etiam ab infimis'. Ad hoc mandata verbis  
 dat: cum ab senatu hostis iudicatus sit, quo consilio servitia  
 repudiet? in urbe parata esse quae iusserit: ne cunctetur  
 45 ipse propius adcedere. His rebus ita actis, constituta nocte  
 qua proficiserentur, Cicero per legatos cuncta edoctus L. 15  
 Valerio Flacco et G. Pomptino praetoribus imperat, ut in  
 ponte Mulvio per insidias Allobrogum comitatus deprehen-  
 dant: rem omnem aperit, cuius gratia mittebantur: cetera,  
 2 uti facto opus sit, ita agant permittit. Illi, homines milita-  
 res, sine tumultu praesidiis conlocatis sicuti praeceptum erat 20  
 3 occulte pontem obsidunt. Postquam ad id loci legati cum  
 Volturcio venere, simul utrumque clamor exortus est. Galli  
 4 cito cognito consilio sine mora praetoribus se tradunt. Vol-  
 turcius primo cohortatus ceteros gladio se a multitudine de-  
 fendit, deinde ubi a legatis desertus est, multa prius de sa- 25  
 lute sua Pomptinum obtestatus, quod ei notus erat, postremo  
 timidus ac vitae diffidens velut hostibus sese praetoribus  
 dedit.

46 Quibus rebus confectis omnia propere per nuntios con-  
 2 suli declarantur. At illum ingens cura atque laetitia simul 30  
 occupavere: nam laetabatur intellegens coniuratione pate-  
 facta civitatem periculis ereptam esse, porro autem auxiliu  
 erat dubitans in maximo scelere tantis civibus deprehensis  
 quid facto opus esset: poenam illorum sibi oneri, impuni-  
 3 tatem perdundae rei publicae fore credebat. Igitur confir- 35  
 mato animo vocari ad sese iubet Lentulum Cethegum Sta-  
 tilium Gabiniū, itemque[quendam] Caeparium Tarracinen-  
 sem, qui in Apuliam ad concitanda servitia proficisci parabat.

Ceteri sine mora veniunt, Caeparius, paulo ante domo egres-<sup>4</sup>  
sus, cognito indicio ex urbe profugerat. Consul Lentulum  
quod praetor erat ipse manu tenens perducit, reliuos cum  
custodibus in aedem Concordiae venire iubet. Eo senatum<sup>5</sup>  
ad-<sup>6</sup> vocat, magna frequentia eius ordinis Volturcium cum  
legatis introducit, Flaccum praetorem scrinium cum litteris,  
quas a legatis acceperat, eodem adferre iubet. Volturcius<sup>47</sup>  
interrogatus de itinere, de litteris, postremo quid aut qua  
de causa consili habuisset, primo fingere alia, dissimulare  
10 de coniuratione: post ubi fide publica dicere iussus est,  
omnia uti gesta erant aperit, docetque se paucis ante diebus  
a Gabinio et Caepario socium adscitum nihil amplius scire  
quam legatos: tantum modo audire solitum ex Gabinio P.  
Autronium Servium Sullam L. Vargunteium, multos pree-<sup>15</sup>  
terea in ea coniuratione esse. Eadem Galli fatentur ac<sup>2</sup>  
Lentulum dissimulanten coarguunt praeter litteras sermo-  
nibus, quos ille habere solitus erat: ex libris Sibyllinis  
regnum Romae tribus Corneliis portendi: Cinnam atque Sul-  
lam antea, se tertium esse, cui fatum foret urbis potiri: pree-<sup>20</sup>  
terea ab incenso Capitolio illum esse vigesimum annum.  
quem saepe ex prodigiis aruspices respondissent bello civili  
cruentum fore. Igitur perfectis litteris, cum prius omnes<sup>3</sup>  
signa sua cognovissent, senatus decernit, uti abdicato ma-  
gistratu Lentulus itemque ceteri in liberis custodiis habean-<sup>25</sup>  
tur. Itaque Lentulus P. Lentulo Spintheri, qui tum aedilis<sup>4</sup>  
erat, Cethegus Q. Cornificio, Statilius G. Caesari, Gabinius  
M. Crasso, Caeparius — nam is paulo ante ex fuga retractus  
erat — Gn. Terentio senatori traduntur.

Interea plebes coniuratione patefacta, quae primo cu-<sup>48</sup>  
30 pida rerum novarum nimis bello favebat, mutata mente Ca-  
tilinae consilia execrari, Ciceronem ad caelum tollere: vel-  
uti ex servitute erecta gaudium atque laetitiam agitabat:  
namque alia belli facinora praedae magis quam detimento<sup>2</sup>  
fore, incendium vero crudele inmoderatum ac sibi maxime  
35 calamitosum putabat, quippe cui omnes copiae in usu coti-  
diano et cultu corporis erant.

Post eum diem quidam L. Tarquinius ad senatum ad-<sup>3</sup>  
ductus erat, quem ad Catilinam proficiscentem ex itiner-

4 retractum aiebant. Is cum se diceret indicaturum de coniuratione, si fides publica data esset, iussus a consule quae sciret edicere, eadem fere quae Volturcius, de paratis incendiis de caede bonorum de itinere hostium, senatum docet: praeterea se missum a M. Crasso, qui Catilinae nuntiaret, ne eum Lentulus et Cethegus aliqui ex coniuratione deprehensi ternerent, eoque magis properaret ad urbem adcedere, quo et ceterorum animos reficeret et illi facilius 5 e periculo eriperentur. Set ubi Tarquinius Crassum nominavit, hominem nobilem maxumis divitiis summa potentia, 10 alii rem incredibilem rati, pars tametsi verum existumabant, tamen quia in tali tempore tanta vis hominis magis leniunda quam exagitanda videbatur, plerique Crasso ex negotiis privatis obnoxii, conclamant indicem falsum esse, 6 deque ea re postulant uti referatur. Itaque consulente Ci- 15 cerone frequens senatus decernit: Tarquini indicium falsum videri, eumque in vinculis retinendum, neque amplius potestatem faciundam, nisi de eo indicaret, cuius consilio tan- 7 tam rem esset mentitus. Erant eo tempore qui existumarent indicium illud a P. Autronio machinatum, quo facilius ad- 20 pellato Crasso per societatem periculi reliquos illius potentia tegeret. Alii Tarquinium a Cicerone inmissum aiebant, ne Crassus more suo suscepto malorum patrocinio rem pu- 9 blicam conturbaret. Ipsum Crassum ego postea praedicantem audivi, tantam illam contumeliam sibi ab Cicerone in- 25 positam.

49 Set eisdem temporibus Q. Catulus et G. Piso neque pre-  
cio neque gratia Ciceronem impellere quivere, uti per Al-  
lobrogos aut alium indicem G. Caesar falso nominaretur.  
2 Nam uterque cum illo gravis iniurias exercebant: Piso 30  
obpugnatus in iudicio pecuniarum repetundarum propter cuiusdam Transpadani subplicum iniustum, Catulus ex pe-  
titione pontificatus odio incensus, quod extrema aetate, ma-  
xumis honoribus usus, ab adolescentulo Caesare victus  
3 discesserat. Res autem opportuna videbatur, quod is pri- 35  
vatim egregia liberalitate, publice maxumis numeribus gran-  
dem pecuniam debebat. Set ubi consulem ad tantum facinus  
4 impellere nequeunt, ipsi singulatim circuineundo atque

ementiundo, quae se ex Volturcio aut Allobrogibus audisse dicerent, magnam illi invidiam conflaverant, usque eo, ut nonnulli equites Romani, qui praesidi caussa cum telis erant circum aedem Concordiae, seu periculi magnitudine seu animi 5 mobilitate impulsi, quo studium suum in rem publicam clarius esset, egredienti ex senatu Caesari gladio minitarentur.

Dum haec in senatu aguntur et dum legatis Allobro- 50  
gum et Tito Volturcio, conprobato eorum indicio, praemia decernuntur, liberti et pauci ex clientibus Lentuli divorsis 10 itineribus opifices atque servitia in vicis ad eum eripiendum sollicitabant, partim exquirebant duces multitudinum, qui precio rem publicam vexare soliti erant, Cethagus autem 2 per nuntios familiam atque libertos suos, lectos et exercitatos [in audaciam], orabat ut grege facto cum telis ad 15 sese intrumperent. Consul ubi ea parari cognovit, dispositis 3 praesidiis ut res atque tempus monebat, convocato senatu refert, quid de eis fieri placeat, qui in custodiam traditi erant. Set eos paulo ante frequens senatus iudicaverat con- 4 tra rem publicam fecisse. Tum D. Iunius Silanus, primus 20 sententiam rogatus quod eo tempore consul designatus erat, de eis, qui in custodiis tenebantur, et praeterea de L. Cassio P. Furio P. Umbreno Q. Annio, si deprehensi forent, subplicium sumundum decreverat: isque postea, permotus oratione G. Caesaris, pedibus in sententiam Tiberi Neronis 25 iturum se dixerat, qui de ea re praesidiis additis referendum censuerat. Set Caesar, ubi ad eum ventum est roga- 5 tus sententiam a consule, huiusce modi verba locutus est:

'Omnis homines, patres conscripti, qui de rebus dubiis 51  
consultant, ab odio amicitia, ira atque misericordia vacuos 30 esse decet. Haut facile animus verum providet, ubi illa ob- 2 ficiunt, neque quisquam omnium lubidini simul et usui pa-  
ruit. Ubi intenderis ingenium, valet: si lubido possidet, ea 3 dominatur, animus nihil valet. Magna mihi copia est me- 4 morandi, patres conscripti, quae reges atque populi ira aut 55 misericordia impulsi male consuluerint: set ea malo dicere, quae maiores nostri contra lubidinem animi sui recte atque ordine fecere. Bello Macedonico, quod cum rege Perse ges- 5 simus, Rhodiorum civitas magna atque magnifica, quae

populi Romani opibus creverat, infida et advorsa nobis fuit, set postquam bello confecto de Rhodiis consultum est, maiores nostri, ne quis divitiarum magis quam iniuriae causa bellum inceptum diceret, inpunitos eos dimisere. Item bellis Punicis omnibus, cum saepe Carthaginenses [et] in pace et per inducias multa nefaria facinora fecissent, numquam ipsi per occasionem talia fecere: magis quid se dignum foret, quam quid in illos iure fieri posset quaerebant.

Hoc item vobis providendum est, patres conscripti, ne plus apud vos valeat P. Lentuli et ceterorum scelus quam vostra dignitas, neu magis irae vostrae quam famae consulatis. Nam si digna poena pro factis eorum reperitur, novum consilium adprobo: sin magnitudo sceleris omnium ingenia exuperat, eis utendum censeo, quae legibus comparata sunt. Plerique eorum, qui ante me sententias dixerunt, composite atque magnifice casum rei publicae miserati sunt: quae belli saevitia esset, quae victis acciderent, enumeraverem: rapi virgines pueros, divelli liberos a parentum complexu, matres familiarum pati quae victoribus conlubuiscent, fana atque domos spoliari, caedem incendia fieri, post remo armis cadaveribus, cruore atque luctu omnia compleri. Set, per deos inmortalis, quo illa oratio pertinuit? An uti vos infestos coniurationi faceret? scilicet quem res tanta et tam atrox non permovit, eum oratio adcedet. Non ita est, neque cuiquam mortalium iniuriae suae parvae videntur: multi eas gravius aequo habuere. Set alia aliis licentia est, patres conscripti. Qui demissi in obscuru vitam habent, si quid iracundia deliquerent, pauci sciunt, fama atque fortuna eorum pares sunt: qui magno imperio praediti in excelsa aetatem agunt, corum facta cuncti mortales novere. Ita in maxima fortuna minima licentia est: neque studere neque odisse, set minime irasci decet: quae apud alias iracundia dicitur, ea in imperio superbia atque crudelitas appellatur. Evidem ego sic existumo, patres conscripti, omnis cruciatus minores quam facinora illorum esse: set plerique mortales postrema meminere, et in hominibus inpiis sceleris eorum obliti de poena disserunt, si ea paulo severior fuit.

D. Silanum, virum fortein atque strenuum, certo scio 16  
 quae dixerit studio rei publicae dixisse, neque illum in tanta  
 re gratiam aut inimicitias exercere: eos mores eamque mo-  
 destiam viri cognovi. Verum sententia eius mihi non crude- 17  
 lis — quid enim in talis homines crudele fieri potest? —  
 set aliena a re publica nostra videtur. Nam profecto aut 18  
 metus aut iniuria te subegit, Silane, consulem designatum  
 genus poenae novom decernere. De timore supervacaneum 19  
 est disserere, cum praesertim diligentia clarissimi viri con-  
 sulis tanta praesidia sint in armis. De poena possum equi- 20  
 dem dicere, id quod res habet, in luctu atque miseriis mor-  
 tem aerumnarum requiem, non cruciatum esse, eam cuncta  
 mortalium mala dissolvere, ultra neque curae neque gaudio  
 locum esse. Set, per deos inmortalis, quamobrem in sen- 21  
 tentiam non addidisti, uti prius verberibus in eos animadvor-  
 teretur? An quia lex Porcia vetat? At aliae leges item 22  
 condemnatis civibus non animam eripi, set exilium permitti  
 iubent. An quia gravius est verberari quam necari? Quid 23  
 autem acerbum aut nimis grave est in homines tanti fa-  
 cinoris convictos? Sin quia levius est, qui convenit in mi- 24  
 nore negotio legem timere, cum eam in maiore neglegeris?

At enim quis reprehendet, quod in paricidas rei pu- 25  
 blicae decretum erit? Tempus dies fortuna, cuius lubido  
 gentibus moderatur. Illis merito accidet, quicquid evene- 26  
 rit: ceterum vos, patres conscripti, quid in alios statuatis  
 considerate. Omnia mala exempla ex rebus bonis orta sunt. 27  
 Scilicet ubi imperium ad ignaros aut minus bonos pervenit,  
 novom illud exemplum ab dignis et idoneis ad indignos et  
 non idoneos transfertur. Lacedaemonii devictis Athenensi- 28  
 bus triginta viros inposuere, qui rem publicam eorum tra-  
 ctarent. Ei primo coepere pessimum quemque et omnibus 29  
 invisum indemnatum necare: ea populus laetari et merito  
 dicere fieri. Post ubi paulatim licentia crevit, iuxta bonos 30  
 et malos lubidinose interficere, ceteros metu terrere: ita ci- 31  
 vitas servitute obpressa stultae laetitiae gravis poenas dedit.  
 Nostra memoria victor Sulla cum Damasippum et alios eius 32  
 modi, qui malo rei publicae creverant, iugulari iussit, quis  
 non factum eius laudabat? homines scelestos et factiosos.

qui seditionibus rem publicam exagitaverant, merito necatos aiebant. Set ea res magnae initium cladis fuit. Nam uti quisque domum aut villam, postremo vas aut vestimentum alicuius concupiverat, dabat operam, ut is in proscriptionum numero esset. Ita illi, quibus Damasissipi mors letitiae fuerat, paulo post ipsi trahebantur, neque prius finis iugulandi fuit quam Sulla omnis suos divitiis explevit. Atque ego haec non in M. Tullio neque his temporibus vereor: set in magna civitate multa et varia ingenia sunt. Potest alio tempore, alio consule, cui item exercitus in manus sit, falsum aliquid pro vero credi: ubi hoc exemplo per senati decretum consul gladium eduxerit, quis illi finem statuet, aut quis moderabitur?

Maiores nostri, patres conscripti, neque consili neque audacie umquam eguerent, neque illis superbia obstabat, quo minus aliena instituta, si modo proba erant, imitarentur. Arma atque tela militaria ab Samnitibus, insignia magistrorum ab Tuscis pleraque sumpserunt: postremo quod ubique apud socios aut hostis idoneum videbatur, cum summo studio domi exequabantur: imitari quam invidere bonis malebant. Set eodem illo tempore [Graeciae morem imitati] verberibus animadvortebant in civis, de condemnatis summurum subplicium sumebant. Postquam res publica adolevit et multitudine civium factiones valuere, circumveniri innocentes, alia huiusce modi fieri coepere, tum lex Porcia alias aequae leges paratae sunt, quibus legibus exilium damnatis permisum est. Hanc ego caussam, patres conscripti, quo minus novum consilium capiamus, in primis magnam puto. Profecto virtus atque sapientia maior in illis fuit, qui ex parvis opibus tantum imperium fecere, quam in nobis, qui ea bene parta vix retinemus.

Placet igitur eos dimitti et augeri exercitum Catilinae? Minime. Set ita censeo: publicandas eorum pecunias, ipsos in vinculis habendos per municipia, quae maxime opibus valent: neu quis de eis postea ad senatum referat, neve cum populo agat: qui aliter fecerit, senatum existumare eum contra rem publicam et salutein omnium facturum.'

Postquam Caesar dicundi finem fecit, ceteri verbo aliis

alii varie adsentiebantur. At M. Porcius Cato, rogatus sententiam, huiuscmodi orationem habuit:

'Longe mihi alia mens est, patres conscripti, cuin res atque pericula nostra considero, et cum sententias nonnullorum ipse mecum reproto. Illi mihi disseruisse videntur de poena eorum, qui patriae parentibus, aris atque focis suis heilum paravere: res autem monet cavere ab illis magis quam quid in illos statuamus consultare. Nam cetera malicia tum persequare, ubi facta sunt: hoc, nisi provideris ne accidat, ubi evenit, frustra iudicia inproles: capta urbe nihil fit relicui victis. Set, per deos immortalis, vos ego adpello, qui semper domos villas, signa tabulas vostras pluris quam rem publicam fecistis: si ista, cuiuscumque modi sunt quae amplexamini, retinere, si voluptatibus vestris otium praebere voltis, expergiscimini aliquando et capessite rem publicam. Non agitur de vectigalibus neque de sociorum iniuriis: libertas et anima nostra in dubio est.

Saepenumero, patres conscripti, multa verba in hoc ordine feci, saepe de luxuria atque avaritia nostrorum civium questus sum, multosque mortalis ea causa advorsos habeo: qui mihi atque animo meo nullius umquam delicti gratiam fecisse, haut facile alterius lubidini male facta condonabam. Set ea tametsi vos parvi pendebatis, tamen res publica firma erat: opulentia neglegentiam tolerabat. Nunc vero non id agitur, bonisne an malis moribus vivamus, neque quantum aut quam magnificum imperium populi Romani sit, set haec cuiuscumque modi videntur, nostra an nobiscum una hostium futura sint. Hic mihi quisquam mansuetudinem et misericordiam nominat. Iam pridem equidem nos vera vocabula rerum amisimus: quia bona aliena largiri liberalitas, malarum rerum audacia fortitudo vocatur, eo res publica in extremo sita est. Sint sane, quoniam ita se mores habent, liberales ex sociorum fortunis, sint misericordes in furibus aerari: ne illi sanguinem nostrum largiantur et, dum paucis sceleratis parcunt, bonos omnis perditum eant.

Bene et composite G. Caesar paulo ante in hoc ordine de vita et morte disseruit, credo falsa existumans ea, quae

de inferis memorantur, divisoro itinere malos a bonis loca  
 14 taetra inulta, foeda atque formidulosa habere. Itaque cen-  
 suit pecunias eorum publicandas, ipsos per municipia in  
 custodiis habendos, videlicet timens, ne, si Romae sint, aut  
 a popularibus coniurationis aut a multitudine conducta per  
 15 vim eripiantur. Quasi vero mali atque sclesti tantum modo  
 in urbe et non per totam Italiam sint, aut non ibi plus possit  
 16 audacia, ubi ad defendendum opes minores sunt. Qua re  
 vanum equidem hoc consilium est, si periculum ex illis me-  
 tuit: sin in tanto omnium metu solus non timet, eo magis 10  
 17 refert me mihi atque vobis timere. Qua re cum de P. Len-  
 tulo ceterisque statuetis, pro certo habetote, vos simul de  
 18 exercitu Catilinae et de omnibus coniuratis decernere. Quanto  
 vos adtentius ea agetis, tanto illis animus infirmior erit: si  
 paululum modo vos languere viderint, iam omnes feroce 15  
 aderunt.

19 Nolite existumare maiores nostros armis rem publicam  
 20 ex parva magnam fecisse. Si ita res esset, multo pulcerrumam  
 eam nos haberemus: quippe sociorum atque civium, prae-  
 terea armorum atque equorum maior copia nobis quam 20  
 21 illis est. Set alia fuere, quae illos magnos fecere, quae  
 nobis nulla sunt: domi industria foris iustum imperium  
 animus in consulundo liber, neque delicto neque lubidini  
 22 obnoxius. Pro his nos habemus luxuriam atque avaritiam,  
 publice egestatem privatim opulentiam: laudamus divitias, 25  
 sequimur inertiam: inter bonos et malos discriminem nullum,  
 23 omnia virtutis praemia ambitio possidet. Neque mirum: ubi  
 vos separatim sibi quisque consilium capit, ubi domi vo-  
 luptatibus, hic pecuniae aut gratiae servitis, eo fit, ut impetus  
 fiat in vacuam rem publicam.

24 Set ego haec omitto. Coniuravere nobilissimi cives pa-  
 triam incendere, Gallorum gentem infestissimum nominis  
 Romano ad bellum accersunt, dux hostium cum exercitu  
 25 supra caput est: vos cunctamini etiam nunc, quid intra moe-  
 26 nia deprehensis hostibus faciatis? Misereamini censeo — 33  
 deliquere homines adolescentuli per ambitionem — atque  
 27 etiam armatos dimittatis. Ne ista vobis mansuetudo et mise-  
 28 ricordia, si illi arma ceperint, in miseriam convertat. Sci-

licet res ipsa aspera est, set vos non timetis eam. Immo vero maxime: set inertia et mollitia animi alius alium expectantes cunctamini, videlicet deis immortalibus confisi, qui hanc rem publicam saepe in maxumis periculis servavere.  
 Non votis neque subpliciis muliebribus auxilia deorum parantur: vigilando, agendo, bene consulundo prospere omnia cedunt: ubi socordiae te atque ignaviae tradideris, nequam deos implores: irati infestique sunt. Apud maiores nostros T. Manlius Torquatus bello Gallico filium suum, quod is contra imperium in hostem pugnaverat, necari iussit, atque ille egregius adulescens inmoderatae fortitudinis morte poenas dedit: vos de crudelissimis paricidis quid statuatis cunctamini? Videlicet cetera vita eorum huic sceleri obstat. Verum parcite dignitati Lentuli, si ipse pudicitiae, si famae suae, si deis aut hominibus umquam ullis pepercit: ignoscite Cethegi adulescentiae, nisi iterum patriae bellum fecit. Nam quid ego de Gabinio Statilio Caepario loquar? quibus si quicquam umquam pensi fuisse, non ea consilia de re publica habuissent. Postremo, patres conscripti, si mehercules peccato locus esset, facile paterer vos ipsa re conrigi, quoniam verba contemnitis: set undique circumventi sumus. Catilina cum exercitu faucibus urguet, alii intra moenia atque in sinu [urbis] sunt hostes, neque parari neque consuli quicquam potest occulte: quo magis properandum est.

Qua re ego ita censeo: cum nefario consilio sceleratorum civium res publica in maxima pericula venerit, eique indicio T. Volturci et legatorum Allobrogum convicti confessique sint, caedem incendia aliaque se foeda atque crudelia facinora in civis patriamque paravisse, de confessis, sicut de manfestis rerum capitalium, more maiorum subplicium sumendum.'

Postquam Cato adsedit, consulares omnes itemque senatus magna pars sententiam eius laudant, virtutem animi ad caelum ferunt: alii alios increpantes timidos vocant, Cato clarus atque magnus habetur: senati decretum fit sicut ille censuerat.

Set mihi multa legenti, multa audienti, quae populus

Romanus domi militiaeque, mari atque terra paeclaras  
 cinora fecit, forte lubuit adtendere, quae res maxume tanta  
 negotia sustinuissest. Sciebam saepenumero parva manu cum  
 magnis legionibus hostium contendisse, cognoveram parvis  
 copiis bella gesta cum opulentis regibus, ad hoc saepe for-  
 tunae violentiam toleravisse, facundia Graecos gloria belli  
 Gallos ante Romanos fuisse. Ac mihi multa agitanti consta-  
 bat paucorum civium egregiam virtutem cuncta patravisse,  
 eoque factum uti divitias paupertas, multitudinem paucitas  
 superaret. Set postquam luxu atque desidia civitas con-  
 rupta est, rursus res publica magnitudine sua imperatorum  
 atque magistratum vitia sustentabat, ac, sicuti effeta vi  
 parentum, multis tempestatibus haut sane quisquam Romae  
 virtute magnus fuit. Set memoria mea ingenti virtute, di-  
 vorsis moribus fuere viri duo, M. Cato et G. Caesar. Quos 15  
 quoniam res obtulerat, silentio praeterire non fuit consilium,  
 quin utriusque naturam et mores, quantum ingenio possem,  
 aperirem.

54 Igitur eis genus actas cloquentia prope aequalia fuere,  
 magnitudo animi par, item gloria, set alia alii. Caesar be-  
 nificiis ac munificentia magnus habebatur, integritate vitae  
 Cato. Ille mansuetudine et misericordia clarus factus, huic  
 severitas dignitatem addiderat. Caesar dando sublevando  
 ignoscundo, Cato nihil largiundo gloriam adeptus est. In  
 altero miseris perfugium erat, in altero malis pernities : illius 25  
 facilitas, huius constantia laudabatur. Postremo Caesar in  
 animum induxerat laborare vigilare, negotiis amicorum in-  
 tentus sua neglegere, nihil denegare quod dono dignum  
 esset: sibi magnum imperium, exercitum, bellum novum  
 exoptabat, ubi virtus enitescere posset. At Catoni studium 30  
 modestiae, decoris, set maxume severitatis erat: non divitiis  
 cum divite neque factione cum factioso, set cum strenuo  
 virtute, cum modesto pudore, cum innocentia abstinentia cer-  
 tabat: esse quam videri bonus malebat: ita, quo minus pe-  
 tebat gloriam, eo magis illa sequebatur.

55 Postquam, ut dixi, senatus in Catonis sententiam dis-  
 cessit, consul, optumum factu ratus noctem quae instabat  
 antecapere ne quid eo spatio novaretur, tres viros quae ad

subplicium postulabat parare iubet: ipse praesidiis dispositis 2 Lentulum in carcerem deducit: idem fit ceteris per praetores. Est in carcere locus, quod Tullianum adpellatur, ubi 3 paululum ascenderis ad laevam, circiter duodecim pedes 5 humi depresso. Eum muniunt undique parietes atque in- 4 super camera lapideis fornicibus iuncta, set in cultu tenebris odore foeda atque terribilis eius facies est. In eum 5 locum postquam demissus est Lentulus, [vindices rerum capitalium] quibus paeceptum erat laqueo gulam fregere. 10 Ita ille patricius ex gente clarissima Corneliorum, qui con- 6 sulare imperium Romae habuerat, dignum moribus factisque suis exitium vitae invenit. De Cethego Statilio Gabinio Caepario eodem modo subplicium sumptum est.

Dum ea Romae geruntur, Catilina ex omni copia, quam 56 15 et ipse adduxerat et Manlius habuerat, duas legiones instituit, cohortis pro numero militum completa. Deinde ut quis- 2 que voluntarius aut ex sociis in castra venerat aequaliter distribuerat, ac brevi spatio legiones numero hominum expleverat, cum initio non amplius duobus milibus habuisset. 20 Set ex omni copia circiter pars quarta erat militaribus armis 3 instructa, ceteri ut quemque casus armaverat sparos aut lanceas, alii paeacutas sudis portabant. Set postquam An- 4 tonius cum exercitu adventabat. Catilina per montis iter facere, modo ad urbem modo in Galliam versus castra 25 movere, hostibus occasionem pugnandi non dare: sperabat prope diem magnas copias sese habiturum, si Romae socii inceptra patravissent. Interea servitia repudiabat, cuius initio 5 ad eum magnae copiae concurrebant, opibus coniurationis fretus, simul alienum suis rationibus existumans, videri 30 causam civium cum servis fugitivis communicavisse. Set 57 postquam in castra nuntius pervenit Romae coniurationem patefactam, de Lentulo et Cethego ceterisque quos supra memoravi subplicium sumptum, plerique, quos ad bellum spes rapinarum aut novarum rerum studium inlexerat, di- 35 labuntur, reliuos Catilina per montis asperos magnis itineribus in agrum Pistoriensem abducit eo consilio, uti per tramites occulte perfugeret in Galliam [Transalpinam]. At 2 Q. Metellus Celer cum tribus legionibus in agro Piceno pae-

sidebat, ex difficultate rerum eadem illa existumans, quae  
 supra diximus, Catilinam agitare. Igitur ubi iter eius ex  
 perfugis cognovit, castra propere movit ac sub ipsis radi-  
 cibus montium consedit, qua illi descensus erat in Galliam  
 properanti. Neque tamen Antonius procul aberat, utpote qui  
 magno exercitu locis aequioribus expedito \*\*\* in fuga  
 sequeretur. Set Catilina postquam videt montibus atque co-  
 piis hostium sese clausum, in urbe res advorsas, neque fugae  
 neque praesidi ullam spem, optumum factu ratus in tali re  
 fortunam belli temptare, statuit cum Antonio quam primum  
 configgere. Itaque contione advocata huinsce modi oratio-  
 nem habuit:

58 'Conpertum ego habeo, milites, verba virtutem non  
 addere, neque ex ignavo strenuum neque fortem ex timido  
 2 exercitum oratione imperatoris fieri. Quanta cuiusque animo 15  
 audacia natura aut moribus inest, tanta in bello patere solet.  
 Quem neque gloria neque pericula excitant, nequam hor-  
 3 tere: timor animi auribus obficit. Set ego vos quo pauca  
 monerem advocavi, simul uti causam mei consili aperiem.

4 Scitis equidem, milites, socordia atque ignavia Lentuli 20  
 quantam ipsi nobisque cladem adulterit, quoque modo, dum  
 ex urbe praesidia obperior, in Galliam proficiisci nequive-  
 5 rim. Nunc vero quo loco res nostrae sint, iuxta mecum  
 6 omnes intellegitis. Exercitus hostium duo, unus ab urbe,  
 alter a Gallia obstant: diutius in his locis esse, si maxume 25  
 animus ferat, frumenti atque aliarum rerum egestas prohi-  
 7 bet: quocumque ire placet, ferro iter aperiendum est. Qua  
 propter vos moneo, uti forti atque parato animo sitis et cum  
 proelium inibitis memineritis vos divitias decus gloriam, praet-  
 8 tera libertatem atque patriam in dextris vostris portare. 30  
 9 Si vincimus, omnia nobis tuta erunt, conmeatus abunde,  
 municipia atque coloniae patebunt: sin metu cesserimus,  
 10 eadem illa advorsa sient: neque locus neque amicus quis-  
 11 quam teget, quem arma non texerint. Praeterea, milites,  
 non eadem nobis et illis necessitudo inpendet: nos pro pa- 35  
 tria pro libertate pro vita certamus, illis supervacaneum est  
 pro potentia paucorum pugnare.

12 Quo audacius adgrediamini, memores pristinae virtutis.

Licuit vobis cum summa turpitudine in exilio aetatem agere, 13  
 potuistis nonnulli Romae amissis bonis alienas opes expec-  
 tare: quia illa foeda atque intoleranda viris videbantur, haec 14  
 sequi decrevistis. Si haec relinquere voltis, audacia opus 15  
 est: nemo nisi victor pace bellum mutavit. Nam in fuga 16  
 salutem sperare, cum arma, quibus corpus tegitur, ab hosti-  
 bus avorteris, ea vero dementia est. Semper in proelio eis 17  
 maximum est periculum, qui maxime timent: audacia pro  
 muro habetur.

10 Cum vos considero, milites, et cum facta vostra 18  
 aestumo, magna me spes victoriae tenet. Animus aetas vir- 19  
 tus vostra me hortantur, praeterea necessitudo, quae etiam  
 timidos fortis facit. Nam multitudo hostium ne circumvenire 20  
 queat, prohibent angustiae loci. Quod si virtuti vostrae for- 21  
 15 tuna invidenter, cavete, inulti animam amittatis, neu capti  
 potius sicuti pecora trucidemini, quam virorum more pug-  
 nantes cruentam atque luctuosam victoriam hostibus relin-  
 quatis.'

Haec ubi dixit, paululum commoratus signa canere iu- 59  
 20 bet atque instructos ordines in locum aecum deducit. Dein  
 remotis omnium equis, quo militibus exaequato periculo  
 animus amplior esset, ipse pedes exercitum pro loco atque  
 copiis instruit. Nam uti planities erat inter sinistros montis 2  
 et ab dextra rupe aspera, octo cohortis in fronte constituit,  
 25 reliquarum signa in subsidio artius conlocat: ab eis centu- 3  
 riones omnis lectos et evocatos, praeterea ex gregariis mili-  
 tibus optimum quemque armatum in primam aciem subdu-  
 cit. G. Manlium in dextra, Faesulanum quendam in sinistra  
 parte curare iubet: ipse cum libertis et calonibus propter  
 30 aquilam adsistit, quam bello Cimbrico G. Marius in exercitu  
 habuisse dicebatur.

At ex altera parte G. Antonius, pedibus aeger quod 4  
 proelio adesse nequibat, M. Petreio legato exercitum per-  
 mittit. Ille cohortis veteranas, quas tumulti causa conscrip- 5  
 35 serat, in fronte, post eas ceterum exercitum in subsidiis locat:  
 ipse equo circumiens unumquemque nominans adpellat hor-  
 tatur rogat, ut meminerint se contra latrones inermis, pro  
 patria pro liberis, pro aris atque focis suis certare. Homo 6

militaris, quod amplius annos triginta tribunus aut praefectus aut legatus aut praetor cum magna gloria in exercitu fuerat, plerosque ipsos factaque eorum fortia noverat: ea conmemorando militum animos adcendebat.

60 Set ubi omnibus rebus exploratis Petreius tuba signum dat, cohortis paulatim incedere iubet, idem facit hostium exercitus. Postquam eo ventum est, unde [a] ferentariis proelium committi posset, maximo clamore [cum] infestissimus concurrunt: pila omittunt, gladiis res geritur. Veterani, pristinae virtutis memores, comminus acriter instare, illi haut timidi resistunt: maxima vi certatur. Interea Catilina cum expeditis in prima acie vorsari, laborantibus succurrere, integros pro sauciis accersere, omnia providere, multum ipse pugnare, saepe hostem ferire: strenui militis et boni imperatoris officia simul exequebatur. Petreius ubi videt Catilinam, contra ac ratus erat, magna vi tendere, cohortem praetoriam in medios hostis inducit eosque perturbatos atque alios alibi resistentis interficit, deinde utrimque ex lateribus ceteros adgreditur. Manlius et Faesulanus in primis pugnantes cadunt. Catilina postquam fusas copias seque paucis relictum videt, memor generis atque pristinae suae dignitatis, in confertissimos hostis incurrit ibique pugnans confoditur.

61 Set confecto proelio tum vero cerneret, quanta audacia quantaque animi vis fuisset in exercitu Catilinæ. Nam fere quem quisque vivos pugnando locum ceperat, cum amissa anima corpore tegebat. Pauci autem, quos medios cohors praetoria disiecerat, paulo divorsius *alis alibi stantes*, set omnes tamen advoris volneribus conciderant. Catilina vero longe a suis inter hostium cadavera repertus est, paululum etiam spirans ferociamque animi, quam habuerat vivos, in voltu retinens. Postremo ex omni copia neque in proelio neque in fuga quisquam civis ingenuus captus est: ita cuncti suae hostiumque vitae iuxta pepercérant. Neque tamen exercitus populi Romani laetam aut incruentam victoriam adeptus erat: nam strenuissimus quisque aut occiderat in proelio, aut graviter volneratus discesserat. Multi autem, qui e castris visundi aut spoliandi gratia processerant, volventes

hostilia cadavera amicum alii, pars hospitem aut cognatum reperiebant: fuere item qui inimicos suos cognoscerent. Ita 9 varie per omnem exercitum laetitia maeror, luctus atque gaudia agitantur.

---

## GAI SALLVSTI CRISPI

LIBER

## DE BELLO IVGVRTHINO

---

5 Falso queritur de natura sua genus humanum, quod 1 inbecilla atque aevi brevis forte potius quam virtute regatur. Nam contra reputando neque maius aliud neque praestabilius invenias magisque naturae industriam hominum quam vim aut tempus deesse. Set dux atque imperator vitae morali 3 taliun animus est. Qui ubi ad gloriam virtutis via grassatur, abunde pollens potensqne et clarus est neque fortuna eget — quippe probitatem industriam aliasque artis bonas neque dare neque eripere cuiquam potest — : sin captus pravis 4 cupidinibus ad inertiam et voluptates corporis pessum datus est, pernitosia lubidine paulisper usus, ubi per socordiam vires tempus ingenium diffluxere, naturae infirmitas accusatur: suam quisque culpam actores ad negotia transferunt. Quod si hominibus bonarum rerum tanta cura esset, quanto 5 studio aliena ac nihil profutura multaque etiam periculosa 20 ac pernitoria petunt, neque regerentur magis quam regerent casus et eo magnitudinis procederent, ubi pro mortalibus gloria aeterni fierent. Nam uti genus hominum conpositum ex corpore et anima est, ita res cunctae studiaque omnia nostra corporis alia, alia animi naturam secuntur. Igitur 2

praeclera facies, magnae divitiae, ad hoc vis corporis et alia omnia huiusce modi brevi dilabuntur, at ingenii egregia 3 facinora sicuti anima immortalia sunt. Postremo corporis et fortunae honorum ut initium sic finis est, omniaque orta occidunt et aucta senescunt: animus, inconruptus aeternus, 5 rector humani generis agit atque habet cuncta neque ipse 4 habetur. Quo magis pravitas eorum admiranda est, qui dediti corporis gaudiis per luxum et ignaviam aetatem agunt, ceterum ingenium, quo neque melius neque amplius aliud in natura mortalium est, incultu atque socordia torpescere 10 sinunt, cum praesertim tam multae variaeque sint artes animi, quibus summa claritudo paratur.

3 Verum ex eis magistratus et imperia, postremo omnis cura rerum publicarum minime mihi hac tempestate cupi- unda videntur, quoniam neque virtuti honos datur, neque illi, 15 quibus per fraudem vel vi fuit, tuti aut eo magis honesti sunt.

2 Nam vi quidem regere patriam aut parentis, quamquam et possis et delicta conrigas, tamen importunum est, cum praesertim omnes rerum mutationes caedem fugam aliaque ho- 3 stilia portendant: frustra autem niti neque aliud se fatigando 20 4 nisi odium quaerere extremae dementiae est. Nisi forte quem in honesta et pernitiosa lubido tenet potentiae paucorum de- us atque libertatem suam gratificari.

4 Ceterum ex aliis negotiis, quae ingenio exercentur, in 2 primis magno usui est memoria rerum gestarum. Cuius de 25 virtute quia multi dixerunt, praetereundum puto, simul ne per insolentiam quis existumet memet studium meum lau- 3 dando extollere. Atque ego credo fore qui, quia decrevi procul a re publica aetatem agere, tanto tamque utili labori meo nomen inertiae inponant, certe quibus maxima indu- 30 stria videtur salutare plebem et conviviis gratiam quaerere.

4 Qui si reputaverint, et quibus ego temporibus magistratus adeptus sum quales viri idem adsequi nequierint, et postea quae genera hominum in senatum pervenerint, profecto existubunt me magis merito quam ignavia iudicium animi 35 mei mutavissem maiusque commodum ex otio meo quam ex 5 aliorum negotiis rei publicae venturum. Nam saepe ego audivi Q. Maximum, P. Scipionem, praeterea civitatis nostrae pre-

claros viros solitos ita dicere: cum maiorum imagines intuerentur, vehementissime sibi animum ad virtutem ascendit. Seilicet non ceram illam neque figuram tantam vim in sese habere, set memoria rerum gestarum eam flammam egregiis viris in pectore crescere neque prius sedari quam virtus eorum famam atque gloriam adaequaverit. At contra quis est omnium his moribus, quin divitiis et sumptibus, non probitate neque industria cum maioribus suis contendat? etiam homines novi, qui antea per virtutem soliti erant nobilitatem antevenire, furtim et per latrocinia potius quam bonis artibus ad imperia et honores nituntur: proinde quasi praetura et consulatus atque alia omnia huiuscmodi per se ipsa clara et magnifica sint, ac non perinde habeantur ut eorum qui ea sustinent virtus est. Verum ego liberius altiusque pro cessi, dum me civitatis morum piget taedetque: nunc ad inceptum redeo.

Bellum scripturus sum, quod populus Romanus cum Iugurtha, rege Numidarum, gessit, primum quia magnum et atrox variaque victoria fuit, dehinc quia tunc primum superbiae nobilitatis obviam itum est, quae contentio divina et humana cuncta permiscuit eoque recordiae processit, ut studiis civilibus bellum atque vastitas Italiae finem faceret. Set prius quam huiuscmodi rei initium expediam, pauca supra repetam, quo ad cognoscendum omnia inlustria magis magisque in aperto sint.

Bello Punico secundo, quo dux Carthaginiensium Hannibal post magnitudinem nominis Romani Italiae opes maxime adriverat, Masinissa, rex Numidarum, in amicitiam receptus a P. Scipione, cui postea Africano cognomen ex virtute fuit, multa et praeclara rei militaris facinora fecerat, ob quae victis Carthaginiensibus et capto Suface, cuius in Africa magnum atque late imperium valuit, populus Romanus quascumque urbis et agros manu ceperat regi dono dedit. Igitur amicitia Masinissae bona atque honesta nobis permansit: [set] imperi vitaeque eius finis idem fuit.

Dein Micipsa filius regnum solus obtinuit Mastanabale et Gulussa fratribus morbo absumptis. Is Adherbalem et Hiempalem ex sese genuit, Iugurthamque, filium Mast-

nabalis fratris, quem Masinissa, quod ortus ex concubina erat, privatum dereliquerat, eodem cultu quo liberos suos domi habuit.

6 Qui ubi primum adolevit, pollens viribus, decora facie, set multo maxume ingenio validus, non se luxu neque inertiae conrumpendum dedit, set, uti mos gentis illius est, equitare iaculari, cursu cum aequalibus certare, et cum omnis gloria anteiret, omnibus tamen carus esse: ad hoc pleraque tempora in venando agere, leonem atque alias feras primus aut in primis ferire: plurumum facere, minumum ipse de 10 se loqui. Quibus rebus Micipsa tametsi initio laetus fuerat existumans virtutem Iugurthae regno suo gloriae fore, tamen postquam hominem adulescentem exacta sua aetate et parvis liberis magis magisque crescere intellegit, vehementer eo negotio permotus multa cum animo suo volvebat. 15  
 3 Terrebat eum natura mortalium avida imperi et praeceps ad explendam animi cupidinem, praeterea opportunitas suae liberorumque aetatis, quae etiam mediocris viros spc praedae transvorsos agit, ad hoc studia Numidarum in Iugurtham adlensa, ex quibus, si talem virum dolis interfecisset, ne 20  
 7 qua seditio aut bellum oriretur anxius erat. Eis difficultatibus circumventus ubi videt neque per vim neque insidiis obprimi posse hominem tam acceptum popularibus, quod erat Iugurtha manu promptus et adpetens gloriae militaris, statuit eum obiectare periculis et eo modo fortunam tem- 25 ptare.

2 Igitur bello Numantino Micipsa cum populo Romano equitum atque peditum auxilia mitteret, sperans vel ostentando virtutem vel hostium saevitia facile eum occasurum.  
 3 praefecit Numidis, quos in Hispaniam mittebat. Set ea res 30  
 4 longe aliter ac ratus erat evenit. Nam Iugurtha, ut erat impigro atque acri ingenio, ubi naturam P. Scipionis, qui tum Romanis imperator erat, et morem hostium cognovit, multo labore multaque cura, praeterea modestissime parrendo et saepe obviam eundo periculis in tantam claritudi- 35 nem brevi pervenerat, ut nostris vehementer carus, Numantinis maxumo terrori esset. Ac sane, quod difficillimum in primis est, et proelio strenuus erat et bonus con-

silio, quorum alterum ex providentia timorem, alterum ex  
 audacia temeritatem adferre plerumque solet. Igitur impe-  
 rator omnis sere res asperas per Iugurtham agere, in ami-  
 cis habere, magis magisque eum in dies amplecti, quippe  
 cuius neque consilium neque incepturn ullum frustra erat.  
 Iluc adcedebat munificentia animi et ingeni sollertia, quis 7  
 rebus sibi multos ex Romanis familiari amicitia coniunxerat.  
 Ea tempestate in exercitu nostro fuere conplures novi at-  
 que nobiles, quibus divitiae bono honestoque potiores erant,  
 factiosi domi, potentes apud socios, clari magis quam ho-  
 nesti, qui Iugurthae non mediocrem animum pollicitando  
 adcedebant, si Micipsa rex occidisset, fore uti solus imperi  
 Numidiae potiretur: in ipso maxumam virtutem, Roinae  
 omnia vaenalia esse. Set postquam Numantia deleta P. Scipio 2  
 15 dimittere auxilia et ipse revorti domum decrevit, donatum  
 atque laudatum magnifice pro contione Iugurtham in pae-  
 torium abduxit ibique secreto monuit, ut potius publice  
 quam privatum amicitiam populi Romani coleret, neu qui-  
 bus largiri insuesceret: periculose a paucis emi quod mul-  
 torum esset: si permanere vellet in suis artibus, ultro illi  
 et gloria in et regnum venturum, sin properantius pergeret,  
 suamet ipsum pecunia praeципitem casurum. Sic locutus 9  
 cum litteris eum, quas Micipsa redderet, dimisit. Earum  
 sententia haec erat: 'Iugurthae tui bello Numantino longe 2  
 25 maxima virtus fuit, quam rem tibi certo scio gaudio esse.  
 Nobis ob merita sua carus est: ut idem senatui et populo  
 Romano sit, summa ope nitemur. Tibi quidem pro nostra  
 amicitia gratulor. [En]habes virum dignum te atque avo suo  
 Masinissa.' Igitur rex, ubi ea, quae fama acceperat, ex 3  
 30 litteris imperatoris ita esse cognovit, cum virtute tum gratia  
 viri permotus flexit animum suum et Iugurtham beneficiis  
 vincere adressus est statimque eum adoptavit, et testa-  
 mento pariter cum filiis heredem instituit.

Set ipse paucos post annos morbo atque aetate conse- 4  
 35 ctus cum sibi finem vitae adesse intellegereret, coram amicis  
 et cognatis itemque Adherbale et Hiempsale filiis dicitur  
 huiusmodi verba cum Iugurtha habuisse:

'Parvom ego, Iugurtha, te, amisso patre sine spe sine 10

opibus, in regnum meum accepi, existumans non minus  
 me tibi quam[liberis] si genuisse, ob beneficia carum fore,  
 2 neque [ea] res falsum me habuit. Nam, ut alia magna et  
 egregia tua omittam, novissume rediens Numantia meque  
 regnumque meum gloria honoravisti tuaque virtute nobis  
 Romanos ex amicis amicissimos fecisti: in Hispania nomen  
 familiae renovatum est: postremo, quod difficillum inter  
 3 mortalis est, gloria invidiam vicisti. Nunc, quoniam mihi  
 natura finem vitae facit, per hanc dexteram, per regni fidem  
 moneo obtestorque te, uti hos qui tibi genere propinquui, be-  
 nificio meo fratres sunt, caros habeas, neu malis alienos  
 4 adiungere quam sanguine coniunctos retinere. Non exerci-  
 tus neque thensaui praesidia regni sunt, verum amici, quos  
 neque armis cogere neque auro parare queas: officio et  
 5 fide pariuntur. Quis autem amicior, quam frater fratris? aut  
 6 quem alienum fidum invenies, si tuis hostis fueris? Equi-  
 dem ego vobis regnum trado, firmum si boni eritis, sin-  
 mali inbecillum. Nam concordia parvae res crescunt, dis-  
 7 cordia maxumae dilabuntur. Ceterum ante hos te, Iugur-  
 tha, quia aetate et sapientia prior es, ne aliter quid eveniat  
 20 providere decet. Nam in omni certamine qui opulentior  
 est, etiamsi accipit iniuriam, tamen quia plus potest facere  
 8 videtur. Vos autem, Adherbal et Hiempsal, colite obser-  
 vate talem hunc virum, imitamini virtutem et enitimini, ne  
 ego meliores liberos sumpsisse videar quam genuisse.' 25

11 Ad ea Iugurtha, tametsi regem facta locutum intelle-  
 gebat et ipse longe aliter animo agitabat, tamen pro tem-  
 2 pore benigne respondit. Micipsa paucis post diebus moritur.

Postquam illi more regio iusta magnifice fecerant, re-  
 guli in unum convenerunt, ut inter se de cunctis negotiis 30  
 3 disceptarent. Sct Hiempsal, qui minimus ex illis erat, natura  
 ferox et iam antea ignobilitatem Iugurthae, quia materno  
 genere inpar erat, despiciens, dextra Adherbalem adsedit, ne  
 4 medius ex tribus, quod apud Numidas honori ducitur, Iu-  
 gurtha foret. Dein tamen, ut aetati concederet fatigatus a  
 5 fratre, vix in partem alteram transductus est. Ibi cum multa  
 de administrando imperio dissererent, Iugurtha inter alias  
 res iacit oportere quinquenni consulta et decreta omnia re-

scindi: nam per ea tempora confectum annis Micipsam pa-  
rum animo valuisse. Tum idem Hiempsal placere sibi re- 6  
spondit: nam ipsum illum tribus proxumis annis [adoptione]  
in regnum pervenisse. Quod verbum in pectus Iu- 7  
5 gurthae altius quam quisquam ratus erat descendit. Itaque 8  
ex eo tempore ira et metu anxius moliri parare atque ea  
modo cum animo habere, quibus Hiempsal per dolum cape-  
retur. Quae ubi tardius procedunt neque lenitur animus  
ferox, statuit quovis modo incepsum perficere.

10 Primo conventu, quem ab regulis factum supra me- 12  
moravi, propter dissensionem placuerat dividi thensauros  
finisque imperi singulis constitui. Itaque tempus ad utram- 2  
que rem decernitur, set maturius ad pecuniam distribuen-  
dam. Reguli interea in loca propinqua thensauris alius alio  
15 concessere. Set Hiempsal in oppido Thirmida forte eius 3  
domo utebatur, qui proxumus lictor Iugurthae carus accep-  
tusque ei semper fuerat. Quem ille casu ministrum oblatum  
promissis onerat inpellitque, uti tamquam sua visens do-  
mum eat, portarum clavis adulterinas paret — nam verae  
20 ad Hiempalem referebantur —, ceterum, ubi res postu-  
laret, se ipsum cum magna manu venturum. Numida man- 4  
data brevi conficit atque, uti doctus erat, noctu Iugurthae  
milites introducit. Qui postquam in aedis inrupere, divorsi 5  
regem quaerere, dormientis alios alios occursantis interfisi-  
25 cere, scrutari loca abdita, clausa effringere, strepitu et tu-  
multu omnia miscere: cum interim Hienipsal reperitur oc-  
cultans se [in] tugurio mulieris ancillae, quo initio pavidus  
et ignarus loci perfugerat. Numidae caput eius, uti iussi  
erant, ad Iugurtham referunt.

30 Ceterum fama tanti facinoris per omnem Africam brevi 13  
divulgatur: Adherbalem omnisque qui sub imperio Micipsae  
fuerant metus invadit: in duas partis discedunt Numidae:  
plures Adherbalem secuntur, set illum alterum bello melio-  
res. Igitur Iugurtha quam maxumas potest copias armat, 2  
35 urbis partim vi alias voluntate imperio suo adiungit, omni  
Numidia imperare parat. Adherbal, tametsi Romam legatos 3  
iniserat, qui senatum docerent de caede fratris et fortunis  
suis, tamen fretus multitudine militum parabat armis con-

4 tendere. Set ubi res ad certamen venit, victus ex proelio  
 5 profugit in provinciam ac deinde Romam contendit. Tum  
 Iugurtha patratis consiliis, postquam omni Numidia potie-  
 batur, in otio facinus suum cum animo reputans, timere  
 populum Romanum neque advorsus iram eius usquam nisi  
 6 in avaritia nobilitatis et pecunia sua spem habere. Itaque  
 paucis diebus cum auro et argento multo Romam legatos mit-  
 tit, quis praecipit, primum uti veteres amicos muneribus  
 expleant, deinde novos adquirant, postremo quaecumque  
 7 possint largiendo parare ne cunctentur. Set ubi Romam 10  
 legati venere et ex praeecepto regis hospitibus aliisque, quo-  
 rum ea tempestate in senatu auctoritas pollebat, magna mu-  
 nera misere, tanta conmutatio incessit, ut ex maxuma invidia  
 8 in gratiam et favorem nobilitatis Iugurtha veniret. Quorum  
 pars spe alii praemio inducti singulos ex senatu ambiundo 15  
 9 nitebantur, ne gravius in eum consuleretur. Igitur ubi le-  
 gati satis confidunt, die constituto senatus utrisque datui.  
 Tum Adherbalem hoc modo locutum accepimus:

14 Patres conscripti, Micipsa pater meus moriens mihi  
 praecepit, uti regni Numidiae tantum modo procreationem 20  
 existumarem meam, ceterum ius et imperium eius penes vos  
 esse, simul eniterer domi militiaeque quam maxumo usui  
 esse populo Romano, vos mihi cognatorum, vos adsinum  
 loco ducerem: si ea fecisset, in vostra amicitia exercitus  
 2 divitias munimenta regni me habiturum. Quae cum pree- 25  
 cepta parentis mei agitarem, Iugurtha, homo omnium quos  
 terra sustinet sceleratissimus, contempto imperio vostro Ma-  
 sinissae me nepotem et iam ab stirpe socium atque amicum  
 populi Romani regno fortunisque omnibus expulit.

3 Atque ego, patres conscripti, quoniam eo miseriarium 30  
 venturus eram, vellem potius ob mea quam ob maiorum  
 meorum benificia posse in vobis auxilium petere, ac ma-  
 xime deberi mihi benificia a populo Romano, quibus non  
 egerem, secundum ea, si desideranda erant, uti debit is  
 4 35 uterer. Set quoniam parum tuta per se ipsa probitas est,  
 neque mihi in manu fuit Iugurtha qualis foret, ad vos con-  
 fugi, patres conscripti, quibus, quod mihi miserrimum est,  
 cogor prius oneri quam usui esse.

Ceteri reges aut bello victi in amicitiam a vobis recepti 5  
 sunt aut in suis dubiis rebus societatem vostram adpetiverunt,  
 familia nostra cum populo Romano bello Carthaginensi [amicitiam] instituit, quo tempore magis fides eius  
 quam fortuna petunda erat. Quorum progeniem vos, patres 6  
 conscripti, nolite pati me, nepotem Masinissae, frustra a vobis  
 auxilium petere.

Si ad inpetrandum nihil causae haberein praeter mi- 7  
 serandam fortunam, quod paulo ante rex genere fama atque  
 copiis potens, nunc deformatus aerumnis, inops alienas  
 opes expecto, tamen erat maiestatis populi Romani prohibere  
 iniuriam neque pati cuiusquam regnum per scelus cre-  
 scere. Verum ego eis finibus electus sum, quos maioribus 8  
 meis populus Romanus dedit, unde pater et avos meus una  
 vobiscum expulere Sufacem et Carthaginensis. Vostra be-  
 nifica milii erepta sunt, patres conscripti, vos in mea iniuria  
 despecti estis.

Eheu me miserum! Hucine, Micipsa pater, beneficia 9  
 tua evasere, ut quem tu parem cum liberis [tuis] regnique  
 participem fecisti, is potissimum stirpis tuae extinctor sit?  
 Numquam ergo familia nostra quieta erit? semperne in san-  
 guine ferro fuga vorsabitur? Dum Carthaginenses incolu- 10  
 mes fuere, iure omnia saeva patiebamur: hostes ab latere,  
 vos amici procul, spes omnis in armis erat. Postquam illa  
 pestis ex Africa electa est, laeti pacem agitabamus, quippe  
 quis hostis nullus erat, nisi forte quem vos iussissetis. Ecce 11  
 autem ex improviso Iugurtha, intoleranda audacia, scelere  
 atque superbia sese exferens, fratre meo atque eodem pro-  
 pinquo suo interfecto primum regnum eius sceleris sui prac-  
 tam fecit, post ubi me eisdem dolis non quit capere, nihil  
 minus quam vim aut bellum expectantem in imperio vostro,  
 sicut videtis, extorrem patria domo, inopeni et copertuni  
 miseriis effecit, ut ubivis tutius quam in meo regno essem.  
 Ego sic existumabam, patres conscripti, uti praedicantem 12  
 audiweram patrem meum: qui vostram amicitiam diligenter  
 colerent, eos multum laborem suscipere, ceterum ex omni-  
 bus maxime tutos esse. Quod in familia nostra fuit, pree- 13

stitit, uti in omnibus bellis adesset vobis: nos uti per otium  
tuti simus, in vostra manu est, patres conscripti.

14 Pater nos duos fratres reliquit, tertium Iugurtham be-  
nificiis suis ratus est coniunctum nobis fore. Alter eorum  
15 necatus est, alterius ipse ego manus inpias vix effugi. Quid agam? aut quo potissimum infelix adcedam? Generis prae-  
sidia omnia extincta sunt: pater, uti necesse erat, naturae  
concessit: fratri, quem minume decuit, propincus per sce-  
lus vitam eripuit: adfinis amicos propinquos ceteros meos  
alium alia clades obpressit: capti ab Iugurtha pars in cru-  
cem acti, pars bestiis obiecti sunt, pauci, quibus relictam  
est anima, clausi in tenebris, cum maerore et luctu morte  
graviorem vitam exigunt.

16 Si omnia, quae aut amisi aut ex necessariis advorsa-  
facta sunt, incolumia manerent, tamen, si quid ex improviso  
mali accidisset, vos implorarem, patres conscripti, quibus  
pro magnitudine imperi ius et iniurias omnis curae esse de-  
17 cet. Nunc vero exul patria domo, solus atque omnium ho-  
nestarum rerum egens, quo adcedam aut quos adpellam?  
nationesne an reges, qui omnes familiae nostrae ob vo-  
stram amicitiam infesti sunt? An quoquam mihi adire licet,  
ubi non maiorum meorum hostilia monumenta pluruma sint,  
aut quisquam nostri misereri potest, qui aliquando vobis  
hostis fuit?

18 Postremo Masinissa nos ita instituit, patres conscripti,  
ne quem coleremus nisi populum Romanum, ne societas  
neu foedera nova acciperemus, abunde magna praesidia no-  
bis in vostra amicitia fore: si huic imperio fortuna mutare  
19 tur, una occidendum nobis esse. Virtute ac deis volentibus  
magni estis et opulentii, omnia secunda et oboedientia sunt:  
quo facilius sociorum iniurias curare licet.

20 Tantum illud vereor, ne quos privata amicitia Iugur-  
thae parum cognita transversos agat, quos ego audio ma-  
xuma ope niti, ambire fatigare vos singulos, ne quid de  
absente incognita causa statuatis: fingere me verba et su-  
21 gam simulare, cui licuerit in regno manere. Quod utinam  
illumin, quoius impio facinore in has miseras proiectus suus,  
eadem haec simulantem videam, et aliquando aut apud vos

aut apud deos inmortalis rerum humanarum cura oriatur: ne ille, qui nunc sceleribus suis ferox atque praeclarus est, omnibus malis excruciatus inpietatis in parentem nostrum, fratri mei necis mearumque miseriarum gravis poenas reddat.

Iamiam, frater animo meo carissime, quamquam tibi 22 inmaturo, et unde minume decuit, vita erepta est, tamen laetandum magis quam dolendum puto casum tuum: non 23 enim regnum, set fugam exilium egestatem et omnis has 10 quae me premunt aerumnas cum anima simul amisisti. At ego infelix, in tanta mala praecepitatus ex patro regno, rerum humanarum spectaculum praebeo, incertus quid agam, tuasne iniurias persequar ipse auxili egens, an regno consulam, cuius vitae necisque potestas ex opibus alienis pendet. 15 Utinam emori fortunis meis honestus exitus esset, neu iure 24 contemptus viderer, si defessus malis iniuriae concessissem. Nunc neque vivere lubet neque mori licet sine dedecore.

Patres conscripti, per vos, per liberos atque parentis 25 vostros, per maiestatem populi Romani, subvenite mihi 20 sero, ite obviam iniuriae, nolite pati regnum Numidia, quod vostrum est, per scelus et sanguinem familiae nostrae tabescere.'

Postquam rex finem loquendi fecit, legati Iugurthae, 15 largitione magis quam causa freti, paucis respondent: Hiemp- 25 salem ob saevitiam suam ab Numidis interfectum: Adherbalem ultro bellum inferentem, postquam superatus sit, queri quod iniuriam facere nequivisset: Iugurtham ab senatu petere, ne se alium putarent, ac Numantiae cognitus esset, neu verba inimici ante facta sua ponerent. Deinde 2 30 utrique curia egrediuntur. Senatus statim consultitur. Fautores legatorum, praeterea [senatus] magna pars, gratia depravata, Adherbalis dicta contemnere, Iugurthae virtutem extollere laudibus: gratia voce, denique omnibus modis pro alieno scelere et flagitio, sua quasi pro gloria, nitebantur. 35 At contra pauci, quibus bonum et aecum divitiis carius erat, subveniendum Adherbali et Hiempalis mortem severe vindicandam censebant, set ex omnibus maxume M. Aemilius Scaurus, homo nobilis, impiger factiosus, avidus potentiae

honoris divitiarum, ceterum vitia sua callide occultans. Is postquam vidit regis largitionem famosam impudentemque, veritus, quod in tali re solet, ne polluta licentia invidiam  
 16 adcederet, animum a consueta lubidine continuuit. Vicit tamen in senatu pars illa, quae vero precium aut gratiam  
 2 anteferebat. Decretum fit, uti decem legati regnum, quod Micipsa obtainuerat, inter Iugurtham et Adherbalem divide-rent. Cuius legationis princeps fuit L. Opimius, homo clarius et tum in senatu potens, quia consul G. Graccho et M. Fulvio Flacco interfectis acerrume victoriam nobilitatis  
 3 in plebem exercuerat. Eum Iugurtha tametsi Romae in inimicis habuerat, tamen adcuratissime recepit: dando et pollicendo multa perfecit, uti famae fide, postremo omnibus suis rebus commodum regis anteferret. Relicuos legatos  
 4 eadem via adgressus, plerosque capit: paucis carior fides  
 5 quam pecunia fuit. In divisione, quae pars Numidiae Mau-retaniam adtingit, agro virisque opulentior, Iugurthae tra-ditur, illam alteram specie quam usu potiorem, quae por-tuosior et aedificiis magis exornata erat, Adherbal possedit.

17 Res postulare videtur Africæ situm paucis exponere  
 et eas gentis, quibuscum nobis bellum aut amicitia fuit,  
 2 adtingere. Set quae loca et nationes ob calorem aut as-pe-ritatem, item solitudines minus frequentata sunt, de eis haut facile conpertum narraverim, cetera quam paucissimum ab-solvam.

25

3 In divisione orbis terrae plerique in parte tertia Afri-cam posuere, pauci tantum modo Asiam et Europam esse,  
 4 set Africam in Europa. Ea finis habet ab occidente fretum nostri maris et Oceani, ab ortu solis declivem latitudinem,  
 5 quem locum Catabathmon incolae adpellant. Mare saevom importuosum: ager frugum fertilis, bonus pecori, arbore infecundus: caelo terraque paenuria aquarum. Genus ho-minum salubri corpore, velox, patiens laborum: plerosque senectus dissolvit, nisi qui ferro aut bestiis interiere: nam morbus haut saepe quemquam superat. Ad hoc malifaci ge-  
 6 neris pluruma animalia. Set qui mortales initio Africam habuerint, quique postea adcesserint, aut quo modo inter se permixti sint, quamquam ab ea fama, quae plerosque

35

obtinet divisorum est, tamen uti ex libris Punicis, qui regis Hiempsalis dicebantur, interpretatum nobis est utique rem sese habere cultores eius terrae putant, quam paucissimum dicam. Ceterum fides eius rei penes auctores erit.

Africam initio habuere Gaetuli et Libues, asperi incul-  
5 tique, quis cibus erat caro ferina atque humi pabulum uti pecoribus. Ei neque moribus neque lege aut imperio cuius-  
10 quam regebantur: vagi palantes quas nox coegerat sedes habebant. Set postquam in Hispania Hercules, sicuti Atri  
15 putant, interiit, exercitus eius, compositus ex variis genti-  
bus, amisso duce ac passim multis sibi quisque imperium potentibus brevi dilabitur. Ex eo numero Medi et Persae 4  
et Armenii navibus in Africam transvecti proximos nostros mari locos occupavere, set Persae intra Oceanum magis ei-  
20 5 que alveos navium invorsos pro tuguriis habuere, quia ne-  
que materia in agris neque ab Hispanis emundi aut mu-  
tandi copia erat: mare magnum et ignara lingua commercio prohibebant. Ei paulatim per conubia Gaetulos secum 6  
miseruere, et quia saepe temptantes agros alia deinde alia 7  
25 loca petiverant, semet ipsi nomadas adpellavere. Ceterum 8  
adhuc aedificia Numidarum agrestium, quae mapalia illi vo-  
cant, oblonga, incurvis lateribus teeta, quasi navium carinae sunt. Medis autem et Armeniis adcessere Libues — nam 9  
ei proprius mare Africum agitabant, Gaetuli sub sole ma-  
gis, haut procul ab ardoribus — eique mature oppida ha-  
30 buere: nam freto divisi ab Hispania mutare res inter se in-  
stituerant. Nomen eorum paulatim Libues conrupere, bar-  
bara lingua Mauros pro Medis adpellantes. Set res Per-  
35 sarum brevi adolevit: ac postea nomine Numidae, propter multitudinem a parentibus digressi, possedere ea loca, quae proxima Carthagine Numidia adpellatur. Deinde utrique 12 alteris freti sinitumos armis aut metu sub imperium suum coegere, nomen gloriamque sibi addidere, magis ei, qui ad nostrum mare processerant, quia Libues quam Gaetuli minus bellicosi. Denique Africæ pars inferior pleraque ab Numidis possessa est, victi omnes in gentem nomenque imperantium concessere.

Postea Phoenices, pars imperi cupidine, alii multitu- 19

dinis domi minuendae gratia sollicitata plebe et aliis novarum rerum avidis, Hippoñem Hadrumetum Leptim aliasque urbis in ora maritima condidere, eaeque brevi multum auctae pars originibus suis praesidio, aliae decori fuere. Nam de Carthagine silere melius puto quam parum dicere, quoniam alio properare tempus monet.

3 Igitur ad Catabathmon, qui locus Aegyptum ab Africa dividit, secundo mari prima Curene est, colonia Theraea, ac deinceps duae Syrtes, interque eas Leptis, deinde Philaenon aerae, quem locum Aegyptum vorsus finem imperii 10 habuere Carthaginenses, post aliae Punicae urbes. Cetera loca usque ad Mauretaniam Numidae tenent, proxumi Hispania Mauri sunt. Super Numidiam Gaetulos accepimus partim in tuguriis alios incultius vagos agitare, post eos 7 Aethiopas esse, dehinc loca exusta solis ardoribus. Igitur 15 bello Iugurthino pleraque ex Punicis oppida et finis Carthaginensium, quos novissime habuerant, populus Romanus per magistratus administrabat, Gaetulorum magna pars et Numidae usque ad flumen Muluccham sub Iugurtha erant, Mauris omnibus rex Bocchus imperitabat, praeter nomen 20 cetera ignarus populi Romani itemque nobis neque bello 8 neque pace antea cognitus. De Africa et eius incolis ad necessitudinem rei satis dictum.

20 Postquam diviso regno legati Africa decessere et Iugurtha contra timorem animi praemia sceleris adeptum sese videt, certum esse ratus, quod ex amicis apud Numantiam acceperat, omnia Romae venalia esse, simul et illorum pollicitationibus adensus, quos paulo ante muneribus expleverat, in regnum Adherbalis animum intendit. Ipse acer belllicosus, at is, quem petebat, quietus inbellis, placido ingenio, 30 opportunus iniuriae, metuens magis quam metuendus. Igitur ex improviso finis eius cum magna manu invalidit, multos mortalis cum pecore atque alia praeda capit, aedificia incendit, 4 pleraque loca hostiliter cum equitatu adcedit, deinde cum omni multitudine in regnum summi convertit, existumans 35 Adherbalem dolore permotum iniurias suas manu vindicaturum eamque rem belli caussam fore. At ille, quod neque se parem armis existumabat et amicitia populi Romani ma-

gis quam Numidis fatus erat, legatos ad Iugurtham de iniuriis questum misit. Qui tametsi contumeliosa dicta rettulerant, prius tamen omnia pati decrevit quam bellum sumere, quia temptatum antea secus cesserat. Neque eo 6 magis cupidio Iugurthae minuebatur, quippe qui totum eius regnum animo iam invaserat. Itaque non, uti antea, cum 7 praedatoria manu, set magno exercitu comparato bellum gerere coepit et aperte totius Numidiae imperium petere. Ceterum qua pergebat, urbis agros vastare, praedas agere: 8 10 suis animum, hostibus terrorem augere. Adherbal ubi in- 21 tellegit eo processum, uti regnum aut relinquendum esset aut armis retinendum, necessario copias parat et Iugurthae obvius procedit. Interim haut longe a mari prope Cirtam 2 oppidum utriusque exercitus consedit et quia diei extre- 15 mum erat, proelium non incepit. Set ubi plerumque noctis processit, obscurum etiamtum lumine milites Iugurthini signo dato castra hostium invadunt: semisomnos partim alios arma sumentis fugant funduntque: Adherbal cum paucis equitibus Cirtam profugit, et ni multitudo togatorum fuis- 20 set, quae Numidas insequentis moenibus prohibuit, uno die inter duos reges coeptum atque patratum bellum foret. Igitur Iugurtha oppidum circumsedit, vineis turribusque et 3 machinis omnium generum expugnare adgreditur, maxime festinans tempus legatorum antecapere, quos ante proelium 25 factum ab Adherbale Romam missos audiverat.

Set postquam senatus de bello eorum accepit, tres adu- 4 lescentes in Africam legantur, qui ambos reges adeant, se- natus populi Romani verbis nuntient: velle et censere, eos ab armis discedere [de controvorsiis suis iure potius 22 30 quam bello disceptare]: ita seque illisque dignum esse. Legati in Africam maturantes veniunt, eo magis quod Romae, dum proficiisci parant, de proelio facto et obpugnatione Cirtae audiebatur: set is rumor clemens erat. Quorum Iugur- 2 tha accepta oratione respondit: sibi neque maius quicquam 35 neque carius auctoritate senatus esse: ab adulescentia ita se ensum, ut ab optumo quoque probaretur: virtute non malitia P. Scipioni, summo viro, placuisse: ob easdem artis a Micipsa, non paenuria liberorum, in regnum adoptatum esse: ceterum quo plura bene atque strenue fecisset, eo 3

4 animum suum iniuriam minus tolerare: Adherbalem dolis  
vitae suac insidiatum: quod ubi conperisset, sceleri eius  
obviam isse: populum Romanum neque recte neque pro  
bono facturum, si ab iure gentium sese prohibuerit: postre-  
mo de omnibus rebus legatos Romam brevi missurum.' Ita  
5 utrique digrediuntur. Adherbalis adpellandi copia non fuit.

23 Iugurtha ubi eos Africa decessisse ratus est neque  
propter loci naturam Cirtam armis expugnare potest, vallo  
atque fossa moenia circumdat, turris extruit easque praesi-  
diis firmat, praeterea dies noctisque aut per vim aut dolis 10  
temptare, defensoribus moenium praemia modo modo for-  
midinem ostentare, suos hortando ad virtutem adrigere,  
2 prorsus intentus cuncta parare. Adherbal ubi intellegit  
omnis suas fortunas in extremo sitas, hostem infestum,  
auxili spem nullam, paenuria rerum necessariarum bellum 15  
trahi non posse, ex eis, qui una Cirtam profugerant, duos  
maxume impigros delegit: eos multa pollicendo ac misc-  
rando casum suum confirmat, uti per hostium munitiones  
24 noctu ad proximum mare, dein Romam pergerent. Numi-  
dae paucis diebus iussa efficiunt: litterae Adherbalis in se- 20  
natu recitatae, quarum sententia haec fuit:

2 'Non mea culpa saepe ad vos oratum mitto, patres con-  
scripti, set vis Iugurthae subigit, quem tanta libido extin-  
guendi me invasit, ut neque vos neque deos immortalis in  
3 animo habeat, sanguinem meum quam omnia malit. Itaque 25  
quintum iam mensem socius et amicus populi Romani armis  
obsessus tencor, neque mihi Micipsa patris mei beneficia  
neque vostra decreta auxiliantur: ferro an fame acrius ur-  
4 guear incertus sum. Plura de Iugurtha scribere dehortatur  
me fortuna mea: et iam antea expertus sum parum fidei 30  
5 miseris esse. Nisi tamen intellego illum supra quam ego  
sum petere, neque simul amicitiam vostram et regnum meum  
sperare. Utrum gravius existumet, nemini occultum est.  
6 Nam initio occidit Hiempalem, fratrem meum, deinde patrio  
regno me expulit: quae sane fuerint nostrae iniuriae, nihil ad 35  
7 vos. Verum nunc vostrum regnum armis tenet, me, quem  
vos imperatorem Numidis posuistis, clausum obsidet: lega-  
torum verba quanti fecerit pericula mea declarant. Quid

est reliquum, nisi vis vostra, quo moveri possit? Nam ego 9  
 quidem vellem, et haec quae scribo, et illa quae antea in  
 senatu questus sum, vana forent potius quam miseria mea  
 fidem verbis faceret. Set quoniam eo natus sum, ut Iu- 10  
 5 gurthae scelerum ostentui essem, non iam mortem neque  
 aerumnas, tantum modo inimici imperium et cruciatus cor-  
 poris deprecor. Regno Numidia, quod vostrum est, uti  
 lubet, consulite: me manibus inpiis eripite, per maiestatem  
 imperi, per amicitiae fidem, si ulla apud vos memoria re-  
 10 manet avi mei Masinissae.'

His litteris recitatis fuere qui exercitum in Africam 25  
 mittendum censerent et quam primum Adherbali subve-  
 niendum, de Iugurtha interim uti consuleretur, quoniam  
 legatis non paruisse. Set ab eisdem illis regis fautoribus 2  
 15 summa ope enisum, ne tale decretum fieret. Ita bonum 3  
 publicum, ut in plerisque negotiis solet, privata gratia de-  
 victum. Legantur tamen in Africam maiores natu nobiles, 4  
 amplis honoribus usi, in quis fuit M. Scaurus, de quo  
 supra memoravimus, consularis et tum senatus princeps.  
 20 Ei, quod res in invidia erat, simul et ab Numidis obsecrati, 5  
 triduo navim ascendere. Dein brevi Uticam adpulsi litteras  
 ad Iugurtham mittunt, quam ocissume ad provinciam ad-  
 cedat, seque ad eum ab senatu missos. Ille ubi accepit ho- 6  
 mines claros, quorum auctoritatem Romae pollere audiverat,  
 25 contra inceptum suum venisse, primo commotus, metu atque  
 lubidine divorsus agitabatur: timebat iram senatus, ni pa- 7  
 ruisset legatis: porro animus cupidine caecus ad inceptum  
 scelus rapiebatur. Vicit tamen in avido ingenio pravom 8  
 consilium. Igitur exercitu circumdato summa vi Cirtam 9  
 30 inrumpere nititur, maxime sperans diducta manu hostium  
 aut vi aut dolis sese casum victoriae inventurum. Quod 10  
 ubi secus procedit, neque quod intenderat efficere potest ut  
 prius quam legatos conveniret Adherbalis potiretur, ne am-  
 plius morando Scaurum, quem plurimum metuebat, in-  
 35 cenderet, cum paucis equitibus in provinciam venit. Ac 11  
 tametsi senati verbis graves minae nuntiabantur, quod ab  
 obpugnatione non desisteret, multa tamen oratione con-  
 sumpta legati frustra discessere.

26 Ea postquam Ciriae audita sunt, Italici, quorum virtute moenia defensabantur, confisi ditione facta propter magnitudinem populi Romani inviolatos sese fore, Adherbali suadent uti seque et oppidum Iugurthae tradat, tantum ab eo vita paciscatur: de ceteris senatui curae fore. At ille, tametsi omnia potiora fide Iugurthae rebatur, tamen quia penes eosdem, si advorsaretur, cogundi potestas erat, ita, uti censuerant Italici, ditionem facit. Iugurtha in primis Adherbalem excruciatum necat, deinde omnis puberes Numidas atque negotiatores promiscue, uti quisque armatis obvius fuerat, interficit.

27 Quod postquam Romae cognitum est et res in senatu agitari copta, eidem illi ministri regis interpellando ac saepe gratia, interdum iurgiis trahundo tempus atrocitatem facti leniebant. Ac ni G. Memmius, tribunus plebei designatus, vir acer et infestus potentiae nobilitatis, populum Romanum edocuisse, id agi, ut per paucos factiosos Iugurthae scelus condonaretur, profecto omnis invidia prolatandis consultationibus dilapsa foret: tanta vis gratiae atque pecuniae regis erat. Set ubi senatus delicti conscientia populum timet, lege Sempronia provinciae futuris consulibus Numidia atque Italia decretae: consules declarati P. Scipio Nasica, L. Bestia[Calpurnius]: Calpurnio Numidia, Scipioni Italia obvenit: deinde exercitus, qui in Africam portaretur, scribitur, stipendium aliaque, quae bello usui forent, decernuntur.

28 At Iugurtha contra spem nuntio accepto, quippe cui Romae omnia vaenum ire in animo haeserat, filium et cum eo duos familiaris ad senatum legatos mittit, eisque, uti illis quos Iliempseal interfecto miserat, praecipit, omnis mortalis pecunia adgrediantur. Qui postquam Romam adventabant, senatus a Bestia consultus est, placeretne legatos Iugurthae recipi moenibus: eique decrevere, nisi regnum ipsumque deditum venissent, uti in diebus proxumis decem Italia cederent. Consul Numidis ex senatus decreto nuntiari iubet: ita infectis rebus illi domum discedunt.

4 Interim Calpurnius parato exercitu legat sibi homines nobilis factiosos, quorum auctoritate quae delinquisset munita fore sperabat: in quis fuit Scaurus, cuius de natura

et habitu supra memoravimus. Nam in consule nostro mul- 5  
 tae bonaeque artes et animi et corporis erant, quas omnis avari-  
 tia praepediebat: patiens laborum, acri ingenio, satis pro-  
 videns, belli haut ignarus, firmissimus contra pericula et  
 5 insidias. Set legiones per Italiam Regium atque inde Si- 6  
 ciliam, porro ex Sicilia in Africam transvectae. Igitur Cal- 7  
 purnius initio paratis conmeatibus acriter Numidiam ingres-  
 sus est multosque mortalis et urbis aliquot pugnando cepit.  
 Set ubi Iugurtha per legatos pecunia temptare bellique, quod 29.  
 10 administrabat, asperitatem ostendere coepit, animus aeger  
 avaritia facile convorsus est. Ceterum socius et administer 2  
 omnium consiliorum adsumitur Scaurus, qui tametsi a prim-  
 cipio plerisque ex factione eius corruptis acerrume regem  
 15 impugnaverat, tamen magnitudine pecuniae a bono honesto-  
 que in pravom abstractus est. Set Iugurtha primo tantum 3  
 modo belli moram redimebat, existumans sese aliquid inte-  
 rim Romae pretio aut gratia effecturum: postea vero quam  
 participem negoti Scaurum accepit, in maxumam spem ad-  
 ductus recuperandae pacis, statuit cum eis de omnibus  
 20 pactionibus praesens agere. Ceterum interea fidei causa 4  
 mittitur a consule Sextius quaestor in oppidum Iugurthae  
 Vagam: cuius rei species erat acceptio frumenti, quod  
 Calpurnius palam legatis imperaverat, quoniam deditio-  
 nis mora induciae agitabantur. Igitur rex, uti constituerat, in 5  
 25 castra venit ac pauca praesenti consilio locutus de invidia  
 facti sui atque uti in deditio-  
 nem acciperetur, relicua cum  
 Bestia et Scauro secreta transigit: dein postero die quasi  
 per saturam sententiis exquisitis in deditio-  
 nem accipitur.  
 Set, uti pro consilio imperatum erat, elephanti triginta, pe- 6  
 30 cus atque equi multi cum parvo argenti pondere quaestori  
 traduntur. Calpurnius Romanum ad magistratus rogando-  
 7 proficiscitur. In Numidia et exercitu nostro pax agitabatur.  
 Postquam res in Africa gestas quoque modo actae fo- 30  
 rent fama divulgavit, Romae per omnis locos et conventus  
 35 de facto consulis agitari. Apud plebem gravis invidia, patres  
 solliciti erant: probarentne tantum flagitium an decretum  
 consulis subvorterent parum constabat. Ac maxume eos 2  
 potentia Scauri, quod is auctor et socius Bestiae ferebatur.

3 a vero bonoque impeditiebat. At G. Memmius, cuius de libertate ingeni et odio potentiae nobilitatis supra diximus, inter dubitationem et moras senatus contionibus populum ad vindicandum hortari, monere ne rem publicam, ne libertatem suam desererent, multa superba et crudelia facinora nobilitatis ostendere: prorsus intentus omni modo plebis animum incendebat.

4 Set quoniam ea tempestate Romae Memmi facundia clara pollensque fuit, decere existumavi, unam ex tam multis orationem eius perscribere, ac potissimum ea dicam, 10 quae in contione post redditum Bestiae huiuscemodi verbis disseruit:

31 'Multa me dehortantur a vobis, Quirites, ni studium rei publicae omnia superet: opes factionis, vostra patientia, ius nullum, ac maxime quod innocentiae plus periculi quam 15 2 honoris est. Nam illa quidem piget dicere, his annis quindecim quam ludibrio fueritis superbiae paucorum, quam foede quamque inulti perierint vostri defensores, ut vobis 3 animus ab ignavia atque socordia corruptus sit, qui ne nunc quidem obnoxiiis inimicis exurgitis, atque etiam nunc timetis 20 4 eos, quibus decet terrori esse. Set quamquam haec talia sunt, tamen obviam ire factionis potentiae animus subigit. 5 Certe ego libertatem, quae mihi a parente meo tradita est, experiar: verum id frustra an ob rem faciam, in vostra manu situm est, Quirites. 25

6 Neque ego vos hortor, quod saepe maiores vostri fecere, uti contra iniurias armati eatis. Nihil vi, nihil secessione opus est: necesse est suomet ipsi more praecipites eant.

7 Occiso Tiberio Graccho, quem regnum parare aiebant, in plebem Romanam quaestiones habitae sunt: post G. Gracchi 30 et M. Fulvi caedem item vostri ordinis multi mortales in carcere necati sunt: utriusque cladis non lex, verum lubido 8 eorum finem fecit. Set sane fuerit regni paratio plebi sua restituere: quidquid sine sanguine civium ulcisci nequitur. 9 iure factum sit. Superioribus annis taciti indignabamini 35 aerarium expilari, reges et populos liberos paucis nobilibus rectigal pendere, penes eosdem et summam gloriam et maximas divitias esse: tamen haec talia facinora impune susce-

pissem parum habuere, itaque postremo leges maiestas vostra, divina et humana omnia hostibus tradita sunt. Neque eos, 10 qui ea fecere, puden aut paenitent, set incedunt per ora vostra magnifici, sacerdotia et consulatus, pars triumphos suos ostentantes: proinde quasi ea honori, non praedas habeant. Servi aere parati iniusta imperia dominoruū non perferunt: 11 vos, Quirites, in imperio nati, aequo animo servitutem toleratis?

At qui sunt ei, qui rem publicam occupavere? Homines 12 sceleratissimi, cruentis manibus, inmani avaritia, nocentissimi et eidem superbissimi, quibus fides decus pietas, postremo honesta atque inhonesta omnia quaestui sunt. Pars 13 eorum occidisse tribunos plebei, alii quaestiones iniustas, plerique caudem in vos fecisse pro munimento habent. Ita 14 quam quisque pessume fecit, tam maxime tutus est: metum ab scelere suo ad ignaviam vostram transtulere: quos omnis eadem cupere, eadem odisse [eadem nitemuere] in unum coegit. Set haec inter bonos amicitia, inter malos factio est. 15 Quod si tam vos libertatis curam haberetis, quam illi ad 16 dominationem adscensi sunt, profecto neque res publica, sicuti nunc, vastaretur, et beneficia vostra penes optimos, non audacissimos forent. Maiores vostri parandi iuris et 17 maiestatis constituendae gratia bis per secessionem armati Aventinum occupavere, vos pro libertate, quam ab illis accepistis, nonne summa ope nitemini? atque eo vehementius, quo maius dedecus est parta amittere, quam omnino non paravissem.

Dicet aliquis: Quid igitur censes? Vindicandum in eos, 18 qui hosti prodidere rem publicam? Non manu neque vi, 30 quod magis vos fecisse quam illis accidisse indignum est, verum quaestionibus et indicio ipsius Iugurthae. Qui si 19 dediticius est, profecto iussis vestrīs oboediens erit, sin ea contemnet, scilicet existumabitis, qualis illa pax aut deditio sit, ex qua ad Iugurtham scelerum inpunitas, ad paucos 35 potentis maxumae divitiae, ad rem publicam damna atque dedecora pervenerint. Nisi forte nondum etiam vos domi- 20 nationis eorum satietas tenet et illa quam haec tempora magis placent, cum regna provinciae, leges iura iudicia, bella

atque paces, postremo divina et humana omnia penes paucos erant, vos autem, hoc est populus Romanus, invicti ab hostibus, imperatores omnium gentium, satis habebatis animam retinere: nam servitutem quidem quis vostrum recusare audebat?

21 Atque ego, tametsi viro flagitosissimum existumo impune iniuriā accepisse, tamen vos hominibus sceleratissimis ignoscere, quoniam cives sunt, aequo animo paterer, nisi misericordia in perniciem casura esset. Nam et illis, quantum importunitatis habent, parum est impune male fecisse, nisi deinde faciundi licentia eripitur, et vobis aeterna sollicitudo remanebit, cum intellegetis aut serviendum esse 22 aut per manus libertatem retinendam. Nam fidei quidem aut concordiae quae spes est? Dominari illi volunt, vos liberi esse: facere illi iniurias, vos prohibere: postremo sociis 23 stris veluti hostibus, hostibus pro sociis utuntur. Potestne 24 in tam divorsis mentibus pax aut amicitia esse?

25 Qua re moneo hortorque vos, ne tantum scelus impunitum omittatis. Non peculatus aerari factus est, neque per vim sociis eruptae pecuniae, quae quamquam gravia sunt, tamen consuetudine iam pro nihilo habentur: hosti acer- 26 rumo proditasenatus auctoritas, proditum imperium vostrum est: domi militiaeque res publica vaenalis fuit. Quae nisi quaesita erunt, nisi vindicatum in noxios, quid erit relicum, nisi ut illis, qui ea fecere, oboedientes vivamus? Nam impune 27 quae lubet facere id est regem esse.

28 Neque ego vos, Quirites, hortor, ut malitis civis vostros perperam quam recte fecisse, set ne ignoscendo malis bonos perditum eatis. Ad hoc in re publica multo praestat benefici 29 quam malifaci inmemorem esse: bonus tantum modo seignior fit ubi neglegas, at malus inprobior. Ad hoc si iniuriae non sint, haut saepe auxili egeas.'

30 Haec atque alia huiuscmodi saepius dicundo Meninius populo persuadet, uti L. Cassius, qui tum praetor erat, ad lugurham mitteretur, eumque interposita fide publica Ro- 31 mam ducaret, quo facilius indicio regis Scauri et reli- cuorum, quos pecuniae captae accercebant, delicta patefierent.

Dum haec Romae geruntur, qui in Numidia relicti a 2 Bestia exercitui praeerant seuti morem imperatoris sui pluruma et flagitosissima facinora fecere: fuere qui auro con- 3 rupti elephantes Iugurthae traderent, alii perfugas vendere, 5 pars ex pacatis praedas agebant: tanta vis avaritiae in ani- 4 mos eorum veluti tabes invaserat.

At Cassius perlata rogatione a G. Memmio ac perculta 5 omni nobilitate ad Iugurtham proficiscitur, eique timido et ex conscientia diffidenti rebus suis persuadet, quoniam se 10 populo Romano dedisset, ne vim quam misericordiam eius experiri mallet. Privatim praeterea fidem suam interponit, quam ille non minoris quam publicam ducebat: talis ea 33 tempestate fama de Cassio erat. Igitur Iugurtha contra de- cuss regium cultu quam maxume miserabili cum Cassio Ro- 15 main venit. Ac, tametsi in ipso magna vis animi erat, con- 2 firmatus ab omnibus, quorum potentia aut scelere cuncta ea gesserat, quae supra diximus, G. Baebium tribunum ple- bei magna mercede parat, cuius in pudentia contra ius et iniurias omnis munitus foret. At G. Memmius advocata 3 20 contione, quamquam regi infesta plebes erat et pars in vin- cula duci iubebat, pars, nisi socios sceleris sui aperiret, more maiorum de hoste subplicium sumi, dignitati quam irae magis consulens sedare motus et animos eorum mollire, post- remo confirmare fidem publicam per sese inviolatam fore. 25 Post, ubi silentium coepit, producto Iugurtha verba facit, 1 Romae Numidiaeque facinora eius memorat, scelera in pa- trem fratresque ostendit: quibus iuvantibus quibusque mi- nistris ea egerit, quamquam intellegat populus Romanus, tamen velle manufesta magis ex illo habere: si verum ape- 30 riat, in fide et clementia populi Romani magnam spem illi sitam, sin reticeat, non sociis saluti fore, set se suasque spes corrupturum. Deinde, ubi Memmius dicundi finem fe- 34 cit et Iugurtha respondere iussus est, G. Baebius tribunus plebei, quem pecunia corruptum supra diximus, regem ta- 35 cere inbet, ac tametsi multitudo, quae in contione aderat, vehementer ad sensa terrebat eum clamore voltu, saepe in- petu atque aliis omnibus quae ira fieri amat, vicit tamen in pudentia. Ita populus ludibrio habitus ex contione disce- 2

dit: Iugurthae Bestiaeque et ceteris, quos illa quaestio exagitabat, animi augescunt.

35 Erat ea tempestate Romae Numida quidam, nomine Massiva, Gulussae filius, Masinissae nepos, qui quia in dissensione regum Iugurthae advorsus fuerat, dedita Cirta et 2 Adherbale interfecto profugus ex patria abierat. Huic Sp. Albinus, qui proximo anno post Bestiam cum Q. Minucio Rufo consulatum gerebat, persuadet, quoniam ex stirpe Masinissae sit Iugurthamque ob scelera invidia cum inetu 3 urgeat, regnum Numidia ab senatu petat. Avidus consul 10 belli gerundi movere quam senescere omnia malebat: ipsi 4 provincia Numidia, Minucio Macedonia evenerat. Quae postquam Massiva agitare coepit neque Iugurthae in amicis satis praesidi est, quod eorum alium conscientia, alium mala fama et timor impediebat, Bomilcari, proximo ac maxime 15 fido sibi, imperat, precio, sicuti multa confecerat, insidiatores Massivae paret, ac maxume occulte: sin id parum procedat, 5 quovis modo Numidam interficiat. Bomilcar mature regis mandata exequitur et per homines talis negoti artifices itineris egressusque eius, postremo loca atque tempora cuncta 20 6 explorat: deinde, ubi res postulabat, insidias tendit. Igitur unus ex eo numero, qui ad caudem parati erant, paulo inconsultius Massivam adgreditur: illum obtruncat, set ipse deprehensus multis hortantibus et in primis Albino consule 7 indicium profitetur. Fit reus magis ex aequo bonoque quam 25 ex iure gentium Bomilcar, comes eius qui Romanam fide publica venerat. At Iugurtha manifestus tanti sceleris non prius omisit contra verum niti, quam animum advortit super 9 gratiam atque pecuniam suam invidiam facti esse. Igitur, quamquam in priori actione ex amicis quinquaginta vades 30 dederat, regno magis quam vadibus consulens clam in Numidiam Bomilcarem dimittit, veritus ne reliquos popularis metus invaderet parendi sibi, si de illo supplicium sumptum 10 foret. Et ipse paucis diebus eodem profectus est, iussus a senatu Italia decadere. Set postquam Roma egressus est, 35 fertur saepe eo tacitus respiciens postremo dixisse: 'O urbem venalem et mature periturae, si emptorem invenerit.'

36 Interim Albinus renovato bello conmeatum stipendum

aliaque, quae militibus usui forent, maturat in Africam portare: ac statim ipse profectus, uti ante comitia, quod tempus haut longe aberat, armis aut deditione aut quovis modo bellum conficeret. At contra Iugurtha trahere omnia et alias 2  
5 deinde alias morae causas facere, polliceri ditionem ac deinde metum simulare, cedere instanti et paulo post ne sui dissidenter instare: ita belli modo modo pacis mora consullem iudicari. Ac fuere qui tum Albinum haut ignarum 3  
10 consili regis existumarent neque ex tanta properantia tam facile tractum bellum socordia magis quam dolo crederent. Set postquam dilapo tempore comitiorum dies adventabat, : Albinus Aulo fratre in castris pro praetore relicto Romam decessit.

Ea tempestate Romae seditionibus tribuniciis atrociter 37  
15 res publica agitabatur. P. Lucullus et L. Annus, tribuni 2  
plebei, resistantibus conlegis continuare magistratum nitebantur, quae dissensio totius anni comitia impeditiebat. Ea 3  
mora in spem adductus Aulus, quem pro praetore in castris relictum supra diximus, aut conficiundi belli aut terrore 20  
exercitus ab rege pecuniae capiundae, milites mense Ianuario ex hibernis in expeditionem evocat, magnisque itineribus hieme aspera pervenit ad oppidum Suthul, ubi regis thenauri erant. Quod quamquam et saevitia temporis et oppor- 4  
tunitate loci neque capi neque obsideri poterat — nam cir-  
25 cum murum, situm in praerupti montis extremo, planities limosa hiemantibus aquis paludem fecerat —, tamen aut simulandi gratia quo regi formidinem adderet, aut cupidine caecus ob thensauros oppidi potiundi, vineas agere aggerem iacere aliaque quae incepto usui forent properare. At Iugur- 38  
tha cognita vanitate atque imperitia legati subdolus eius augere amentiam, missitare subplicantis legatos, ipse quasi vitabundus per saltuosa loca et tramites exercitum ductare. Denique Aulum spe pactionis perpulit uti relicto Suthule in 2  
abditas regiones sese veluti cedentem insequeretur [ita de-  
35 licta occultiora fuere]. Interea per homines callidos diu 3  
noctuque exercitum temptabat, centuriones ducesque turmarum partim uti transfugerent conrumpere, alii signo dato locum uti desererent. Quae postquam ex sententia instruit, .

intempesta nocte de improviso multitudine Numidarum Auli  
 5 castra circumvenit. Milites Romani, perculti tumultu in-  
 solito, arma capere alii, alii se abdere, pars territos con-  
 firmare, trepidare omnibus locis: vis magna hostium, cae-  
 lum nocte atque nubibus obscuratum, periculum anceps:  
 6 postremo fugere an manere tutius foret in incerto erat. Set  
 ex eo numero, quos paulo ante corruptos diximus, cohors  
 una Ligurum cum duabus turmis Thracum et paucis grega-  
 riis militibus transiere ad regem, et centurio primi pili ter-  
 tiae legionis per munitionem, quam uti defenderet accepe-  
 rat, locum hostibus introcundi dedit, eaque Numidae cuncti  
 7 inrupere. Nostri foeda fuga, plerique abiectis armis, pro-  
 8 xumum collem occupavere. Nox atque praeda castrorum  
 9 hostis, quo minus victoria uterentur, remorata sunt. Deinde  
 Iugurtha postero die cum Aulo in conloquio verba facit:  
 tametsi ipsum cum exercitu fame et ferro clausum teneret,  
 tamen se memorem humanarum rerum, si secum foedus  
 faceret, incolumis omnis sub iugum missurum: praeterea  
 10 uti diebus decem Numidia decederet. Quae quamquam  
 gravia et flagiti plena erant, tamen, quia mortis metum  
 intuebantur, sicuti regi lubuerat, pax convenit.

39 Set ubi ea Romae conperta sunt, metus atque maeror  
 civitatem invasere. Pars dolere pro gloria imperi, pars in-  
 solita rerum bellicarum timere libertati: Aulo omnes in-  
 festi, ac maxume qui bello saepe praeclari fuerant, quod 25  
 armatus dedecore potius quam manu salutem quaesiverat.  
 2 Ob ea consul Albinus ex delicto fratris invidiam ac deinde  
 periculum timens senatum de foedore consulebat, et tamen  
 interim exercitui subplementum scribere, ab sociis et no-  
 mine Latino auxilia accersere, denique omnibus modis fes-  
 3 tinare. Senatus ita uti par fuerat decernit suo atque populi  
 4 iniussu nullum potuisse foedus fieri. Consul impeditus a  
 tribunis plebei ne quas paraverat copias secum portaret,  
 paucis diebus in Africam proficiscitur: nam omnis exer-  
 citus, uti convenerat, Numidia deductus in provincia hie-  
 5 mabat. Postquam eo venit, quamquam persecuti Iugurtham  
 et mederi fraternae invidiae animo ardebat, cognitis mi-  
 litibus, quos praeter fugam soluto imperio licentia atque

lascivia conruperat, ex copia rerum statuit sibi nihil agitandum.

Interim Romae G. Mamilius Limetanus tribunus plebci 40  
rogationem ad populum promulgat, uti quaereretur in eos,  
5 quorum consilio Iugurtha senati decreta neglegisset, qui que ab eo in legationibus aut imperiis pecunias accepissent, qui elephantos quique perfugas tradidissent, item qui de pace aut bello cum hostibus pactiones fecissent. Huic rogationi 2  
partim consci*i* sibi, alii ex partium invidia pericula metuentes,  
10 quoniam aperte resistere non poterant quin illa et alia talia placere sibi faterentur, occulte per amicos ac maxime per homines nominis Latini et socios Italicos impedimenta parabant. Set plebes incredibile memoratu est quam in- 3  
tenta fuerit quantaque vi rogationem iusserit, magis odio 15  
nobilitatis cui mala illa parabantur, quam cura rei publicae: tanta lubido in partibus erat. Igitur ceteris metu per-  
culsis M. Scaurus, quem legatum Bestiae fuisse supra docuimus, inter laetitiam plebis et suorum fugam, trepida etiam-  
tum civitate, cum ex Mamilia rogatione tres quaesitores 20  
rogarentur, effecerat, uti ipse in eo numero crearetur.  
Set quaestio exercita asperre violenterque ex rumore et lu- 5  
bidine plebis: ut saepe nobilitatem, sic ea tempestate ple-  
bem ex secundis rebus insolentia ceperat.

Ceterum mos partium [popularium] et [senatus] fac- 41  
tionum ac deinde omnium malarum artium paucis ante an-  
nis Romae ortus est otio atque abundantia earum rerum,  
quae prima mortales ducunt. Nam ante Carthaginem dele- 2  
tam populus et senatus Romanus placide modesteque inter-  
se rem publicam tractabant, neque gloriae neque dominatio-  
niis certamen inter civis erat: metus hostilis in bonis artibus 30  
civitatem retinebat. Set ubi illa formido mentibus decessit,  
scilicet ea, quae res secundae amant, lascivia atque super-  
bia incessere. Ita quod in advorsis rebus optaverant otium, 4  
postquam adepti sunt, asperius acerbiusque fuit. Namque 5  
coepere nobilitas dignitatem, populus libertatem in lubidi-  
nem vortere, sibi quisque ducere trahere rapere. Ita omnia 35  
in duas partis abstracta sunt, res publica, quae media fue-  
rat, dilacerata. Ceterum nobilitas factione magis pollebat, 6

plebis vis soluta atque dispersa in multitudine minus poterat. Paucorum arbitrio belli domique agitabatur: penes eosdem aerarium provinciae magistratus, gloriae triumphique erant, populus militia atque inopia urguebatur: praedas bellicas imperatores cum paucis diripiebant: interea parentes aut parvi liberi militum, uti quisque potentiori confinis erat, sedibus pellebantur. Ita cum potentia avaritia sine modo modestiaque invadere, polluere et vastare omnia, nihil pensi neque sancti habere, quoad semet ipsa praecipitavit. Nam ubi primum ex nobilitate reperti sunt qui veram gloriam iniustae potentiae anteponerent, moveri civitas et dissensio civilis quasi permixtio terrae oriri coepit. Nam postquam Tiberius et G. Gracchus, quorum maiores Punico atque aliis bellis multum rei publicae addiderant, vindicare plebem in libertatem et paucorum scelera patescere coepere, nobilitas noxia atque eo perculsa modo per socios ac nomen Latinum, interdum per equites Romanos, quos spes societatis a plebe dimoverat, Gracchorum actionibus obviam ierat, et primo Tiberium, dein paucos post annos eadem ingredientem Gaium, tribunum alterum, alterum triumvirum coloniis deducundis, cum M. Fulvio Flacco ferro necaverat. Et sane Gracchis cupidine victoriae haut satis moderatus animus fuit. Set bono vinci satius est quam malo more in iuriam vincere. Igitur ea victoria nobilitas ex lubidine sua usa multos mortalis ferro aut fuga extinxit plusque in reliquo sibi timoris quam potentiae addidit. Quae res plerumque magnas civitates pessum dedit, dum alteri alteros vincere quovis modo et victos acerbius uleisci volunt. Set de studiis partium et omnis civitatis moribus si singulatim aut pro magnitudine parem disserere, tempus quam res magnaria me deserat. Quam ob rem ad inceptum redeo.

Post Auli foedus exercitusque nostri foedam fugam Q. Metellus et M. Silanus consules de senatus sententia provincias inter se partiverant, Metelloque Numidia evenerat, acri viro et quanquam ad vorso populi partium fama tamen aequaliter et inviolata. Is ubi primum magistratum ingressus est, alia omnia sibi cum conlega ratus, ad bellum, quod gesturus erat, animum intendit. Igitur diffidens veteri exer-

citui, milites scribere praesidia undique accersere, arma tela, equos et cetera instrumenta militiae parare, ad hoc conmeatum adfatum, denique omnia, quae in bello vario et multarum rerum egenti usui esse solent. Ceterum ad ea 4  
5 patranda senatus auctoritate, socii nomenque Latinum et reges ultro auxilia mittendo, postremo omnis civitas summo studio adnitebatur. Itaque ex sententia omnibus rebus pa- 5  
ratis compositisque in Numidiam proficiscitur, magna spe civium cum propter artis bonas tum maxime quod advor- 10 sum divitias invictum animum gerebat et avaritia magistratum ante id tempus in Numidia nostrae opes contusae hostiumque auctae erant.

Set ubi in Africam venit, exercitus ei traditur a Sp. 44  
Albino pro consule iners inbellis, neque periculi neque 15 laboris patiens, lingua quam manu promptior, praedator ex sociis et ipse praeda hostium, sine imperio et modestia habitus. Ita imperatori novo plus ex malis moribus sollici- 2  
tudinis quam ex copia militum auxili aut spei bonae adce- debat. Statuit tamen Metellus, quamquam et aestivorum 3  
20 tempus comitiorum mora inminuerat et expectatione eventus civium animos intentos putabat, non prius bellum adtingere quam maiorum disciplina milites laborare coegisset. Nam Albinus, Auli fratri exercitusque clade percusus, 4  
postquam decreverat non egredi provincia, quantum tem- 25 poris aestivorum in imperio fuit, plerumque milites stativis castris habebat, nisi cum odos aut pabuli egestas locum mutare subegerat. Set neque muniebantur, neque more 5 militari vigiliae deducebantur: uti cuique lubebat, ab signis aberat: lixae permixti cum militibus diu noctuque vagaban- 30 tur: et palantes agros vastare, villas expugnare, pecoris et mancipiorum praedas certantes agere, eaque mutare cum mercatoribus vino advectio et aliis talibus, praeterea frumentum publice datum vendere, panem in dies mercari: postremo quaecunque dici aut singi queunt ignaviae luxu- 35 riaeque probra, in illo exercitu cuncta suere et alia amplius. Set in ea difficultate Metellum non minus quam in 45 rebus hostilibus magnum et sapientem virum fuisse conpe- rior: tanta temperantia inter ambitionem saevitiamque mo-

2 deratum: namque edicto primum adiumenta ignaviae sustulisse, ne quisquam in castris panem aut quem alium coccum cibum venderet, ne lixae exercitum sequerentur, ne miles gregarius in castris neve in agmine servum aut iumentum haberet: ceteris arte modum statuisse. Praeterea 5 transvorsis itineribus cotidie castra movere, iuxta ac si hostes adessent vallo atque fossa munire, vigilias crebras ponere et eas ipse cum legatis circumire, item in agmine in primis modo modo in postremis, saepe in medio adesse, ne quispiam ordine egrederetur, ut cum signis frequentes in- 10 3 cederent, miles cibum et arma portaret. Ita prohibendo a delictis magis quam vindicando exercitum brevi consir-  
mavit.

46 Interea Jugurtha, ubi quae Metellus agebat ex nuntiis accepit, simul de innocentia eius certior Roma factus, diffisi- 15 dere suis rebus ac tum demum veram ditionem facere 2 conatus est. Igitur legatos ad consulem cum subpliciis mitit, qui tantum modo ipsi liberisque vitam peterent, alia omnia dederent populo Romano.

3 Set Metello iam antea experimentis cognitum erat genus 20 Numidarum insidum, ingenio mobili, novarum rerum avi- 4 dum esse. Itaque legatos alium ab alio divorsos adgreditur ac paulatim temptando, postquam opportunos sibi cognovit, multa pollicendo persuadet uti Iugurtham maxume vivom, sin id parum procederet necatum sibi traderent: ceterum 25 5 palam, quae ex voluntate forent regi, nuntiari iubet. Deinde ipse paucis diebus intento atque infesto exercitu in Numidiā procedit, ubi contra belli faciem tuguria plena hominum, pecora cultoresque in agris erant: ex oppidis et ma- 6 palibus praefecti regis obvii procedebant, parati frumentum dare, conmealatum portare, postremo omnia quae imperaren- 7 tur facere. Neque Metellus idcirco minus, set pariter ac si hostes adessent, munito agmine incedere, late explorare omnia, illa ditionis signa ostentui credere et insidiis locum 7 temptari. Itaque ipse cum expeditis cohortibus, item fun- 35 ditorum et sagittariorum delecta manu apud primos erat, in postremo G. Marius legatus cum equitibus curabat, in utrumque latus auxiliarios equites tribunis legionum et

praefectis cohortium dispertiverat, ut cum eis permixti velites, quocumque adcederent, equitatus hostium propulsarent. Nam in Iugurtha tantus dolus tantaque peritia locorum et militiae erat, ut absens an praesens, pacem an bellum gerens pernitiosior esset in incerto haberetur.

Erat haut longe ab eo itinere, quo Metellus pergebat, oppidum Numidarum, nomine Vaga, forum rerum venalium totius regni maxime celebratum, ubi et incolere et mercari consueverant Italici generis multi mortales. Huc consul simul temptandi gratia si paterentur, et ob opportunitates loci praesidium inposuit: praeterea imperavit frumentum et alia quae bello usui forent conportare, ratus, id quod res monebat, frequentiam negotiatorum et conmeatu iuvatram exercitum et iam paratis rebus munimento fore.

Inter haec negotia Iugurtha impensis modo legatos subplicis mittere, pacem orare, praeter suam liberorumque vitam omnia Metello dedere. Quos item, uti priores, consul inlectos ad proditionem domum dimittebat, regi pacem quam postulabat neque abnuere neque polliceri, et inter eas moras promissa legatorum expectare. Iugurtha ubi Metelli dicta cum factis composuit ac se suis artibus temptari animum advortit, quippe cui verbis pax nuntiabatur, ceterum re bellum asperrimum erat, urbs maxima alienata, ager hostibus cognitus, animi popularium temptati, coactus rerum necessitudine statuit armis certare. Igitur explorato hostium itinere in spem victoriae adductus ex opportunitate loci, quam maximas potest copias omnium generum parat ac per tramites occultos exercitum Metelli antevenit.

Erat in ea parte Numidia, quam Adherbal in divisione possederat, flumen oriens a meridie, nomine Muthul, a quo aberat mons ferme milia [passuum] viginti tractu pari, vastus ab natura et humano cultu: set ex eo medio quasi collis oriebatur, in inmensum pertingens, vestitus oleastro ac murtetis aliisque generibus arborum, quae humi arido atque harenoso dignuntur. Media autem planities deserta paenuria aquae praeter flumini propinqua loca: ea consita arbustis pecore atque cultoribus frequentabantur.

49 Igitur in eo colle, quem transvorso itinere porrectum docuimus, Iugurtha extenuata [suorum] acie consedit, elephantis et parti copiarum pedestrium Bomilcarem praefecit eumque edocet quae ageret, ipse propior montem cum omni 2 equitatu et peditibus delectis suos conlocat. Dein singulas turmas et manipulos circumiens monet atque obtestatur, uti memores pristinae virtutis et victoriae sese regnumque suum ab Romanorum avaritia defendant: cum eis certamen fore, quos antea victos sub iugum miserint: ducem illis non animum mutatum: quae ab imperatore decuerint, omnia suis provisa, locum superiorem, ut prudentes cum imperitis, ne pauciores cum pluribus aut rudes cum belli 3 melioribus manum consererent: proinde parati intentique essent signo dato Romanos invadere: illum diem aut omnis labores et victorias confirmaturum aut maxumarum aerum- 15 4 narum initium fore: ad hoc viritim, uti quemque ob militare facinus pecunia aut honore extulerat, commonefacere benefici sui et eum ipsum aliis ostentare: postremo pro cuiusque ingenio pollicendo minitando obtestando alium alio 5 modo excitare, cum interim Metellus, ignarus hostium monte degrediens cum exercitu conspicatur, primo dubius quidnam insolita facies ostenderet — nam inter virgulta equi Numidaeque conserderant, neque plane occultati humilitate arborum, et tamen incerti quidnam esset, cum natura loci tum dolo ipsi atque signa militaria obscurati —, 25 6 dein brevi cognitis insidiis paulisper agmen constituit. Ibi commutatis ordinibus in dextero latere, quod proximum hostis erat, triplicibus subsidiis aciem instruxit, inter manipulos funditores et sagittarios dispergit, equitatum omnem in cornibus locat, ac pauca pro tempore milites hortatus aciem, 30 sicuti instruxerat, transvorsis principiis in planum dedueit. 50 Set ubi Numidas quietos neque colle degredi animadvortit, veritus ex anni tempore et inopia aquae, ne siti conficeretur exercitus, *P.* Rutilium legatum cum expeditis cohortibus et parte equitum praemisit ad flumen, uti locum castris 35 antecaperet, existumans hostis crebro impetu et transvorsis proeliis iter suum remoraturos et quoniam armis diffidebant, lassitudinem et sitim militum temptaturos. Deinde ipse

pro re atque loco, sicuti monte descenderat, paulatim procedere, Marium post principia habere, ipse cum sinistram alae equitibus esse, qui in agmine principes facti erant.

At Iugurtha, ubi extremum agmen Metelli primos suos 3 praetergressum videt, praesidio quasi duum milium pedum montem occupat, qua Metellus descenderat, ne forte cedentibus advorsariis receptui ac post munimento foret: dein repente signo dato hostis invadit. Numidae alii post- 4 remos caedere, pars a sinistra ac dextra temptare, infensi 10 adesse atque instare, omnibus locis Romanorum ordines conturbare, quorum etiam qui firmioribus animis obvii hostibus fuerant, ludificati incerto proelio ipsi modo eminus sauciabantur, neque contra feriundi aut conserundi manum copia erat: ante iam docti ab Iugurtha equites, ubi Roma- 5 norum turma insequi cooperat, non confertim neque in unum sese recipiebant, set aliis alio quam maxime divorsi. Ita numero priores, si ab persequendo hostis deterrere ne- 6 quiverant, disiectos ab tergo aut lateribus circumveniebant: sin opportunior fugae collis quam campi fuerat, ea vero con- 20 sueti Numidarum equi facile inter virgulta evadere, nostros asperitas et insolentia loci retinebat. Ceterum facies totius 51 negoti varia incerta, foeda atque miserabilis: dispersi a suis pars cedere alii insequi, neque signa neque ordines obser- vare, ubi quemque periculum ceperat ibi resistere ac pro- 25 pulsare: arma.tela, equi viri, hostes atque cives permixti, nihil consilio neque imperio agi, fors omnia regere. Itaque 2 multum diei processerat, cum etiamtum eventus in incerto erat. Denique omnibus labore et aestu languidis Metellus 3 ubi videt Numidas minus instare, paulatim milites in unum 30 conducit, ordines restituit et cohortis legionarias quattuor advorsum pedites hostium conlocat. Eorum magna pars superioribus locis fessa considerat. Si nul orare et hortari 4 milites ne deficerent neu paterentur hostis fugientis vincere: neque illis castra esse neque munimentum ullum, quo ce- 35 dentes tenderent: in armis omnia sita. Set ne Iugurtha 5 quidem interea quietus erat: circumire hortari, renovare proelium et ipse cum delectis temptare omnia: subvenire suis, hostibus dubiis instare, quos firmos cognoverat eminus

52 pugnando retinere. Eo modo inter se duo imperatores, summi viri, certabant, ipsi pares, ceterum opibus disparibus. 2 Nam Metello virtus militum erat, locus advorsus, Iugurthae 3 alia omnia praeter milites opportuna. Denique Romani, ubi intellegunt neque sibi perfugium esse neque ab hoste copiam 5 pugnandi fieri — et iam die vesper erat —, advorso colle, 4 sicuti praeceptum fuerat, evadunt. Amisso loco Numidae fusi fugatique: pauci interiere, plerosque velocitas et regio hostibus ignara tutata sunt.

5 Interea Bomilcar, quem elephantis et parti copiarum 10 pedestrium praefectum ab Iugurtha supra diximus, ubi eum Rutilius praetergressus est, paulatim suos in aecum locum deducit ac, dum legatus ad flumen quo praemissus erat festinans pergit, quietus, uti res postulabat, aciem exornat 6 neque remittit quid ubique hostis ageret explorare. Post- 15 quam Rutilium consedisse iam et animo vacuom accepit simulque ex Iugurthae proelio clamorem augeri, veritus ne legatus cognita re laborantibus suis auxilio foret, aciem, quam dissidens virtuti militum arte statuerat, quo hostium itineri obficeret latius porrigit eoque modo ad Rutili castra 20 53 procedit. Romani ex improviso pulveris vim magnam animaduertunt: nam prospectum ager arbustis consitus prohibebat. Et primo rati humum aridam vento agitari, post ubi aequabilem manere et, sicuti acies movebatur, magis magisque adpropinquare vident, cognita re properantes arina 25 2 capiunt ac pro castris, sicuti imperabatur, consistunt. Deinde, ubi proprius ventus est, utrumque magno clamore concurritur. Numidae tantum modo remorati, dum in elephantis auxilium putant, postquam eos impeditos ramis arborum atque ita disiectos circumveniri vident, fugam faciunt, ac 30 plerique abiectis armis collis aut noctis, quae iam aderat, auxilio integri abeunt. Elephanti quattuor capti, reliqui omnes, numero quadraginta, interfici.

5 At Romani quamquam itinere atque opere castrorum et proelio fessi laetique *victoria* erant, tamen, quod Metellus amplius opinione morabatur, instructi intentique ob 6 viam procedunt: nam dolus Numidarum nihil languidi neque remissi patiebatur. Ac primo obscura nocte, postquam

haut procul inter se erant, strepitu, velut hostes adventarent, alteri apud alteros formidinem simul et tumultum facere, et paene imprudentia admissum facinus miserabile, ni utrinque praemissi equites rem exploravissent. Igitur 8  
6 pro metu repente gaudium mutatur, milites alius alium laci adpellant, acta edocent atque audiunt, sua quisque fortia facta ad caelum fert. Quippe res humanae ita sese habent: in victoria vel ignavis gloriari licet, advorsae res etiam bonos detrectant.

10 Metellus in eisdem castris quadriduo moratus, saucios 54 cum cura reficit, meritos in proeliis more militiae donat, univorsos in contione laudat atque agit gratias: hortatur, ad cetera, quae levia sint, parem animum gerant: pro victoria satis iam pugnatum, reliquos labores pro praeda 15 fore. Tamen interim transfugas et alios opportunos, Iugurtha ubi gentium aut quid agitaret, cum paucisne esset an exercitum haberet, ut sese victus gereret, exploratum misit. At ille sese in loca saltuosa et natura munita receperat, 3 ibique cogebat exercitum numero hominum ampliorem, set 20 hebetem infirmumque, agri ac pecoris magis quam belli cultorem. Id ea gratia eveniebat, quod praeter regios 4 equites nemo omnium Numida ex fuga regem sequitur: quo cuiusque animus fert, eo discedunt, neque id flagitium militiae ducitur: ita se mores habent.

25 Igitur Metellus ubi videt regis etiamtum animum fero- 5 cem esse, bellum renovari, quod nisi ex illius lubidine geri non posset, praeterea inicum certamen sibi cum hostibus, minore detrimento illos vinci quam suos vincere, statuit non proeliis neque [in] acie, set alio more bellum gerundum. Itaque in loca Nuniidia opulentissuma pergit, agros 6 vastat, multa castella et oppida, temere munita aut sine praesidio, capit incenditque, puberes interficit, iubet alia omnia militum praedam esse. Ea formidine multi mortales Romanis dediti obsides, frumentum et alia quae usui forent 30 adfatum praebita, ubicumque res postulabat praesidium inpositum. Quae negotia multo magis quam proelium male 7 pugnatum ab suis regem terrebant: quippe cuius spes omnis 8 in fuga sita erat, sequi cogebatur, et qui sua loca defen-

9 dere nequiverat, in alienis bellum gerere. Tamen ex copia quod optumum videbatur consilium capit: exercitum plerumque in eisdem locis operiri iubet, ipse eum delectis equitibus Metellum sequitur, nocturnis et aviis itineribus 10 ignoratus Romanos palantis repente adgreditur. Eorum plerique inermes cadunt, multi capiuntur, nemo omnium intactus profugit, et Numidae prius quam ex castris subveniretur, sicuti iussi erant, in proximos collis discedunt.

55 Interim Romae gaudium ingens ortum cognitis Metelli rebus, ut seque et exercitum more maiorum gereret, ut in 10 advorso loco victor tamen virtute fuissest, hostium agro potiretur, Iugurtham magnificum ex Auli Albini socordia spem 2 salutis in solitudine aut fuga coēgisset habere. Itaque senatus ob ea feliciter acta deis inmortalibus subplicia decernere, civitas trepida antea et sollicita de belli eventu laeta agere, de Metello fama praeelara esse.

3 Igitur eo intentior ad victoriā niti, omnibus modis festinare: cavere tamen, necubi hosti opportunus fieret, me- 4 minisse post gloriam invidiam sequi. Ita quo clarior erat, eo magis [animo] anxius erat, neque post insidias Iugurthae 20 effuso exercitu praedari: ubi frumento aut pabulo opus erat, cohortes cum omni equitatu praesidium agitabant: 5 exercitus partem ipse, reliquos Marius ducebat. Set igni 6 magis quam praeda ager vastabatur. Duobus locis haut 7 longe inter se castra faciebant: ubi vi opus erat euncti 25 aderant, ceterum quo fuga atque formido latius cresceret 8 divorsi agebant. Eo tempore Iugurtha per collis sequi, tempus aut locum pugnae quaerere, qua venturum hosteni au- dierat pabulum et aquarum fontis, quorum paenuria erat, conrumpere, modo se Metello, interdum Mario ostendere, 30 postremos in agnīne temptare ac statim in collis regredi, rursus aliis post aliis minitari, neque proelium facere neque otium pati, tantum modo hosteni ab incepto retinere.

56 Romanus imperator ubi se dolis fatigari videt neque ab hoste copiam pugnandi fieri, urbem magnam et in ea 35 parte, qua sita erat, arcem regni, nomine Zamam, statuit oppugnare, ratus, id quod negotium poscebat, Iugurtham laborantibus suis auxilio venturum, ibique proelium fore.

At ille, quae parabantur a perfugis edoctus, magnis itine- 2  
ribus Metellum antevenit: oppidanos hortatur moenia defen-  
dant, additis auxilio perfugis, quod genus ex copiis regis,  
quia fallere nequibat, firmissimum erat: praeterea pollicetur  
in tempore semet exercitu adfore.

Ita compositis rebus in loca quam maxume occulta 3  
discedit, ac post paulo cognoscit Marium ex itinere frumen-  
tatum cum paucis cohortibus Sicciam missum, quod oppi-  
dum primum omnium post malam pugnam ab rege dese-  
cerat. Eo cum delectis equitibus noctu pergit et iam egre- 4  
dientibus Romanis in porta pugnami facit: simul magna voce  
Sicensis hortatur, uti cohortis ab tergo circumveniant:  
fortunam illis praecipue facinoris casum dare: si id fecerint,  
postea sese in regno, illos in libertate sine metu aetatem  
acturos. Ac ni Marius signa inferre atque evadere oppido 5  
properavisset, profecto cuncti aut magna pars Sicensium  
fidem mutavissent: tanta mobilitate sese Numidae gerunt. Set 6  
milites Iugurthini, paulisper ab rege sustentati, postquam  
maiore vi hostes urgunt, paucis amissis profugi discedunt.  
20

Marius ad Zamam pervenit. Id oppidum, in campo 57  
situm, magis opere quam natura munitum erat, nullius ido-  
neae rei egens, armis virisque opulentum. Igitur Metellus 2  
pro tempore atque loco paratis rebus cuncta moenia exer-  
citu circumvenit, legatis imperat ubi quisque curaret. Deinde 3  
signo dato undique simul clamor ingens oritur, neque ea  
res Numidas terret: infensi intentique sine tumultu manent:  
proelium incipitur. Romani, pro ingenio quisque, pars 4  
eminus glande aut lapidibus pugnare, alii succedere ac mu-  
rum modo subfodere modo sealis adgredi, cupere proelium  
30 in manibus facere. Contra ea oppidani in proximos saxa 5  
volvere, sudis, pila, praeterea picem sulfure et taeda mixtam  
ardenti mittere. Set ne illos quidem, qui procul manserant, 6  
timor animi satis muniverat: nam plerosque iacula tormentis  
aut manu emissis vulnerabant, parique periculo set fama  
35 in pari boni atque ignavi erant.

Dum apud Zanam sic certatur, Iugurtha ex improviso 58  
castra hostium cum magua manu invadit: remissis, qui in  
praesidio erant, et omissa magis quam proelium expectan-

2 tibus portam inrumpit. At nostri repente metu perculti sibi quisque pro moribus consulunt: alii fugere alii arma capere, 3 magna pars vulnerati aut occisi. Ceterum ex omni multitudine non amplius quadraginta, memores nominis Romani, grege facto locum cepere paulo quam alii editiorem, neque 5 inde maxima vi depelli quiverunt, set tela eminus missa remittere, pauci in pluribus minus frustrati: sin Numidae proprius adcessissent, ibi vero virtutem ostendere et eos magna vi caedere, fundere atque fugare. Interim Metellus cum acerrume rem gereret, tumultum hostilem a tergo 10 accepit: dein convorsu equo animaduertit fugam ad se 5 vorsum fieri, quae res indicabat popularis esse. Igitur equitatum omnem ad castra propere misit, ac statim G. Marium cum cohortibus sociorum, eumque lacrumans per amicitiam perque rem publicam obsecrat, ne quam contumeliam remanere in exercitu victore, neve hostis inultos 6 abire sinat. Ille brevi mandata efficit. At Iugurtha munito castrorum impeditus, cum alii super vallum praecipitarentur, alii in angustiis ipsi sibi properantes obsicerent, multis amissis in loca munita sese recepit. Metellus infecto 20 negotio, postquam nox aderat, in castra cum exercitu revertitur.

59 Igitur postero die prius quam ad obpugnandum egredetur, equitatum omnem in ea parte, qua regis adventus erat, pro castris agitare iubet, portas et proxima loca tribunis dispergit, deinde ipse pergit ad oppidum atque uti superiore die murum adgreditur. Interim Iugurtha ex occulto 2 repente nostros invadit: qui in proximo locati fuerant, paucisper territi perturbantur, reliqui cito subveniunt. Neque diutius Numidae resistere quivissent, ni pedites cum equitibus permixti magnam cladem in congressu facerent: quibus illi freti, non, uti equestri proelio solet, sequi, dein cedere, set aduersis equis concurrere, implicare ac perturbare aciem: ita expeditis peditibus suis hostis paene victos dare. 60 Eodem tempore apud Zamam magna vi certabatur. Ubi quisque legatus aut tribunus curabat, eo acerrume niti, neque aliis in alio magis quam in sese spem habere: pariterque oppidanis agere: obpugnare aut parare omnibus locis,

avidius alteri alteros sauciare quam semet tegere: clamor 2  
 permixtus hortatione laetitia gemitu, item strepitus armorum  
 ad caelum ferri, tela utrimque volare. Set illi, qui moe- 3  
 nia defensabant, ubi hostes paulum modo pugnam remise-  
 5 rant, intenti proelium equestre prospectabant: eos, uti quae- 4  
 que Iugurthae res erant, laetos modo modo pavidos animi-  
 advorteres, ac sicubi audiri a suis aut cerni possent, mo-  
 nere alii alii hortari, aut manu significare aut niti corpori-  
 bus, et ea huc et illuc quasi vitabundi aut iacentes tela  
 10 agitare. Quod ubi Mario cognitum est — nam is in ea 5  
 parte curabat — consulto lenius agere ac dissidentiam rei  
 simulare: pati Numidas sine tumultu regis proelium visere.  
 Ita illis studio suorum adstrictis repente magna vi murum 6  
 adgreditur, et iam scalis egressi milites prope summa cepe-  
 15 rant, cum oppidani concurrunt, lapides ignem alia praeterea  
 tela ingerunt. Nostri primo resistere: deinde, ubi unae 7  
 atque alterae scalae conminutae, qui supersteterant adficti  
 sunt, ceteri quoquo modo potuere, pauci integri magna pars  
 volneribus confecti abeunt. Denique utrimque proelium  
 20 nox diremit.

Metellus postquam videt frustra inceptum, neque op- 6:  
 pidum capi neque Iugurtham nisi ex insidiis aut suo loco  
 pugnam facere, et iam aestatem exactam esse, ab Zama  
 discedit, et in eis urbibus, quae ad se defecerant satisque  
 25 munitae loco aut moenibus erant, praesidia inponit, ceterum 2  
 exercitum in provinciam, quae proxima est Numidiae, hie-  
 mandi gratia conlocat. Neque id tempus ex aliorum more 3  
 quieti aut luxuriae concedit, set quoniam armis bellum pa-  
 rum procedebat, insidias regi per amicos tendere et eorum  
 30 perfidia pro armis uti parat. Igitur Bomilcarem, qui Ro- 4  
 mae cum Iugurtha fuerat, et inde vadibus datis de Mas-  
 sivae nece iudicium fugerat, quod ei per maxumam ami-  
 citiam maxuma copia fallundi erat, multis pollicitationi-  
 bus adgreditur. Ac primo efficit, uti ad se conloquendi 5  
 35 gratia occultus veniat: deinde sive data, si Iugurtham vivom  
 aut necatum sibi tradidisset, fore ut illi senatus inpunitatatem  
 et sua omnia concederet, facile Numidae persuadet, cum  
 ingenio infido, tum metuenti, ne, si pax cum Romanis fie-

62 ret, ipse per conditiones ad subplicium traderetur. Is, ubi primum opportunum fuit, Iugurtham anxum ac miserantem fortunas suas adcedit: monet atque lacrumans obtestatur uti aliquando sibi liberisque et genti Numidarum, optime merenti, provideat: omnibus proeliis sese victos, agrum va-  
statum, multos mortalis captos occisos, regni opes conmi-  
nutas esse: satis saepe iam et virtutem militum et fortunam  
temptatam: caveat ne illo cunctante Numidae sibi consulant,  
2 His atque talibus aliis ad deditio[n]em regis animum inpellit.  
3 Mittuntur ad imperatorem legati, qui Iugurtham imperata 10  
facturum dicent ac sine ulla pactione sese regnumque  
4 suum in illius fidem tradere. Metellus propere cunctos se-  
natorii ordinis ex hibernis accersi iubet: eorum et aliorum,  
5 quos idoneos ducebat, consilium habet. Ita more maiorum  
ex consili decreto per legatos Iugurthae imperat argenti  
pondio ducenta milia, elephantes omnis, equorum et ar-  
morum aliquantum. Quae postquam sine mora facta sunt,  
7 iubet omnis perfugas vinctos adduci. Eorum magna pars,  
uti iussum erat, adducti, pauci, cum primum deditio coepit,  
8 ad regem Bocchum in Mauretaniam abierant. Igitur Iugur- 20  
tha, ubi armis virisque et pecunia spoliatus est, cum ipse  
ad imperandum Tisidium vocaretur, rursus coepit flectere  
9 animum suum et ex mala conscientia digna timere. Deni-  
que multis diebus per dubitationem consumptis, cum modo  
taedio rerum advorsarum omnia bello potiora duceret, in- 25  
terdum secum ipse reputaret quam gravis casus in servitium  
ex regno foret, multis magnisque praesidiis nequiquam per-  
10 ditis de integro bellum sumit. Et Romae senatus de pro-  
vinciis consultus Numidiam Metello decreverat.

63 Per idem tempus Uticae forte G. Mario per hostias 30  
deis subplicant[ur] magna atque mirabilia portendi haruspex  
dixerat: proinde, quae animo agitabat, fretus deis ageret,  
fortunam quam saepissime experiretur, cuncta prospere  
2 eventura. At illum iam antea consulatus ingens cupidio  
exagitabat, ad quem capiendum praeter vetustatem familiae 35  
alia omnia abunde erant, industria probitas, militiae magna  
scientia animus belli ingens: domi modicus, lubidinis et  
divitiarum vitor, tantum modo gloriae avidus.

Set is natus et omnem pueritiam Arpini altus, ubi 3  
 primum aetas militiae patiens fuit, stipendiis faciundis, non  
 Graeca facundia neque urbanis munditiis sese exercuit: ita  
 inter artis bonas integrum ingenium brevi adolevit. Ergo 4  
 6 ubi primum tribunatum militarem a populo petit, plerisque  
 faciem eius ignorantibus factis notus per omnis tribus de-  
 claratur. Deinde ab eo magistratu alium post alium sibi 5  
 peperit, semperque in potestatibus eo modo agitabat, ut  
 ampliore quam gerebat dignus haberetur. Tamen is ad id 6  
 10 locorum talis vir — nam postea ambitione praeeceps datus  
 est —, *consulatum* adpetere non audebat. Etiamtum alias  
 magistratus plebes, *consulatum* nobilitas inter se per manus  
 tradebat. Novos nemo tam clarus neque tam egregiis factis 7  
 erat, quin is indignus illo honore et quasi pollutus haberetur.

15 Igitur ubi Marius haruspicis dicta eodem intendere videt 64  
 quo cupido animi hortabatur, ab Metello petundi gratia mis-  
 sionein rogat. Cui quamquam virtus gloria alia optanda  
 bonis superabant, tamen inerat contemptor animus et su-  
 perbia, commune nobilitatis malum. Itaque primum con- 2  
 20 motus insolita re mirari eius consilium, et quasi per ami-  
 citiam monere ne tam prava inciperet neu super fortunam  
 animum gereret: non omnia omnibus cupienda esse, debere  
 illi res suas satis placere: postremo caveret id petere a  
 populo Romano, quod illi iure negaretur. Postquam haec 3  
 25 atque alia talia dixit neque animus Mari flectitur, respondit  
 ubi primum potuisset per negotia publica facturum sese quae  
 peteret. Ac postea saepius eadem postulanti fertur dixisse: 4  
 ne festinaret abire: satis mature illum cum filio suo con-  
 sulatum petiturum. Is eo tempore contubernio patris ibi- 5  
 30 dem militabat, annos natus circiter viginti. Quae res Ma-  
 rium cum pro honore quem adflectabat, tum contra Me-  
 tellum vehementer adcedenderat. Ita cupidine atque ira, pes-  
 sumis consultoribus, grassari, neque facto ullo neque dicto  
 abstinere, quod modo ambitiosum foret, milites quibus in 6  
 35 hibernis praeerat laxiore imperio quam antea habere, apud  
 negotiatores, quorum magna multitudo Uticae erat, crimi-  
 nose simul et magnifice de bello loqui: dimidia pars exerci-  
 tus si sibi permitteretur, paucis diebus Iugurtham in catenis

habitum: ab imperatore consulto trahi, quod homo inanis  
 6 et regiae superbiae imperio nimis gauderet. Quae omnia  
 illis eo firmiora videbantur, quod diuturnitate belli res fami-  
 liaris conruperant, et animo cupienti nihil satis festinatur.  
 65 Erat praeterea in exercitu nostro Numida quidam, nomine  
 Gauda, Mastanabalis filius, Masinissae nepos, quem Micipsa  
 testamento secundum heredem scripserat, morbis confectus.  
 2 et ob eam causam mente paululum inminuta. Cui Metel-  
 lus petenti more regum ut sellam iuxta poneret, item postea  
 custodiae causa turmam equitum Rcmavorum, utrumque  
 negaverat: honorem, quod eorum more foret quos populus  
 Romanus reges adpellavisset, praesidium, quod contumelio-  
 sum in eos foret, si equites Romani satellites Numidae tra-  
 3 derentur. Hunc Marius anxium adgreditur atque hortatur,  
 ut contumeliarum in imperatorem cum suo auxilio poenas  
 petat: honimem ob morbos animo parum valido secunda ora-  
 tione extollit: illum regem, ingentem virum, Masinissae ne-  
 potem esse: si Iugurtha captus aut occisus foret, imperium  
 Numidia sine mora habitum: id adeo mature posse eve-  
 4 nire, si ipse consul ad id bellum missus foret. Itaque et  
 illum et equites Romanos, milites et negotiatores, alias ipse,  
 plerosque pacis spes inpellit, uti Romam ad suos necessa-  
 rios aspere in Metellum de bello scribant, Marium impera-  
 5 torem poscant. Sic illi a multis mortalibus honestissuma  
 suffragatione consulatus petebatur: simul ea tempestate  
 plebes nobilitate fusa per legem Mamiliam novos extollebat.  
 Ita Mario cuncta procedere.

66 Interim Iugurtha, postquam omissa ditione bellum  
 incipit, cum magna cura parare omnia, festinare, cogere  
 exercitum: civitates, quae ab se defecerant, formidine aut  
 ostentando praemia affectare, communire suos locos, arma  
 tela aliaque quae spe pacis amiserat reficere aut commercari:  
 servitia Romanorum adlicere, et eos ipsos, qui in praesidiis  
 erant, pecunia temptare: prorsus nihil intactum neque quie-  
 2 tum pati, cuncta agitare. Igitur Vagenses, quo Metellus  
 initio Iugurtha pacificante praesidium inposuerat, fatigati  
 regis subplieis neque antea voluntate alienati, principes  
 civitatis inter se coniurant: nam volgus, uti plerumque so-

let, et maxume Numidarum, ingenio mobili, seditiosum atque discordiosum erat, cupidum novarum reram, quieti et otio advorum. Dein conpositis inter se rebus in diem tertium constituunt, quod is festus celebratusque per omnem Africam ludum et lasciviam magis quam formidinem ostentabat. Set ubi tempus fuit, centuriones tribunosque 3 militaris et ipsum praefectum oppidi, T. Turpilium Silanum, aliis alium domos suas invitant, eos omnis praeter Turpilium inter epulas obtruncant: postea milites palantis, 10 inermos, quippe in tali die, ac sine imperio, adgrediuntur. Idem plebes facit, pars edocti ab nobilitate, alii studio 4 talium rerum incitati, quis acta consiliumque ignorantibus tumultus ipse et res novae satis placebant. Romani mili- 67 tes, improviso metu incerti ignarique quid potissimum fa- 15 cerent, trepidare: ad arcem oppidi, ubi signa et scuta erant, praesidium hostium, portae ante clausae fuga prohibebant: ad hoc mulieres puerique pro tectis aedificiorum saxa et alia, quae locus praebebat, certatim mittere. Ita neque caveri anceps malum, neque a fortissumis 2 infirmisso generi resisti posse: iuxta boni malique, strenui et inbelles inulti obtruncari. In ea tanta asperitate sac- 3 vissumis Numidis et oppido undique clauso Turpilius praefectus unus ex omnibus Italicis intactus profugit. Id misericordiane hospitis auctio pactione aut casu ita evenerit parum 25 conperimus, nisi, quia illi in tanto malo turpis vita integra fama potior fuit, improbus intestabilisque videtur.

Metellus, postquam de rebus Vagae actis conperit, 68 paulisper maestus ex conspectu abit: deinde, ubi ira et aegritudo permixta sunt, cum maxuma cura ultum ire in- 30 iurias festinat. Legionem, cum qua hiemabat, et quam plu- 2 rumos potest Numidas equites pariter cum occasu solis expeditos educit et postera die circiter horam tertiam per- venit in quandam planitiem, locis paulo superioribus cir- 35 cumventam. Ibi milites fessos itineris magnitudine et iam 3 abnuentis omnia docet, oppidum Vagam non amplius mille passuum abesse: decere illos relicum laborem aequo animo pati, dum pro civibus suis, viris fortissumis atque miserrimi- mis, poenas caperent: praeterea praedam benigne ostentat.

4 Sic animis eorum adrectis, equites in primo late, pedites  
 69 quam artissime ire et signa occultare iubet. Vagenses  
 ubi animum advortere ad se vorsum exercitum pergere,  
 primo, uti erat res, Metellum esse rati portas clausere,  
 deinde ubi neque agros vastari et eos qui primi aderant.  
 Numidas equites vident, rursum lugurtham arbitrati cum  
 2 magno gaudio obvii procedunt. Equites peditesque repente  
 signo dato alii volgum effusum oppido caedere, alii ad por-  
 tas festinare, pars turris capere: ira atque praedae spes  
 3 amplius quam lassitudo posse. Ita Vagenses biduom modo 10  
 ex perfidia laetati: civitas magna et opulenta cuncta poenae  
 4 aut praedae fuit. Turpilius, quem praefectum oppidi unum  
 ex omnibus profugisse supra ostendimus, iussus a Metello  
 causam dicere, postquam sece parum expurgat, condem-  
 natus verberatusque capite poenas solvit: + nam is civis 15  
 ex Latio erat.

70 Per idem tempus Bomilcar, cuius impulsu lugurtha  
 ditionem, quam metu deseruit, incepérat, suspectus regi  
 et ipse eum suspiciens novas res cupere, ad pernitiem  
 2 eius dolum quaerere, die noctuque fatigare animum: deni- 20  
 que omnia temptando socium sibi adiungit Nabdalsam,  
 hominem nobilem, magnis opibus, carum acceptumque po-  
 pularibus suis, qui plerumque seorsum ab rege exercitum  
 ductare et omnis res exequi solitus erat, quae lugurthiae  
 fesso aut maioribus adstricto superaverant: ex quo illi glo- 25  
 3 ria opesque inventae. Igitur utriusque consilio dies insidiis  
 statuitur: cetera, uti res posceret, ex tempore parari pla-  
 4 cuit. Nabdalsa ad exercitum profectus, quem inter hiberna  
 Romanorum iussus habebat, ne ager inultis hostibus vasta-  
 5 retur. Is postquam magnitudine facinoris perculsus ad tem- 30  
 pus non venit metusque rem impeditiebat, Bomilcar, simul  
 cupidus incepta patrandi et timore soci anxius, ne omissio  
 vetere consilio novom quaereret, litteras ad eum per ho-  
 mines fidelis mittit, in quis mollitiam socordiamque viri  
 accusare, testari deos per quos iuravisset, monere ne prae- 35  
 mia Metelli in pestem converteret: lugurthae exitium ad-  
 esse: ceterum suane an Metelli virtute periret, id modo  
 agitari: proinde reputaret cum animo suo, præmia au-

cruciatum mallet. Set cum eae litterae adlatae, forte Nab- 71  
 dalsa exercito corpore fessus in lecto quiescebat, ubi cog- 2  
 nitis Bomilcaris verbis primo cura, deinde, uti aegrum ani-  
 mum solet, somnus cepit. Erat ei Numida quidam nego- 3  
 tiorum curator, fidus acceptusque et omnium consiliorum  
 nisi novissimi particeps. Qui postquam adlatas litteras audi- 4  
 vit et ex consuetudine ratus opera aut ingenio suo opus  
 esse in tabernaculum introiit, dormiente illo epistulam,  
 super caput in pulvino temere positam, sumit ac perlegit,  
 10 dein propere cognitis insidiis ad regem pergit. Nabdalsa 5  
 paulo post experrectus, ubi neque epistulam repperit et  
 rem omnem uti acta erat cognovit, primo indicem persequi  
 conatus, postquam id frustra fuit, Iugurtham placandi gratia  
 adcedit: dicit, quae ipse paravisset facere, perfidia clientis  
 15 sui praeventa: lacrumans obtestatur per amicitiam perque  
 sua antea fideliter acta ne super tali scelere suspectum sese  
 haberet. Ad ea rex, aliter atque animo gerebat, placide 72  
 respondit. Bomilcare aliisque multis, quos socios insidiarum  
 cognoverat, interfectis iram obpresserat, ne qua ex eo  
 20 negotio seditio oreretur. Neque post id locorum Iugurthae 2  
 dies aut nox ulla quieta fuit: neque loco neque mortali  
 cuiquam aut tempori satis credere, civis hostisque iuxta  
 metuere, circumspectare omnia et omni strepitu pavescere,  
 alio atque alio loco, saepe contra decus regium noctu requi-  
 25 escere, interdum somno experrectus adreptis armis tumultum  
 facere: ita formidine quasi vecordia exagitari.

Igitur Metellus, ubi de casu Bomilcaris et indicio pa-73  
 tefacto ex perfugis cognovit, rursus tamquam ad integrum  
 bellum cuncta parat festinatque. Marium, fatigantem de 2  
 30 profectione simul et invisum et obfensem sibi parum idoneum  
 ratus, domum dimittit.

Et Romae plebes litteris, quae de Metello ac Mario 3  
 missae erant, cognitis volenti animo de ambobus accep-  
 rant. Imperatori nobilitas, quae antea decori fuit, invi- 4  
 35 diae esse: at illi alteri generis humilitas favorem addiderat:  
 ceterum in utroque magis studia partium quam bona aut  
 mala sua moderata. Praeterea seditiosi magistratus volgum 5  
 exagitare, Metellum omnibus contionibus capitis arcessere,

6 Mari virtutem in maius celebrare. Denique plebes sic ad-  
censa, uti opifices agrestesque omnes, quorum res fides-  
que in manibus sitae erant, relictis operibus frequentarent  
Marium et sua necessaria post illius honorem ducerent. Ita  
perculsa nobilitate post multas tempestates novo homini con-  
7 sulatus mandatur: et postea populus a tribuno plebei T.  
Manlio Mancino rogatus, quem vellet cum Iugurtha bellum  
gerere, frequens Marium iussit. Set paulo \*\*\*\*\* de-  
creverat: ea res frustra fuit.

74 Eodem tempore Iugurtha amissis amicis, quorum ple-<sup>10</sup>  
rosque ipse necaverat, ceteri formidine pars ad Romanos  
alii ad regem Bocchum profugerant, cum neque bellum  
geri sine administris posset et novorum fidem in tanta per-  
fidia veterum experiri periculosum duceret, varius incertus-  
que agitabat. Neque illi res neque consilium aut quisquam <sup>15</sup>  
hominum satis placebat: itinera praefectosque in dies mu-  
tare, modo advorsum hostis, interdum in solitudines per-  
gere, saepe in fuga ac post paulo in armis spem habere,  
dubitare virtuti an fide popularium minus crederet: ita quo-  
2 cumque intenderat res advorsae erant. Set inter eas moras <sup>20</sup>  
repente sese Metellus cum exercitu ostendit: Numidae ab  
Iugurtha pro tempore parati instructique, dein proelium  
3 incipitur. Qua in parte rex pugnae adfuit, ibi aliquamdiu  
certatum, ceteri eius omnes milites primo congressu pulsi  
fugatique. Romani signorum et armorum aliquanto numero, <sup>25</sup>  
hostium paucorum potiti: nam ferme Numidis in omnibus  
proeliis magis pedes quam arma tuta sunt.

75 Ea fuga Iugurtha impensius modo rebus suis dissidens  
cum persugis et parte equitatus in solitudines, dein Thalam  
pervenit, in oppidum magnum atque opulentum ubique <sup>30</sup>  
plerique thensauri filiorumque eius multus pueritiae cultus  
2 erat. Quae postquam Metello conperta sunt, quamquam  
inter Thalam flumenque proximum in spatio milium quin-  
quaginta loca arida atque vasta esse cognoverat, tamen spe  
patrandi belli, si eius oppidi potitus foret, omnis asperitates <sup>35</sup>  
3 supervadere ac naturam etiam vincere adgreditur. Igitur  
omnia iumenta sarcinis levari iubet, nisi frumento dierum  
decem, celerum utris modo et alia aquae idonea portari:

praeterea conquirit ex agris quam plurimum potest domiti 4  
 pecoris: eo inponit vasa cuiusque modi, set pleraque lignea,  
 conlecta ex tuguriis Numidarum: ad hoc finituinis imperat, 5  
 qui se post regis fugam Metello dederant, quam plurimum  
 5 quisque aquae portaret, diem locumque, ubi praesto fo-  
 rent, praedicit: ipse ex flumine, quam proxumam oppido 6  
 aquam esse supra diximus, iumenta onerat: eo modo in-  
 structus ad Thalam proficiscitur. Deinde ubi ad id loci 7  
 ventum, quo Numidis preeceperat, et castra posita inunita-  
 10 que sunt, tanta repente caelo missa vis aquae dicitur, ut  
   ea modo exercitui satis superque foret. Praeterea conmea- 8  
   tus spe amplior, quia Numidae, sicuti plerique in nova de-  
   ditione, officia intenderant. Ceterum milites religione pluvia 9  
   magis usi, eaque res multum animis eorum addidit: nam  
 15 rati sese deis immortalibus curae esse. Deinde postero die  
   contra opinionem Iugurthae ad Thalam pervenient. Oppi- 10  
   dani, qui se locorum asperitate munitos crediderant, magna  
   atque insolita re perculsi, nihil segniss bellum parare:  
   idem nostri facere. Set rex, nihil iam infectum Metello 76  
 20 credens, quippe qui omnia, arma tela, locos tempora, de-  
   nique naturam ipsam ceteris imperitanter industria vicerat,  
   cum liberis et magna parte pecuniae ex oppido noctu pro-  
   fugit, neque postea in ullo loco amplius uno die aut una  
   nocte moratus, simulabat sese negoti gratia properare: ce-  
 25 terum proditionem timebat, quam vitare posse celeritate pu-  
   tabat: nam talia consilia per otium et ex opportunitate capi.  
   At Metellus, ubi oppidanos proelio intentos, simul oppidum 2  
   et operibus et loco munitum videt, vallo fossaque moenia  
   circumvenit. Deinde locis ex copia maxume idoneis vineas 3  
 30 agere, aggerem iacere [et] super aggerem inpositis tur-  
   ribus opus et administros tutari. Contra haec oppidanis fe- 4  
   stinare parare: prorsus ab utrisque nihil relicum fieri.  
   Denique Romani, multo ante labore proeliisque fatigati, 5  
   post dies quadraginta, quam eo ventum erat, oppido modo  
 35 potiti: praeda omnis ab persugis corrupta. Ei postquam 6  
   murum arietibus feriri resque suas adflictas vident, aurum  
   atque argentum et alia quae prima ducuntur domum regiani  
   conportant: ibi vino et epulis onerati illaque et domum et

senet igni conrumpunt, et quas vieti ab hostibus poenas metuerant, eas ipsi volentes pependere.

77 Set pariter cum capta Thala legati ex oppido Lepti ad Metellum venerant, orantes, uti praesidium praefectumque eo mitteret: Hamilcarem quendam, hominem nobilem factiosum, novis rebus studere, advorsum quem neque imperia magistratum neque leges valerent: ni id festinaret, 2 in sunimo periculo suam salutem, illorum socios fore. Nam Leptitani iam inde a principio belli [Iugurthini] ad Bestiam consulem et postea Romam miserant amicitiam societatem- 10 3 que rogatum. Deinde, ubi ea inpetrata, semper boni fidelesque mansere et cuncta a Bestia, Albino Metelloque imperia nave fecerant. Itaque ab imperatore facile quae petebant adepti. Emissae eo cohortes Ligurum quattuor et G. Annus praefectus. 15

78 Id oppidum ab Sidoniis conditum est, quos accepimus profugos ob discordias civilis navibus in eos locos venisse, ceterum situm inter duas Syrtis, quibus nomen ex re in- 2 ditum. Nam duo sunt sinus prope in extrema Africa, inpa- res magnitudine, pari natura: quorum proxima terrae pree- alta sunt, cetera, uti fors tulit, alta alia, alia in tempestate 3 vadosa. Nam ubi mare magnum esse et saevire ventis coepit, limum harenamque et saxa ingentia fluctus trahunt: ita facies locorum cum ventis simul mutatur. Syrtes ab tractu 4 nominatae. Eius civitatis lingua modo convorsa conubio 25 Numidarum, legum cultusque pleraque Sidonica, quae eo facilius retinebant, quod procul ab imperio regis aetatem agebant. Inter illos et frequentem Numidiam multi vastique loci erant,

79 Set quoniam in eas regiones per Leptitanorum negotia 30 venimus, non indignum videtur egregium atque memorabile facinus duorum Carthaginiensium memorare: eam rem 2 [nos] locus admonuit. Quia tempestate Carthaginenses pleraque Africa imperitabant, Curenenses quoque magni atque 3 opulentii fuere. Ager in medio harenosus, una specie: 35 neque flumen neque mons erat, qui finis eorum disserneret. Quae res eos in magno diuturnoque bello inter se habuit. Postquam utriusque legiones, item classes saepe fusae fugataeque, et alteri alteros aliquantum adriverant, veriti

ne mox victos victoresque defessos alius adgrederetur, per  
 indutias sponsonem faciunt, uti certo die legati domo pro-  
 fisciserentur: quo in loco inter se obvii fuissent, is commu-  
 nis utriusque populi finis haberetur. Igitur Carthagine duo 5  
 fratres missi, quibus nomen Philaenis erat, maturavere iter  
 pergere: Curenenses tardius iere. Id socordiane an casu  
 acciderit, parum cognovi. Ceterum solet in illis locis tem- 6  
 pestas haut secus atque in mari retinere. Nam ubi per  
 loca aequalia et nuda gignentium ventus coortus harenam  
 10 humo excitavit, ea magna vi agitata ora oculosque inplere  
 solet, ita prospectu impedito morari iter. Postquam Cure- 7  
 nenses aliquanto posteriores se esse vident et ob rem con-  
 ruptam domi poenas metuunt, criminari Carthaginiensis ante  
 tempus domo digressos, conturbare rem, denique omnia malle  
 15 quam victi abire. Set cum Poeni aliam conditionem, tantum 8  
 modo aequam, peterent, Graeci optionem Carthaginiensium  
 faciunt, ut vel illi, quos finis populo suo peterent, ibi vivi  
 obruerentur, vel eadem conditione sese quem in locum  
 vellent processuros. Philaeni conditione probata seque vi- 9  
 20 tamque suam rei publicae condonavere: ita vivi obruti.  
 Carthaginienses in eo loco Philaenis fratribus aras con- 10  
 secravere, aliisque illis domi honores instituti. Nunc ad rem  
 redeo.

Iugurtha postquam amissa Thala nihil satis firmum con- 80  
 25 tra Metellum putat, per magnas solitudines cum paucis pro-  
 fectus pervenit ad Gaetulos, genus hominum serum incul-  
 tumique et eo tempore ignarum nominis Romani. Eorum 2  
 multitudinem in unum cogit ac paulatim consufacit ordines  
 habere, signa sequi, imperium observare, item alia militaria  
 30 facere. Praeterea regis Bocchi proximos magnis niunc- 3  
 ribus et maioribus promissis ad studium sui perducit, quis  
 adiutoribus regem adgressus impellit, uti advorsus Roma-  
 nos bellum incipiat. Id ea gratia facilius proniusque fuit, 4  
 quod Bocchus initio huiuscē belli legatos Romam miserat  
 35 foedus et amicitiam petitum: quanī rem opportunissimam 5  
 incepto bello pauci impediverant, caeci avaritia, quis oīnnia,  
 honesta atque inhonesta, vendere mos erat. Etiam antea 6  
 Iugurthiae filia Boccho nupserat. Verum ea necessitudo apud  
 Numidas Maurosque levis dicitur, quia singuli, pro opibus

- quisque, quam plurumas uxores, denas alii alii plures habent, set reges eo amplius. Ita animus multitudine distrahit: nulla pro socia optinet, pariter omnes viles sunt.
- Igitur in locum ambobus placitum exercitus conveniunt: ibi sive data et accepta Iugurtha Bocchi animum oratione ascendit: Romanos iniustos, profunda avaritia, communis omnium hostis esse: eandem illos caussam belli cum Boccho habere, quam secum et cum aliis gentibus, lubidinem imperitandi, quis omnia regna advorsa sint: tum sese, paulo ante Carthaginiensis, item regem Persen, post uti quisque opulentissimus videatur, ita Romanis hostem fore. Eis atque aliis talibus dictis ad Cirtam oppidum iter constituunt, quod ibique \*\*\*\*\* Metellus praedam captivosque et impedimenta locaverat. Ita Iugurtha ratus aut capta urbe operae precium fore, aut si Romanus auxilio suis venisset, proelio sese certatus. Nam callidus id modo festinabat, Bocchi pacem inminuere, ne moras agitando aliud quam bellum mallet.
- Imperator postquam de regum societate cognovit, non temere, neque, uti saepe iam victo Iugurtha consueverat, omnibus locis pugnandi copiam facit: ceterum haut procul ab Cirta castris munitis reges operitur, melius esse ratus cognitis Mauris, quoniam is novos hostis adcesserat, ex commodo pugnam facere.
- Interim Roma per litteras certior fit provinciam Numidiam Mario datam: nam consulem factum ante acceperat. Quibus rebus supra bonum aut honestum perculsus, neque lacrumas tenere neque moderari linguam: vir egregius in aliis artibus nimis molliter aegritudinem pati. Quam rem alii in superbiam vortebant, alii bonum ingenium contumelia ad censum esse, multi quod iam parta Victoria ex manibus eriperetur. Nobis satis cognitum est illum magis honore Mari quam iniuria sua excruciatum neque tam anxie latrum fuisse, si adempta provincia alii quam Mario tradiceretur.
- Igitur eo dolore impeditus et quia stultitiae videbatur alienam rem periculo suo curare, legatos ad Bocchum mittit postulatum, ne sine causa hostis populo Romano fieret: habere tum magnam copiam societatis amicitiaeque coniuncti-

genda, quae potior bello esset, et quamquam opibus suis consideret, tamen non debere incerta pro certis mutare: omne bellum sumi facile, ceterum aegerrume desinere: non in eiusdem potestate initium eius et finem esse: incipere cuivis, etiam ignavo, licere, deponi cum victores velint: proinde sibi regnoque suo consulteret, neu florentis res suas cum Iugurthae perditis misceret. Ad ea rex satis placide 2 verba facit: sese pacem cupere, set Iugurthae fortunarum misereri: si eadem illi copia fieret, omnia conventura. Rur- 3 sus imperator contra postulata Bocchi nuntios mittit: ille probare partim, alia abnuere. Eo modo saepe ab utroque missis remissisque nuntiis tempus procedere, et ex Metelli voluntate bellum intactum trahi.

At Marius, ut supra diximus, cupientissima plebe con- 84 sul factus, postquam ei provinciam Numidiam populus ius- sit, antea iam infestus nobilitati, tum vero multus atque ferox instare, singulos modo modo univorsos laedere: dicti- tare sese consulatum ex victis illis spolia cepisse, alia prae- terea magnifica pro se et illis dolentia. Interim quae bello 2 opus erant prima habere: postulare legionibus subplemen- tum, auxilia a populis et regibus sociisque arcessere, prac- terea ex Latio fortissimum quemque, plerosque militiae, paucos fama cognitos adcire, et ambiundo cogere homines emeritis stipendiis secum proficisci. Neque illi senatus, 3 quinquam advorsus erat, de ullo negotio abnuere audebat: ceterum subplementum etiam laetus decreverat, quia neque plebei militia volenti putabatur et Marius aut belli usum aut studia volgi amissurus. Set ea res frustra sperata: 4 tanta lubido cum Mario eundi plerosque invaserat. Sese quisque praeda locupletem fore, victorem domum redditurum, alia huiuscmodi animis trahebant, et eos non paulum oratione sua Marius adrexerat. Nam postquam omnibus 5 quae postulaverat decretis milites scribere volt, hortandi causa simul et nobilitatem uti consueverat exagitandi con- 85 tionem populi advocavit, deinde hoc modo disseruit:

'Scio ego, Quirites, plerosque non eisdem artibus im- 85 perium a vobis petere et postquam adepti sunt gerere: pri- mo industrios subplicis modicos esse, dein per ignaviam

2 et superbiam aetatem agere. Set mihi contra ea videtur: nam quo pluris est univora res publica quam consulatus aut praetura, eo maiore cura illam administrari quam haec  
 3 peti debere. Neque me fallit, quantum cum maximo beneficio vostro negoti sustineam. Bellum parare simul et aerario  
 parcere, cogere ad militiam eos quos nolis offendere, domi  
 forisque omnia curare, et ea agere inter invidos occursan-  
 4 tis factiosos opinione, Quirites, asperius est. Ad hoc, alii  
 si delinquere, vetus nobilitas, maiorum fortia facta, cognatorum et adfinium opes, multae clientelae, omnia haec  
 10 praesidio adsunt: mihi spes omnes in memet sitae, quas  
 necesse est virtute et innocentia tutari: nam alia infirma  
 5 sunt. Et illud intellego, Quirites, omnium ora in me con-  
 vorsa esse, aequos bonosque favere — quippe mea bene  
 facta rei publicae procedunt —, nobilitatem locum inva-  
 15 6 dendi quaerere. Quo mihi acrius adnitendum est, uti neque  
 7 vos capiamini et illi frustra sint. Ita ad hoc aetatis a pue-  
 ritia fui, uti omnis labores et pericula consueta habeam.  
 8 Quae ante vostra beneficia gratuito faciebam, ea uti accepta  
 9 mercede deseram, non est consilium, Quirites. Illis difficile  
 20 est in potestatibus temperare, qui per ambitionem sese pro-  
 bos simulavere: mihi, qui omnem aetatem in optumis arti-  
 bus egi, bene facere iam ex consuetudine in naturam vortit.

10 Bellum me gerere cum Iugurtha iussistis, quam rem  
 nobilitas aegerrume tulit. Quaesum, reputate cum animis  
 25 vostris, num id mutari melius sit, si quem ex illo globo  
 nobilitatis ad hoc aut aliud tale negotium mittatis, hominem  
 veteris prosapiae ac multarum imaginum et nullius stipendi:  
 scilicet ut in tanta re ignarus omnium trepidet festinet, su-  
 11 mat aliquem ex populo monitorem offici sui. Ita plerumque  
 evenit, uti quem vos imperare iussistis, is [sibi] impera-  
 30 12 torem alium quaerat. Atque ego scio, Quirites, qui, post-  
 quam consules facti sunt, et acta maiorum et Graecorum  
 militaria paecepta legere cooperint: paeeposteri homines:  
 nam gerere quam fieri tempore posterius, re atque usu  
 13 prius est. Conparate nunc, Quirites, cum illorum superbia  
 me hominem novom. Quae illi audire aut legere solent,  
 corum partem vidi, alia egomet gessi: quae illi litteris, ea

ego militando didici. Nunc vos existumate, facta an dicta 14  
 pluris sint. Contemnunt novitatem meam, ego illorum igna-  
 viam: mihi fortuna, illis probra obiectantur. Quamquam ego 15  
 naturam unam et communem omnium existumo, set fortis-  
 sum quenque generosissimum. Ac si iam ex patribus 16  
 Albini aut Bestiae quaeri possit, mene an illos ex se gigni  
 maluerint, quid responsuros creditis, nisi sese liberos quam  
 optumos voluisse? Quod si iure me despiciunt, faciant idem 1  
 maioribus suis, quibus, uti mihi, ex virtute nobilitas coepit.  
 Invident honori meo: ergo invideant labori innocentiae, pe- 18  
 riculis etiam meis, quoniam per haec illum cepi. Verum 19  
 homines conructi superbia ita aetatem agunt quasi vostros  
 honores contemnant, ita hos petunt quasi honeste vixerint.  
 Ne illi falsi sunt, qui divorsissimas res pariter expectant, 20  
 ignaviae voluptatem et praemia virtutis. Atque etiam, cum 21  
 apud vos aut in senatu verba faciunt, pleraque oratione  
 maiores suos extollunt: eorum fortia facta memorando cla-  
 riores sese putant. Quod contra est. Nam quanto vita 22  
 illorum paeclarior, tanto horum socordia flagitosior. Et 23  
 profecto ita se res habet: maiorum gloria posteris quasi  
 lumen est, neque bona neque mala eorum in occulto pati-  
 tur. Huiusc rei ego inopiam fateor, Quirites: verum, id quod 24  
 multo paeclarior est, meam facta mihi dicere licet. Nunc  
 videte quam iniqui sint. Quod ex aliena virtute sibi adro- 25  
 gant, id mihi ex mea non concedunt, scilicet quia imagines  
 non habeo, et quia mihi nova nobilitas est, quam certe pe-  
 perisse melius est quam acceptam conrupisse.

Euidem ego non ignoro, si iam mihi respondere velint, 26  
 abunde illis facundiam et compositam orationem fore. Set  
 in vostro maximo benificio cuin omnibus locis me vos-  
 que male dictis lacerent, non placuit reticere, ne quis mo-  
 destiam in conscientiam duceret. Nam me quidem ex animi 27  
 mei sententia nulla oratio laedere potest: quippe vera necesse  
 est bene praedicent, falsa vita moresque mei superant. Set 28  
 quoniam vostra consilia accusantur, qui mihi summum  
 honorem et maximum negotium inposuistis, etiam atque  
 etiam reputate, num eorum paenitendum sit. Non possum 29  
 fidei causa imagines neque triumphos aut consulatus ma-

iorum meorum ostentare, at, si res postulet, hastas vexillum  
 phaleras, alia militaria dona, praeterea cicatrices adverso  
 30 pectore. Hae sunt meae imagines, haec nobilitas, non he-  
 reditate relicta, ut illa illis, set quae egomet meis pluru-  
 31 mis laboribus et periculis quaesivi. Non sunt composita  
 verba mea: parvi id facio: ipsa se virtus satis ostendit: illis  
 32 artificio opus est, ut turpia facta oratione tegant. Neque  
 litteras Graecas didici: parum placebat eas discere, quippe  
 33 quae ad virtutem doctoribus nihil profuerant. At illa multo  
 optuma rei publicae doctus sum: hostem ferire, praesidium 10  
 agitare, nihil metuere nisi turpem famam, hiemem et aesta-  
 tem iuxta pati, humi requiescere, eodem tempore inopiam  
 34 et laborem tolerare. Eis ego praeceptis milites hortabor:  
 nec illos arte colam, me opulenter, neque gloriam meam,  
 35 laborem illorum faciam. Hoc est utile, hoc civile imperium. 15

Namque cum tute per mollitiam agas, exercitum subplicio  
 36 cogere, id est dominum, non imperatorem esse. Haec atque  
 talia maiores vostri faciendo seque remque publicam cele-  
 37 bravere. Quis nobilitas freta, ipsa dissimilis moribus, nos  
 illorum aemulos contemnit et omnis honores non ex merito, 20  
 38 set quasi debitos a vobis repetit. Ceterum homines super-  
 bissumi procul errant. Maiores eorum omnia, quae licebat,  
 illis reliquere, divitias imagines, memoriam sui praeclararum:  
 virtutem non reliquere, neque poterant: ea sola neque datur  
 39 dono neque accipitur. Sordidum me et incultis moribus 25  
 aiunt, quia parum scite convivium exorno, neque histrio-  
 nem ullum, neque pluris preci cocum quam vilicum habeo.  
 40 Quae mihi lubet confiteri, Quirites. Nam ex parente meo  
 et ex aliis sanctis viris ita accepi: munditas mulieribus, viris  
 laborem convenire, omnibusque bonis oportere plus gloriae 30  
 quam divitiarum esse: arma, non supellectilem decori esse  
 41 Quin ergo quod iuvat, quod carum aestuant, id semper  
 faciant: ament potent: ubi adolescentiam habuere, ibi se-  
 nectutem agant, [in conviviis], dediti ventri et turpissimae  
 parti corporis: sudorem pulverem et alia talia relinquant 35  
 42 nobis, quibus illa epulis iocundiora sunt. Verum non ita  
 est. Nam ubi se [omnibus] flagitiis dedecoravere, turpissimi  
 43 viri bonorum praemia creptum eunt. Ita iniustissime luxu-

ria et ignavia, pessumae artes, illis qui coluere eas nihil obficiunt, rei publicae innoxiae cladi sunt.

Nunc quoniam illis, quantum mei mores, non illorum 44 flagitia poscebant, respondi, pauca de re publica loquar. Pri- 45 sum omnium de Numidia bonum habete animum, Quiri-  
tes. Nam quae ad hoc tempus Iugurtham tutata sunt, omnia  
removistis, avaritiam, inperitiam, [atque] superbiam. Deinde 46 exercitus ibi est, locorum sciens, set mehercule magis stre-  
nuus quam felix. Nam magna pars eius avaritia aut teme-  
ritate ducum adtrita est. Quam ob rem vos, quibus mili- 47 taris actas est, adnitimini mecum et capessite rem publi-  
cam: neque quemquam ex calamitate aliorum aut imperato-  
rum superbia metus ceperit. Egomet in agmine aut in  
proelio consultor idem et socius periculi vobiscum adero,  
meque vosque in omnibus rebus iuxta geram. Et profecto 48  
deis iuvantibus omnia matura sunt, victoria praeda laus.  
Quae si dubia aut procul essent, tamen omnis bonos rei  
publicae subvenire decebat. Etenim nemo ignavia immorta- 49  
lis factus est, neque quisquam parens liberis uti aeterni  
forent optavit, magis uti boni honestique vitam exigerent.  
Plura dicerem, Quirites, si timidis virtutem verba adderent: 50  
nam strenuis abunde dictum puto.'

Huiusce modi oratione habita Marius, postquam plebei 86  
animos adrectos videt, propere conmeatu, stipendio, armis,  
aliis utilibus navis onerat: cum his A. Manlium legatum  
proficiisci iubet. Ipse interea milites scribere, non more 2  
maiorum neque ex classibus, set uti cuiusque lubido erat,  
capite censos plerosque. Id factum alii inopia bonorum, 3  
alii per ambitionem consulis memorabant, quod ab eo ge-  
nere celebratus auctusque erat, et homini potentiam quae-  
renti egentissimus quisque opportunissimus, cui neque sua  
cara, quippe quae nulla sunt, et omnia cum precio honesta  
videntur.

Igitur Marius cum aliquanto maiore numero quam 4  
decretum erat in Africam profectus paucis diebus Uticam  
advchitur. Exercitus ei traditur a P. Rutilio legato: nam 5  
Metellus conspectum Mari fugerat, ne videret ea, quae audita  
animus tolerare nequiverat.

87 Set consul expletis legionibus cohortibusque auxiliariis in agrum fertilem et praeda onustum proficiscitur, omnia ibi capta militibus donat, dein castella et oppida natura et viris parum munita adgreditur, proelia multa, ceterum le-  
2 via, alia aliis locis facere. Interim novi milites sine metu pug-  
nae adesse: videre fugientis capi aut occidi, fortissimum quemque tutissimum, armis libertatem, patriam parentisque  
3 et alia omnia tegi, gloriam atque divitias quaeri. Sic brevi spatio novi veteresque coaluere et virtus omnium acqualis facta.

4 At reges, ubi de adventu Mari cognovere, divorsi in locos difficilis abeunt. Ita Iugurthae placuerat, speranti mox effusos hostis invadi posse: Romanos, sicuti plerosque, remoto metu laxius licentiusque futuros.

88 Metellus interea Romam profectus contra spem suam laetissimis animis accipitur, plebi patribusque, postquam invidia deceserat, iuxta carus.

2 Set Marius in pigre prudenterque suorum et hostium res pariter attendere, cognoscere quid boni utrisque aut contra esset, explorare itinera regum, consilia et insidias eorum antevenire, nihil apud se remissum neque apud illos tutum pati. Itaque et Gaetulos et Iugurtham ex sociis nostris praedas agentis saepe adgressus in itinere fuderat, ipsumque regem haut procul ab oppido Cirta armis exuerat.

4 Quae postquam gloria modo neque belli patrandi cognovit, statuit urbis, quae viris aut loco pro hostibus et ad-  
vorsum se opportunissimae erant, singulas circumvenire: ita Iugurtham aut praesidiis nudatum, si ea pateretur, aut proelio certaturum. Nam Bocchus nuntios ad eum saepe miserat, velle populi Romani amicitiam: ne quid ab se ho-

6 stile timeret. Id simulaveritne quo improvisus gravior acci-  
deret, an mobilitate ingeni pacem atque bellum mutare so-  
89 litus, parum exploratum est. Set consul, uti statuerat, oppida castellaque munita adire, partim vi alia metu aut 2 praemia ostentando avortere ab hostibus. Ac primo medio-  
crica gerebat, existumans Iugurtham ob suos tutandos in manus venturum. Set ubi illum procul abesse et aliis negoitiis intentum accepit, maiora et magis aspera adgredi tempus visum est.

Erat inter ingentis solitudines oppidum magnum atque 4  
 valens, nomine Capsa, cuius conditor Hercules Libus me-  
 morabatur. Eius cives apud Iugurthani inmunes, leviimpe-  
 rio et ob ea fidelissimi habebantur, muniti aduersum ho-  
 stis non moenibus modo et armis atque viris, verum etiam  
 multo magis locorum asperitate. Nam praeter oppido pro- 5  
 pinqua alia omnia vasta, inculta, egentia aquae, infesta ser-  
 pentibus, quarum vis, sicuti omnium ferarum inopia cibi  
 acrior, ad hoc [natura serpentium, ipsa pernitiosa] siti magis  
 quam alia re adceditur. Eius potiundi Marium maxima 6  
 cupido invaserat, cum propter usum belli, tum quia res  
 aspera videbatur et Metellus oppidum Thalam magna gloria  
 ceperat, haut dissimiliter situm munitumque, nisi quod apud  
 Thalam non longe a moenibus aliquot fontes erant, Capsen-  
 ses una modo atque ea intra oppidum iugi aqua, cetera 7  
 pluvia utebantur. Id ibique et in omni Africa, qua procul  
 a mari incultius agebatur, eo facilius tolerabatur, quia Nu-  
 midae plerumque lacte et ferina carne vescebantur et neque  
 salem neque alia irritamenta gulæ quaerebant: cibus illis 8  
 aduersus famem atque sitim, non lubidini neque luxuria*ce*  
 erat. Igitur consul omnibus exploratis, credo deis fretus, 90  
 — nam contra tantas difficultates consilio satis providere  
 non poterat: quippe etiam frumenti inopia temptabatur, quia  
 Numidae parvulo pecoris magis quam arvo student et quod-  
 cumque natum fuerat iussu regis in loca munita contule-  
 rant, ager autem aridus et frugum vacuos ea tempestate: 2  
 nam aestatis extremum erat — tamen pro rei copia satis  
 providenter exornat: pecus omne, quod superioribus diebus  
 praedae fuerat, equitibus auxiliariis agendum adtribuit, A.  
 Manlium legatum cum cohortibus expeditis ad oppidum  
 Laris, ubi stipendium et conmeatum locaverat, ire iubet,  
 dicitque se praedabundum post paucos dies eodem venturum.  
 Sic incepto suo occultato pergit ad flumen Tanain. Ceterum 91  
 in itinere cotidie pecus exercitui per centurias, item tur-  
 mas aequaliter distribuerat, et ex coriis utres ut fierent  
 curabat: simul inopiam frumenti lenire et ignoris omnibus  
 parare, quae mox usu forent: denique sexto die, cum ad  
 flumen ventum est, maxuma vis utrium effecta. Ibi castris 2

levi munimento positis milites cibum capere atque uti simul  
 cum occasu solis egredierentur paratos esse iubet: omnibus  
 3 sarcinis abiectis aqua modo seque et iumenta onerare. Dein  
 postquam tempus visum, castris egreditur noctemque totam  
 itinere facto consedit: idem proxuma facit: dein tertia multo  
 ante lucis adventum pervenit in locum tumulosum, ab Capsa  
 non amplius duum milium intervallo, ibique quam occul-  
 4 tissime potest cum omnibus copiis operitur. Set ubi dies  
 coepit et Numidae nihil hostile metuentes multi oppido  
 egressi, repente omnem equitatum et cum eis velocissimos 10  
 pedites cursu tendere ad Capsam et portas obsidere iubet:  
 deinde ipse intentus propere sequi neque milites praedari  
 5 sinere. Quae postquam oppidani cognovere, res trepidae,  
 metus ingens, malum improvsum, ad hoc pars civium extra  
 moenia in hostium potestate coegere uti ditionem facerent. 15  
 6 Ceterum oppidum incensum, Numidae puberes interfici,  
 7 alii omnes vaenum dati: praeda militibus divisa. Id facinus  
 contra ius belli non avaritia neque scelere consulis admis-  
 sum, set quia locus lugurthae opportunus, nobis aditu diffi-  
 cilis, genus hominum mobile infidum, [ante] neque benefi- 20  
 cio neque metu coercitum.

92 Postquam tantam rem Marius sine ullo suorum incom-  
 modo fecit, magnus et clarus antea, maior atque clarior  
 2 haberit coepit. Omnia non bene consulta in virtutem trahe-  
 bantur: milites, modesto imperio habiti simul et locupletes, 25  
 ad caelum ferre, Numidae magis quam mortalem timere,  
 postremo omnes, socii atque hostes, credere illi aut mentem  
 divinam esse aut deorum nutu cuncta portendi.

3 Set consul, ubi ea res bene evenit, ad alia oppida per-  
 git, pauca repugnantibus Numidis capit, plura, *deserta* prop-  
 ter Capsensium miserias, igni conrumpit: luctu atque caede  
 4 omnia complentur. Denique multis locis potitus, ac pleris-  
 que exercitu incruento, aliam rem adgreditur, non eadem  
 asperitate qua Capsensium, ceterum haut secus difficilem.

5 Namque haut longe a flumine Muluccha, quod lugur- 35  
 thae Bocchique regnum disiungebat, erat inter ceteram pla-  
 nitudinem mons saxeus, mediocri castello satis patens, in in-  
 mensum editus, uno per angusto aditu relicto: nam omnis



centuriones, omnisque Liguri parere iubet, et ei negotio  
 94 proximum diem constituit. Set ubi ex praecerto tempore  
 visum, paratis compositisque omnibus ad locum pergit. Ce-  
 terum illi, qui escensuri erant, praedicti ab duce, arma  
 ornatumque mutaverant, capite atque pedibus nudis, uti  
 prospectus nisusque per saxa facilius foret: super terga  
 gladii et scuta, verum ea Numidica ex coriis, ponderis gra-  
 2 tia simul et obsensa quo levius streperent. Igitur praegre-  
 diens Ligus saxa et si quae vetustae radices eminebant la-  
 queis vinciebat, quibus adlevati milites facilius escenderent, 10  
 interdum timidos insolentia itineris levare manu: ubi paulo  
 asperior adscensus erat, singulos pree se inermos mittere,  
 deinde ipse cum illorum armis sequi: quae dubia nisu vide-  
 bantur, potissimum temptare, ac saepius eadem adscendens  
 descendensque, dein statim digrediens, ceteris audaciam 15  
 3 addere. Igitur diu multumque fatigati tandem in castellum  
 pervenient, desertum ab ea parte, quod omnes, sicut aliis  
 diebus, advorsum hostis aderant. Marius ubi ex nuntiis  
 quae Ligus egerat cognovit, quamquam toto die intentos  
 proelio Numidas habuerat, tum vero cohortatus milites et 20  
 ipse extra vineas egressus, testudine acta succedere et  
 simul hostem tormentis sagittariisque et funditoribus eminus-  
 4 terrere. At Numidae saepe antea vineis Romanorum sub-  
 vorsis, item incensis non castelli moenibus sese tutabantur,  
 set pro muro dies noctisque agitare, male dicere Romanis 25  
 ac Mario vaecordiam obiectare, militibus nostris Iugurthae  
 5 servitium minari, secundis rebus feroce esse. Interim om-  
 nibus, Romanis hostibusque, proelio intentis, magna utri-  
 que vi pro gloria atque imperio his, illis pro salute certanti-  
 bus, repente a tergo signa canere: ac primo mulieres et 30  
 pueri, qui visum processerant, fugere, deinde uti quisque  
 muro proximus erat, postremo cuncti, armati inermesque.  
 6 Quod ubi accidit, eo acrius Romani instare, fundere ac  
 plerosque tantum modo sauciare, dein super occisorum  
 corpora vadere, avidi gloriae certantes murum petere, ne- 35  
 7 que quemquam omnium praeda morari. Sic forte correcta  
 Mari temeritas gloriam ex culpa invenit.

95 Ceterum dum ea res geritur, L. Sulla quaestor cum

magno equitatu in castra venit, quos uti ex Latio et a sociis cogeret Romae relictus erat. Set quoniam nos tanti viri 2 res admonuit, idoneum visum est de natura cultuque eius paucis dicere: neque enim alio loco de Sullae rebus dicturi sumus et L. Sisenna, optume et diligentissime omnium qui eas res dixerunt persecutus, parum milii libero ore locutus videtur.

Igitur Sulla gentis patriciae nobilis fuit familia iam 3 prope extincta maiorum ignavia, litteris Graecis et Latinis iuxta atque doctissimi eruditus, animo ingenti: cupidus voluptatum, set gloriae cupidior, otio luxurioso esse, tamen ab negotiis numquam voluptas remorata, nisi quod de uxore potuit honestius consuli: facundus callidus et amicitia facilis, ad simulanda ac dissimulanda negotia altius 15 tudo ingenii incredibilis: multarum rerum ac maxime pecuniae largitor. Atque illi, felicissimo omnium ante civilem 4 victoriam, numquam super industriam fortuna fuit, multi que dubitavere fortior an felicior esset: nam postea quae fecerit, incertum habeo, pudeat an pigeat magis disserere.

Igitur Sulla, uti supra dictum est, postquam in Afri- 96 cam atque in castra Mari cum equitatu venit, rudis antea et ignarus belli, sollertissimus omnium in paucis tempestibus factus est. Ad hoc milites benigne adpellare: multis 2 rogantibus, aliis per se ipse dare beneficia, invitus accipere, 25 set ea properantius quam aes mutuum reddere, ipse ab nullo repetere, magis id laborare, ut illi quam pluruni deberent: ioca atque seria cum humillumis agere: in operibus, in agmine atque ad vigilias multus adesse, neque interim, quod prava ambitio solet, consulis aut eiusquam 30 boni famam laedere: tantum modo neque consilio neque manu priorem alium pati, plerosque antevenire. Quibus 4 rebus et artibus brevi Mario militibusque carissimus factus.

At Iugurtha, postquam oppidum Capsam aliosque locos 97 munitos et sibi utilis simul et magnam pecuniam amiserat, 35 ad Bocchum nuntios misit, quam primum in Numidiam copias adduceret: proeli faciundi tempus adesse. Quem ubi 2 cunctari accepit et dubium belli atque pacis rationes trahere, rursus, uti antea, proximos eius donis conrupit,

ipsique Mauro pollicetur Numidiae partem tertiam, si aut Romani Africa expulsi, aut integris suis finibus bellum conpositum foret. Eo praemio inlectus Bocchus cum magna multitudine Iugurtham adcedit.

3 Ita amborum exercitu coniuncto Marium, iam in hiberna proficiscentem, vix decuma parte die relicua invadunt, rati noctem quae iam aderat et victis sibi munimento fore et si vicissent nullo impedimento, quia locorum scientes erant, contra Romanis utrumque casum in tenebris 4 difficiiliorem fore. Igitur simul consul ex multis de hostium adventu cognovit et ipsi hostes aderant, et prius quam exercitus aut instrui aut sarcinas conligere, denique ante quam signum aut imperium ullum accipere quivit, equites Mauri atque Gaetuli, non acie neque ullo more proeli, set cetervatim, uti quosque fors congregaverat, in nostros incur- 5 runt: qui omnes trepidi improviso metu ac tamen virtutis memores aut arma capiebant aut capientis alios ab hostibus defensabant: pars equos escendere, obviam ire hostibus: pugna latrocinio magis quam proelio similis fieri: sine signis sine ordinibus equites peditesque permixti caedere alii, alii 20 obtruncari, multi contra aduersos acerrume pugnantes ab tergo circumveniri: neque virtus neque arma satis tegere, quia hostes numero plures et undique circumfusi erant: denique Romani veteres novique [et ob ea scientes belli], si quos locus aut casus coniunxerat, orbis fecere atque ita 25 ab omnibus partibus simul tecti et instructi hostium vim 98 sustentabant. Neque in eo tam aspero negotio Marius ter- ritus aut magis quam antea demisso animo fuit, set cum turma sua, quam ex fortissimis magis quam familiarissimis paraverat, vagari passim ac modo laborantibus suis succur- 30 rere, modo hostis, ubi confertissimi obstiterant, invadere: manu consulere militibus, quoniam imperare conturbatis 2 omnibus non poterat. Iamque dies consumptus erat, cum tamen barbari nihil remittere atque, uti reges praeceperant, 3 noctem pro se rati acrius instare. Tum Marius ex copia 35 rerum consilium trahit, atque, uti suis receptui locus esset, collis duos propinquos inter se occupat, quorum in uno, castris parum ample, fons aquae magnus erat alter usui

opportunus, quia magna parte editus et praeceps pauca munimenta quaerebat. Ceterum apud aquam Sullam cum 4  
 equitibus noctem agitare iubet: ipse paulatim dispersos milites neque minus hostibus conturbatis in unum contrahit,  
 5 dein cunctos pleno gradu in collem subducit. Ita reges, loci 5 difficultate coacti, proelio deterrentur, neque tamen suos longius abire sinunt, set utroque colle multitudine circumdato effusi consedere. Dein crebris ignibus factis plerum- 6 que noctis barbari more suo lactari exultare, strepere 10 vocibus, et ipsi duces feroce, quia non fugerant, pro victoribus agere. Set ea cuncta Romanis ex tenebris et edi- 7 tioribus locis facilia visu magnoque hortamento erant. Plu- 99 rum vero Marius imperitia hostium confirmatus, quam maximum silentium haberi iubet, ne signa quidem, uti per 15 vigilias solebant, canere: deinde, ubi lux adventabat, defessis iam hostibus ac paulo ante somno captis de improviso vigiles, item cohortium turmarum legionum tubicines simul omnes signa canere, milites clamorem tollere atque portis erumpere [iubet]. Mauri atque Gaetuli, ignoto et horribili 20 sonitu repente exciti, neque fugere neque arma capere, neque omnino facere aut providere quicquam poterant: ita 3 cunctos strepitu clamore, nullo subveniente nostris instantibus, tumultu formidine quasi vaecordia ceperat. Denique omnes fusi fugati: arma et signa militaria pleraque capta, 25 pluresque eo proelio quam omnibus superioribus interempti. Nam somno et metu insolito impedita fuga.

Dein Marius uti cooperat, in hiberna \*\*\*\*\* prop- 100 ter conmeatum in oppidis maritumis agere decreverat. Neque tamen victoria socors aut insolens factus, set pariter 30 atque in conspectu hostium quadrato agmine incedere: Sulla 2 cum equitatu apud dextumos, in sinistra parte A. Manlius cum funditoribus et sagittariis, praeterea cohortis Ligurum curabat: primos et extremos cum expeditis manipulis tribunos locaverat: perfugae, minume cari et regionum scien- 35 tissimi, hostium iter explorabant. Simul consul quasi nullo inposito omnia providere, apud omnis adesse, laudare et increpare merentis. Ipse armatus intentusque item milites 4 cogebat: neque secus atque iter facere, castra munire, ex-

cubitum in portas cohortis ex legionibus, pro castris equites ex auxiliariis mittere, praeterea alios super vallum [in munimentis] locare, vigilias ipse circumire, non tam dissidentia futura quae imperavisset, quam uti militibus exaequatus cum imperatore labos volentibus esset. Et sane Marius illoque aliisque temporibus [Iugurthini belli] pudore magis quam malo exercitum coercebant: quod multi per ambitionem fieri aiebant, pars a pueritia consuetam duritiam et alia, quae ceteri miserias vocant, voluptati habuisse: nisi tamen res publica pariter ac saevissimo imperio bene atque 10 decore gesta.

101 Igitur quarto denique die haut longe ab oppido Cirta undique simul speculatores citi sese ostendunt, qua re hostis adesse intellegitur. Set quia divorsi redeuntes alias ab alia parte atque omnes idem significabant, consul incertus 15 quonam modo aciem instrueret, nullo ordine conmutato ad 3 vorsum omnia paratus ibidem operitur. Ita Iugurtham spes frustrata, qui copias in quattuor partis distribuerat, ratus 4 ex omnibus aequae aliquos ab tergo hostibus venturos. Interim Sulla, quem primum hostes adtigerant, cohortatus 20 suos turmatim et quam maxime confertis equis ipse alii- que Mauros invadunt, ceteri in loco manentes ab iaculis eminus emissis corpora tegere et si qui in manus venerant ob- 5 truncare. Dum eo modo equites proeliantur, Bocchus cum peditibus, quos Volux filius eius adduxerat neque in priore 25 pugna, in itinere morati, adsuerant, postremam Romanorum 6 aciem invadunt. Tum Marius apud primos agebat, quod ibi Iugurtha cum plurumis erat. Dein Numida cognito Bocchi adventu clam cum paucis ad pedites convertit: ibi Latine, nam apud Numantiam loqui didicerat, exclamat no- 30 stros frustra pugnare: paulo ante Marium sua manu interfectum: simul gladium sanguine oblitem ostendere, quem in pugna satis in pigre occiso pedite nostro cruentaverat. 7 Quod ubi milites accepere, magis atrocitate rei quam fide merti terrentur, simulque barbari animos tollere et in per- 35 culsos Romanos aerius incedere. Iamque paulum a fuga aberant, cum Sulla profligatis eis, quos advorsum ierat, re- diens ab latere Mauris incurrit. Bocchus statim avortitur.

At Iugurtha, dum sustentare suos et prope iam adeptam 9  
victoriam retinere cupit circumventus ab equitibus, dextra  
sinistra omnibus occisis solus inter tela hostium vitabundus  
erumpit. Atque interim Marius fugatis equitibus adcurrit 10  
auxilio suis, quos pelli iam acceperat. Denique hostes iam  
undique fusi. Tum spectaculum horribile in campis paten- 11  
tibus: sequi fugere, occidi capi: equi atque viri adflicti, ac  
multi volneribus acceptis neque fugere posse neque quietem  
paci, niti modo ac statim concidere: postremo omnia,  
10 qua visus erat, constrata telis armis cadaveribus, et inter  
ea humus infecta sanguine.

Post ea loci consul haut dubie iam victor pervenit in 102  
oppidum Cirtam, quo initio profectus intenderat. Eo post 2  
diem quintum quam iterum barbari male pugnaverant legati  
15 a Boccho veniunt, qui regis verbis ab Mario petivere, duos  
quam fidissimos ad eum mitteret: velle de se et de populi  
Romani commodo cum eis disserere. Ille statim L. Sullam 3  
et A. Manlium ire iubet. Qui quamquam acciti ibant, ta-  
men placuit verba apud regem facere, uti ingenium aut  
20 avorsum fletterent, aut cupidum pacis vehementius adcen-  
derent. Itaque Sulla, cuius facundiae, non aetati a Manlio 4  
concessum, pauca verba huiusce modi locutus:

'Rex Bocche, magna laetitia nobis est, cum te tales 5  
virum dei monuere uti aliquando pacem quam bellum mal-  
25 les neu te optimum cum pessumo omnium Iugurtha mis-  
cendo conmaculares, simul nobis demeres acerbam neces-  
situdinem, pariter te errantem atque illum sceleratissimum  
persequi. Ad hoc populo Romano iam a principio imperi 6  
melius visum amicos quam servos quererere: tutiusque rati-  
30 volentibus quam coactis imperitare. Tibi vero nulla oppor- 7  
tunior nostra amicitia, primum quia procul absimus, in  
quo obsensae minumum, gratia par ac si prope adesse-  
mus, dein quia parentis abunde habemus, amicorum neque  
nobis neque cuiquam omnium satis fuit. Atque hoc utinam 8  
35 a principio tibi placuisse! profecto ex populo Romano ad  
hoc tempus multo plura bona accepisses, quam mala per-  
pessus es. Set quoniam humanarum rerum Fortuna plera- 9  
que regit, cui scilicet placuit et vim et gratiam nostram

te experiri, nunc, quando per illam licet, festina atque uti  
 10 coepisti perge. Multa atque opportuna habes, quo facilius  
 11 errata officiis superes. Postremo hoc in pectus tuum de-  
 mitte, numquam populum Romanum beneficiis victum esse:  
 nam bello quid valeat tute scis.'

12 Ad ea Bocchus placide et benigne, simul pauca pro  
 delicto suo verba facit: se non hostili animo, set regnum  
 13 tutantem arma cepisse: nam Numidiae partem, unde vi lu-  
 gurtham expulerit, iure belli suam factam: eam vastari a  
 14 Mario pati nequivisse: praeterea missis antea Romanam lega- 10  
 tis repulsum ab amicitia: ceterum vetera omittere, ac tum,  
 15 si per Marium liceret, legatos ad senatum missurum. Dein  
 copia facta animus barbari ab amicis flexus, quos Iugurtha  
 cognita legatione Sullae et Manli, metuens id quod para-  
 batur, donis conruperat. 15

103 Marius interea exercitu in hibernaculis composito cum  
 expeditis cohortibus et parte equitatus proficiscitur in loca  
 sola obsessum turrim regiam, quo Iugurtha persugas omnis  
 praesidium inposuerat.

2 Tum rursus Bocchus, seu reputando quae sibi duo- 20  
 bus proeliis venerant, seu admonitus ab aliis amicis, quos  
 inconruptos Iugurtha reliquerat, ex omni copia necessa-  
 riorum quinque delegit, quorum et fides cognita et inge-  
 3 nia validissima erant: eos ad Marium ac deinde, si pla-  
 ceat, Romanam legatos ire iubet: agundarum rerum et quo- 25  
 cumque modo belli conponendi licentiam [illis] permittit.  
 4 Illi mature ad hiberna Romanorum proficiscuntur, deinde  
 in itinere a Gaetulis latronibus circumventi spoliatique pa-  
 vidi sine decore ad Sullam persugiunt, quem consul in ex-  
 5 pditionem proficiscens pro praetore reliquerat. Eos ille 30  
 non pro vanis hostibus, uti meriti erant, set adcurate ac  
 liberaliter habuit: qua re barbari et fainam avaritiae Ro-  
 manorum falsam et Sullam ob munificentiam in sese amicum  
 6 rati. Nam etiamtum largitio multis ignorata erat: muni-  
 ficius nemo putabatur, nisi pariter volens, dona omnia in be- 35  
 7 nignitate habebantur. Igitur quaestori mandata Bocchi pa-  
 tefaciunt: simul ab eo petunt, uti fautor consultorque sibi  
 adsit: copias fidem magnitudinem regis sui et alia, quae

aut utilia aut benivolentiae esse credebant, oratione extollunt: dein Sulla omnia pollicito docti, quo modo apud Marium, item apud senatum verba facerent, circiter dies quadraginta ibidem operiuntur.

<sup>5</sup> Marius ubi infecto quod intenderat negotio Cirtam re- 104 diit et de adventu legatorum certior factus est, illosque et Sullam ad Uticam venire iubet, item L. Bellenum praetorem, praeterea omnis undique senatorii ordinis, quibuscum mandata Bocchi cognoscit. Legatis potestas Romam <sup>2</sup>  
<sup>10</sup> eundi fit ab consule, interea induciae postulabantur. Ea Sullae et plerisque placuere: pauci ferocius decernunt, scilicet ignari rerum humanarum, quae fluxae et mobiles in advorsa semper mutantur. Ceterum Mauri inpetratis om- <sup>3</sup> nibus tres Romam profecti sunt cum Gn. Octavio Rusone,  
<sup>15</sup> qui quaestor stipendium in Africam portaverat, duo ad regem redeunt. Ex eis Bocchus cum cetera, tum maxime benignitatem et studium Sullae lubens accepit. Romaeque <sup>4</sup> legatis eius, postquam errasse regem et Iugurthae scelere lapsum deprecati sunt, amicitiam et foedus potentibus hoc <sup>20</sup> modo respondetur: 'Senatus et populus Romanus benefici et iniuria memor esse solet. Ceterum Boccho, quoniam paenitet, delicti gratiam facit: foedus et amicitia dabuntur, cum meruerit.'

Quibus rebus cognitis Bocchus per litteras a Mario pe- 105  
<sup>25</sup> tiverat, uti ad se mitteret Sullam, cuius arbitratu de communibus negotiis consuleretur. Is missus cum praesidio <sup>2</sup> equitum atque [peditum, item] funditorum Balearium: praeterea iere sagittarii et cohors Paeligna cum velitaribus armis, itineris properandi caussa, neque eis secus atque alijs <sup>30</sup> armis advorsus tela hostium [quod ea levia sunt], muniti. Set in itinere quinto denique die Volux, filius Bocchi, repente <sup>3</sup> in campis patentibus cum mille non amplius equitibus sese ostendit, qui temere et effuse eentes Sullae aliquaque omnibus et numerum vero ampliorem et hostilem metum efficie- <sup>35</sup> bant. Igitur se quisque expedire, arina atque tela temptare <sup>4</sup> intendere: timor aliquantus, set spes amplior, quippe victoribus et advorsus eos quos saepe vicerant. Interim equites <sup>5</sup> exploratum praemissi rem, uti erat, quietam nuntiant. Volux 106

adveniens quaestorem adpellat dicitque se a patre Boccho  
obviam illis simul et praesidio missum. Deinde eum et  
2 proximum diem sine metu coniuncti eunt. Post ubi castra  
locata et diei vesper erat, repente Maurus incerto voltu pa-  
vens ad Sullam adcurrit dicitque sibi ex speculatoribus co- 5  
gnitum, Iugurtham haut procul abesse: simul uti noctu  
3 clam secum profugeret, rogat atque hortatur. Ille animo  
feroci negat se totiens fusum Numidam pertimescere: vir-  
tuti suorum satis credere: etiam si certa pestis adesset,  
mansurum potius quam proditis, quos ducebat, turpi fuga 10  
incertae ac forsitan post paulo morbo interiturae vitae par-  
4 ceret. Ceterum ab eodem monitus uti noctu proficisceren-  
tur, consilium adprobat, ac statim milites coenatos esse  
in castris ignisque quam creberrimos fieri, dein prima vi-  
5 gilia silentio egredi iubet. Iamque nocturno itinere fassis 15  
omnibus Sulla pariter cum ortu solis castra metabatur, cum  
equites Mauri nuntiant Iugurtham circiter duum milium in-  
6 tervallo ante eos consedisse. Quod postquam auditum est,  
tum vero ingens metus nostros invadit: credere se proditos  
a Voluce et insidiis circumventos, ac fuere, qui dicere 20  
manu vindicandum neque apud illum tantum scelus inultum  
107 relinquendum. At Sulla, quamquam eadem existumabat,  
tamen ab iniuria Maurum prohibet: suos hortatur uti for-  
tem animum gererent: saepe antea paucis strenuis advor-  
sum multitudinem bene pugnatum: quanto sibi in proelio 25  
minus pepercissent, tanto tutiores fore: nec quemquam de-  
cere, qui manus armaverit, ab inermis pedibus auxilium  
petere, in maxumo metu nudum et caecum corpus ad ho-  
2 stis vortere. Dein Volucem, quoniam hostilia ficeret,  
Iovem maximum obtestatus ut sceleris atque perfidiae Boc- 30  
3 chi testis adesset, ex castris abire iubet. Ille lacrumans  
orare ne ea crederet: nihil dolo factum, ac magis calliditate  
Iugurthae, cui videlicet speculantiter iter suum cognitum esset:  
4 ceterum quoniam neque ingentem multitudinem haberet et  
spes opesque eius ex patre suo penderent, credere illum 35  
5 nihil palam ausurum, cum ipse filius testis adesset: qua re  
optimum factu videri, per media eius castra palam trans-  
ire: sese vel praemissis vel ibidem relictis Mauris colum

cum Sulla iturum. Ea res, uti in tali negotio, probata, ac 6 statim profeeti, quia de improviso acciderant, dubio atque haesitante Iugurtha incolumes transeunt. Deinde paucis die- 7 bus quo ire intenderant perventum est.

Ibi cum Bocchio Numida quidam, Aspar nomine, mul- 108 tum et familiariter agebat, praemissus ab Iugurtha, post- quam Sullam accitum audierat, orator et subdole specula- tum Bocchi consilia: praeterea Dabar, Massugradae filius, ex gente Masinissae, ceterum materno genere inpar [nam 10 pater eius ex concubina ortus erat], Mauro ob ingeni multa bona carus acceptusque. Quem Bocchius fidum esse Ro- 2 manis multis ante tempestatibus expertus, ilico ad Sullam nuntiatum mittit, paratum sese facere quae populus Romanus vellet: conloquio diem locum tempus ipse delegeret: 15 consulta sese omnia cum illo integra habere: neu Iugur- thae legatum pertimesceret, \*\*\*\*\* quo res communis li- centius gereretur: nam ab insidiis eius aliter caveri nequi- visse. Set ego conperior Bocchum magis Punica fide quam 3 ob ea quae praedicabat simul Romanum et Numidam spe 20 pacis adtinuisse, multumque cum animo suo volvere soli- tum, Iugurtham Romanis, an illi Sullam traderet: lubidi- nem advorsum nos, metum pro nobis suasisse. Igitur Sulla 109 respondit pauca coram Aspare locuturum, cetera occulte, aut nullo aut quam paucissimum praesentibus: simul edocet 25 quae sibi responderentur. Postquam, sicuti voluerat, con- 2 gressi, dicit se missum a consule venisse quaesitum ab eo, pacem an bellum agitaturus foret. Tum rex, uti praecep- 3 tum fuerat, post diem decumum redire iubet: ac nihil etiam- tum decrevisse, set illo die responsurum. Deinde ambo in 4 80 sua castra digressi sunt. Set ubi plerumque noctis processit, Sulla a Boccho occulte accersitur: ab utroque tantum modo fidi interpretes adhibentur, praeterea Dabar internuntius, sanctus vir et ex sententia ambobus. Ac statim sic rex incipit:

'Numquam ego ratus sum fore, uti rex maximus in 110  
35 hac terra et omnium quos novi privato homini gratiam de- berem. Et mehercule, Sulla, ante te cognitum multis oran- 2 tibus, aliis ultiro egomet opem tuli, nullius indigui. Id in- 3 minutum, quod ceteri dolere solent, ego laetor: fuerit mihi

eguisse aliquando tuae amicitiae, qua apud animum meum  
 4 nihil carius habeo. Id adeo experiri licet: arma viros pecu-  
 niam, postremo quicquid animo lubet, sume utere, et quoad  
 vives, numquam tibi redditam gratiam putaveris: semper  
 apud me integra erit: denique nihil me sciente frustra voles.  
 5 Nam, ut ego aestumo, regem armis quam munificentia vinci  
 6 minus flagitosum est. Ceterum de re publica vostra, cuius  
 7 curator huc missus es, paucis accipe. Bellum ego populo  
 Romano neque feci, neque factum umquam volui: at finis  
 8 meos aduersum armatos arnis tutatus sum. Id omitto,  
 quando vobis ita placet: gerite, quoad voltis, cum Iugurtha bel-  
 lum. Ego flumen Muluccham, quod inter me et Micipsam fuit,  
 non egrediar, neque [id] intrare Iugurtham sinam. Praeterea si  
 quid meque vobisque dignum petiveris, haut repulsus abibis.'

111 Ad ea Sulla pro se breviter et modice, de pace et com-  
 munibus rebus multis disseruit: denique regi patefecit: quod  
 polliceretur, senatum et populum Romanum, quoniam ar-  
 mis amplius valuisserent, non in gratiam habituros: faciendum  
 esse aliquid, quod illorum magis quam sua retulisse videre-  
 tur: id adeo in promptu esse, quoniam copiam Iugurthae  
 haberet: quem si Romanis tradidisset, fore ut illi plu-  
 rum debetur: amicitiam, foedus, Numidiae partem, quam  
 2 nunc peteret, ultro tunc adventuram. Rex primo negitare:  
 cognationem, adsinitatem, praeterea foedus intervenisse:  
 ad hoc metuere, ne fluxa fide usus popularium animos  
 avorteret, quis et Iugurtha carus, et Romani invisi erant.  
 3 Denique saepius fatigatus lenitur et ex voluntate Sullae om-  
 4 nia se facturum promittit. Ceterum ad simulandam pacem,  
 cuius Numida defessus bello avidissimus erat, quae utilia  
 visa constituunt. Ita conposito dolo digrediuntur. 30

112 At rex postero die Asparem, Iugurthae legatum, ad-  
 pellat dicitque: sibi per Dabarem ex Sulla cognitum, posse  
 conditionibus bellum poni: quam ob rem regis sui senten-  
 2 tiam exquireret. Ille laetus in castra Iugurthae profiscisci-  
 tur, deinde ab illo cuneta edoctus properato itinere post  
 diem octavum redit ad Bocchum et ei nuntiat: Iugurtham cu-  
 pere omnia, quae imperarentur, facere, set Mario parum con-  
 fidere: saepe antea cum imperatoribus Romanis pacem con-

ventam frustra fuisse: ceterum Bocchus si ambobus con- 3  
sultum et ratam pacem vellet, daret operam ut una ab  
omnibus quasi de pace in conloquium veniretur, ibique sibi  
Sullam traderet: cum talem virum in potestatem habuisset,  
5 tum fore uti iussu [senatus aut] populi [Romani] foedus  
fieret: neque hominem nobilem, non sua ignavia set ob rem  
publicam in hostium potestate, relictum iri.

Haec Maurus secum ipse diu volvens tandem promisit: 113  
ceterum dolo an vere cunctatus, parum conperimus. Set  
10 plerumque regiae voluntates, ut vehementes, sic mobiles,  
saepe ipsac sibi advorsae. Postea tempore et loco consti- 2  
tuto, in conloquium uti de pace veniretur, Bocchus Sul-  
lam modo, modo Iugurthae legatum adpellare, benigne ha-  
beret, idem ambobus polliceri. Illi pariter laeti ac spei bo-  
15 nae pleni esse. Set nocte ea, quae proxima fuit ante diem 3  
conloquio decretum, Maurus adhibitis amicis ac statim in-  
mutata voluntate remotis dicitur secum ipse multum agi-  
tavisse, voltu et oculis pariter atque animo varius [quae  
scilicet tacente ipso occulta pectoris patefecisse]. Tamen 4  
20 postremo Sullam accersi iubet et ex illius sententia Numi-  
dae insidias tendit. Deinde, ubi dies advenit et ei nuntia- 5  
tum est Iugurtham haut procul abesse, cum paucis amicis et  
quaestore nostro quasi obvius honoris causa procedit in  
tumulum facillum visu insidiantibus. Eodem Numida 6  
25 cum plerisque necessariis suis inermis, uti dictum erat, ad-  
cedit ac statim signo dato undique simul ex insidiis inva-  
ditur. Ceteri obtruncati: Iugurtha Sullae vincitus traditur 7  
et ab eo ad Marium deductus est.

Per idem tempus advorsum Gallos ab ducibus nostris 114  
30 Q. Caepione et Gn. Manlio male pugnatum: quo metu Italia  
omnis contremuit. Illimque usque ad nostram memoriam 2  
Romani sic habuere, alia omnia virtuti suae prona esse,  
cum Gallis pro salute, non pro gloria certari. Set post- 3  
35 quam bellum in Numidia confectum et Iugurtham Romam  
vincutum adduci nuntiatum est, Marius consul absens factus  
est et ei decreta provincia Gallia: isque Kalendis Ianuariis  
magna gloria consul triumphavit. Et ea tempestate spe-  
que opes civitatis in illo sitae.

ORATIONES ET EPISTULAE  
EX  
HISTORIIS EXCERPTAE.

---

*M. Aemili Lepidi consulis ad populum Romanum oratio contra Sullam.*

1 Clementia et probitas vostra, Quirites, quibus per ceteras gentis maxumi et clari estis, plurimum timoris mihi faciunt advorsum tyrannidem L. Sulla, ne, quae ipsi nefanda existumatis, ea parum credundo de aliis circumveniamini, — praesertim cum illi spes omnis in sce-  
lere atque perfidia sit neque se aliter tutum putet, quam si peior atque intestabilior metu vostro fuerit, quo captis libertatis curam miseria eximat — aut, si provideritis, in  
2 vitandis periculis magis quam uleiscendo teneamini Satellites quidem eius, homines maxumi nominis, optumis ma-  
iorum exemplis, nequeo satis mirari, qui dominationis in  
3 vos servitium suum mercedem dant et utrumque per iniuriam malunt quam optimo iure liberi agere: praeclara  
4 Brutorum atque Aemiliorum et Lutatiorum proles, geniti ad ea, quae maiores virtute peperere, subvortunda. Nam quid a Pyrrho Hannibale, Philippoque et Antioeho defensum est aliud quam libertas et sua euique sedes, neu eui  
5 nisi legibus pareremus? quae cuncta scaevus iste Romulus quasi ab externis rapta tenet, non tot exercituum clade neque consulum et aliorum principum, quos fortuna belli consumpscerat, satiatus, set tum crudelior, cum plerosque  
6 secundae res in miserationem ex ira vortunt. Quin solus omnium post memoriam humani generis subplicia in post futuros conposuit, quis prius iniuria quam vita certa esset:

pravissimumque per sceleris inumanitatem adhuc tutus fuit, dum vos metu gravioris serviti a repetunda libertate termini.

Agendum atque obviam eundum est, Quirites, ne spolia 7  
 vostra penes illos sint: non prolatandum neque votis paranda auxilia: nisi forte speratis taedium iam aut pudorem tyrannidis Sullae esse et eum per scelus occupata periculosius dimissurum. At ille eo processit, us nihil gloriosum 8  
 nisi tutum et omnia retinendae dominationis honesta ex-  
 istumet. Itaque illa quies et otium cum libertate, quae 9  
 multi probi potius quam laborem cum honoribus capessabant, nulla sunt: hac tempestate serviundum aut im- 10  
 peritandum, habendus metus est aut faciundus, Quirites. Nam quid ultra? quaeve humana superant aut divina in- 11  
 polluta sunt? Populus Romanus, paulo ante gentium moderator, exutus imperio gloria iure, agitandi inops despectusque ne servilia quidem alimenta relicua habet. Sociorum 12  
 et Latini magna vis civitate pro multis et egregiis factis a vobis data per unum prohibentur, et plebei in-  
 noxiae patrias sedes occupavere pauci satellites, mercedem scelerum. Leges iudicia aerarium, provinciae reges 13  
 penes unum, denique necis civium et vitae licentia. Simul 14  
 humanas hostias vidistis et sepulcra infecta sanguine civili. Estne viris relicui aliud quam solvere iniuriam aut mori 15  
 per virtutem? quoniam quidem unum omnibus finem natura vel ferro saeptis statuit, neque quisquam extremam necessitatem nihil ausus nisi muliebri ingenio expectat. Verum ego seditiosus, uti Sulla ait, qui praemia turbarum 16  
 queror, et bellum cupiens, qui iura pacis repeto. Scilicet 17  
 quia non aliter salvi satisque tuti in imperio eritis, nisi Vettius Picens et scriba Cornelius aliena bene parta prodegerint: nisi adprobaritis omnes proscriptionem innoxiorum ob divitias, cruciatus virorum inlustrium, vastam urbem fuga et caedibus, bona civium miserorum quasi Cimbri- 18  
 cam praedam vaenum aut dono datam. At obiectat mihi possessiones ex bonis proscriptorum: quod quidem scelerum illius vel maximum est, non me neque quemquam omnium satis tutum fuisse, si recte faceremus. Atqui illa,

quae tum formidine mercatus sum, precio soluto iure dominus, tamen restituo, neque pati consilium est ullam ex 19 civibus praedam esse. Satis illa fuerint, quae rabie contracta toleravimus, manus conserentis inter se Romanos exercitus et arma ab externis in nosmet vorsa. Scelerum et contumeliarum omnium finis sit. Quorum adeo Sullam non paenitet, ut et facta in gloria numeret et, si liceat, avidius fecerit.

20 Neque iam quid existumetis de illo, set quantum audieatis vereor: ne alias alium principem expectantes ante 10 capiamini — non opibus eius, quae fuitiles et corruptae sunt, set vostra socordia, quam captum ire licet et 21 quam audeas tam videri felicem. Nam praeter satellites conmaculatos quis eadem volt, aut quis non omnia mutata praeter victorem? Scilicet milites, quorum sanguine Tarulae Scirtoque, pessumis servorum, divitiae partae sunt. An quibus praelatus in magistratibus capiundis Fusidius, 22 ancilla turpis, honorum omnium dehonestamentum? Itaque maxumam mihi fiduciam parit victor exercitus, cui per tot volnera et labores nihil praeter tyrannum quae- 20 23 situm est. Nisi forte tribuniciam potestatem evorsum profecti sunt, per arma conditam a maioribus suis, utique iura et iudicia sibimet extorquerent: egregia scilicet mercede, cum relegati in paludes et silvas contumeliam atque 24 invidiam suam, praemia penes paucos intellegent. Qua re igitur tanto agmine atque animis incedit? Quia secundae res mire sunt vitiis optentui: quibus labefactis quam formidatus est tam contemnetur: nisi forte specie concordiae et pacis, quae sceleri et parcidio suo nomina indidit: neque aliter rem publicam et belli finem ait, nisi maneat 30 expulsa agris plebes, praeda civilis acerbissima, ius iudiciumque omnium rerum penes se, quod populi Romani 25 fuit. Quae si vobis pax et composita intelleguntur, maxima turbamenta rei publicae atque exitia probate, adnuite legibus inpositis, accipite otium cum servitio, et tradi- 35 te exemplum posteris ad rem publicam suimet sanguinis 26 mercede circumveniundam. Mihi, quamquam per hoc summum imperium satis quae situm erat nomini maiorum, digni-

tati atque etiam praesidio, tamen non fuit consilium privatas opes facere, potiorque visa est periculosa libertas quieto servitio. Quae si probatis, adeste, Quirites, et bene 27  
5 iuvantibus divis M. Aemilium consulem ducem et auctorem sequimini ad recipiundam libertatem.

*Oratio Philippi in sententia.*

Maxime vellem, patres conscripti, rem publicam quiete 1  
10 tam esse aut in periculis a promptissimo quoque defendi, denique prava incepta consultoribus noxae esse. Set contra seditionibus omnia turbata sunt, et ab eis quos prohibere magis decebat, postremo quae pessumi et stultissimi decrevere, ea bonis et sapientibus facienda sunt. Nam bel- 2  
15 lum atque arma, quamquam vobis invisa, tamen quia Lepido placent, sumunda sunt: nisi forte cui pacem praestare et bellum pati consilium est. Pro dei boni, qui hanc 3  
urbem amissa curia adhuc tegitis, M. Aemilius, omnium flagitiosorum postremus, qui peior an ignavior sit delibe- 20  
rari non potest, exercitum obprimundae libertatis habet et se e contempto metuendum effecit: vos mussantes et retractantes verbis et vatum carminibus pacem optatis magis quam defenditis neque intellegitis mollitia decretorum vobis dignitatem, illi metum detrahi. Atque id iure, quoniam 4  
25 ex rapinis consulatum, ob seditionem provinciam cum exercitu adeptus est. Quid ille ob bene facta cepisset, cuius sceleribus tanta praemia tribuistis? At scilicet eos, 5  
qui ad postremum usque legatos, pacem concordiam et alia huiuscmodi decreverunt, gratiam ab eo peperisse.  
30 Immo despecti et indigni re publica habitu praedae loco aestumantur, quippe metu pacem repetentes, quo habita- 6  
tam amiserant. Evidem a principio, cum Etruriam con-  
iurare, proscriptos accersi, largitionibus rem publicam lacerari videbam, maturandum putabam et Catuli consilia  
35 cum paucis secutus sum. Ceterum illi, qui gentis Aemiliae bene facta extollebant et ignoscendo populi Romani magnitudinem auxisse, nusquam etiamtum Lepidum progressum aiebant, cum privata arma obprimundae libertatis cepisset:

sibi quisque opes aut patrocinia quaerundo consilium publi-  
 7 cum conruperunt. At tum erat Lepidus latro cum caloni-  
 bus et paucis sicariis, quorum nemo *non* diurna mercede  
 vitam mutaverit: nunc est pro consule cum imperio non  
 empto set dato a vobis, cum legatis adhuc iure parenti-  
 bus: et ad eum concurrere homines omnium ordinum con-  
 ruptissimi, flagrantes inopia et cupidinibus, scelerum con-  
 scientia exagitati, quibus quies in seditionibus, in pace  
 turbae sunt: ei tumultum ex tumultu, bellum ex bello se-  
 runt, Saturnini olim, post Sulpici, dein Mari Damasippi-  
 10 8 que, nunc Lepidi satellites. Praeterea Etruria atque omnes  
 reliquiae belli adrectae, Hispaniae armis sollicitae, Mithri-  
 dates in latere vectigalium nostrorum, quibus adhuc sus-  
 tentamur, diem bello circumspicit: quin praeter idoneum  
 ducem nihil abest ad subvortundum imperium. 15

9 Quod ego vos oro atque obsecro, patres conscripti, ut  
 animaduortatis, neu patiamini licentiam scelerum quasi ra-  
 biem ad integros contactu procedere. Nam ubi malos prae-  
 mia secuntur, haut facile quisquam gratuito bonus est.  
 10 An expectatis, dum exercitu rursus admoto ferro atque 20  
 flamma urbem invadat? quod multo propius est ab eo quo  
 agitat statu, quam ex pace et concordia ad arma civilia,  
 quae ille aduersum divina et humana omnia cepit, non pro  
 sua aut quorum simulat iniuria, set legum ac libertatis  
 11 subvortundae. Agitur enim ac laceratur animi cupidine et 25  
 noxarum metu, expers consili, inquies, haec atque illa  
 temptans, metuit otium odit bellum, luxu atque licentia  
 carendum videt — atque interim abutitur vostra socordia.  
 12 Neque mihi satis consili est, metum an ignaviam an de-  
 mientiam eam adpellem: qui videmini intuentes tanta mala sc  
 quasi fulmen optare se quisque ne adtingat, set prohibere ne  
 13 conari quidem. Et quae so considerate, quam convorsa  
 rerum natura sit. Antea malum publicum occulte, auxilia  
 palam instruebantur et eo boni malos facile anteibant:  
 nunc pax et concordia disturbantur palam, defenduntur ss  
 occulte: quibus illa placent in armis sunt, vos in metu.  
 14 Quid expectatis? nisi forte pudet aut piget recte facere.  
 An Lepidi mandata animos movere? qui placere ait sua

cuique reddi et aliena tenet, belli iura rescindi cum ipse armis cogat, civitatem confirmari quibus ademptam negat, concordiae gratia plebei tribuniciam potestatem restitui ex qua omnes discordiae adcensae. Pessume omnium atque 15  
 5 in pudenterissime, tibine egestas civium et luctus curae sunt? cui nihil est domi nisi armis partum aut per iniuriam. Alterum consulatum petis quasi primum reddideris, bello concordiam quaeris quo parta disturbatur, nostri proditor, istis infidus, hostis omnium bonorum. Ut te neque homi-  
 10 num neque deorum pudet, quos per fidem aut periurio violasti! Qui quando talis es, mancas in sententia et reti- 16  
 neas arma te hortor, neu prolatandis seditionibus, inquies ipse, nos in sollicitudine adtineas. Neque te provinciae, neque leges, neque dei penates civem patiuntur. Perge  
 15 qua coeptras, ut quam maturrume merita invenias.

Vos autem, patres conscripti, quo usque cunctando 17  
 rem publicam intutam patiemini et verbis arma tempta-  
 bitis? Dilectus advorsum vos habiti, pecuniae publice et  
 privatim extortae, praesidia deducta atque inposita: ex lu-  
 20 bidine leges imperantur, cum interim vos legatos et de-  
 creta paratis. Quanto mehercules avidius pacem petieritis.  
 tanto bellum acrius erit, cum intellegeat se metu magis  
 quam aequo et bono sustentatum. Nam qui turbas et cae- 18  
 dem civium odisse ait et ob id armato Lepido vos inermos  
 25 retinet, quae victis toleranda sunt, ea cum facere possitis  
 patiamini potius censem. Ita illi a vobis pacem, vobis ab  
 illo bellum suadet. Hacc si placent, si tanta torpedo ani-  
 mos obrepit, ut oblii scelerum Cinnae, cuius in urbem  
 reditu decus ordinis huius interiit, nihil minus vos atque 19  
 30 coniuges et liberos Lepido permissuri sitis, quid opus de-  
 cretis? quid auxilio Catuli? Quin is et alii boni rem pu-  
 blicam frustra curant. Agite, ut lubet! parate vobis Ce-  
 thegi atque alia proditorum patrocinia, qui rapinas et in-  
 cendia instaurare cupiunt et rursus advorsum deos penatis  
 35 manus armare. Sin libertas et vera magis placent, de-  
 cernite digna nomine et augete ingenium viris fortibus.  
 Adest novos exercitus, ad hoc coloniae veterum militum, 21  
 nobilitas omnis, duces optumi: fortuna meliores sequi-

tur: iam illa, quae socordia vostra conlecta sunt, dilabentur.

22 Qua re ita censeo: quoniam M. Lepidus exercitum privato consilio paratum cum pessumis et hostibus rei publicae contra huius ordinis auctoritatem ad urbem ducit, 5 uti Appius Claudius interrex cum Q. Catulo pro consule et ceteris quibus imperium est urbi praesidio sint, operamque dent ne quid res publica detrimenti capiat.

*Oratio G. Cottae consulis ad populum Romanum.*

10

1 Quirites, multa mihi pericula domi militiaeque, multa advorsa fuere, quorum alia toleravi, partim reppuli deorum auxiliis et virtute mea: in quis omnibus numquam animus negotio defuit, neque decretis labos: malae secundaeque 15 res opes, non ingenium mihi mutabant. At contra in his miseriis cuncta me cum fortuna deseruere. Praeterea senectus, per se gravis, curam duplicat, cui misero acta 2 res opes, non ingenium mihi mutabant. At contra in his miseriis cuncta me cum fortuna deseruere. Praeterea senectus, per se gravis, curam duplicat, cui misero acta 3 iam aetate ne mortem quidem honestam sperare licet. Nam si paricida vostri sum et bis genitus hic deos penatis meos 20 patriamque et summum imperium vilia habeo, quis mihi vivo cruciatus satis est aut quae poena mortuo? quin omnia memorata apud inferos subplicia scelere meo vici.

4 A prima adulescentia in ore vostro privatus et in magistratibus egi: qui lingua, qui consilio meo, qui pecunia 25 voluere, usi sunt: neque ego callidam facundiam neque ingenium ad male faciendum exercui: avidissimus privatae gratiae maxumas inimicitias pro re publica suscepit: quis victus cum illa simul, cum egens alienae opis plura mala expectarem, vos, Quirites, rursus mihi patriam deosque 30 penatis cum ingenti dignitate dedistis. Pro quibus beneficiis vix satis gratus videar, si singulis animam, quam nequeo, concesserim. Nam vita et mors iura naturae sunt: ut sine dedecore cum civibus fama et fortunis integer agas, id dono datur atque accipitur.

6 Consules nos fecistis: Quirites, domi bellique impeditissima re publica. Namque imperatores Hispaniae stipendium milites, arma frumentum poscunt: et id res cogit,

35

quoniam defectione sociorum et Sertori per montis fuga  
 neque manu certare possunt neque utilia parare. Exercitus  
 in Asia Ciliciaque ob nimias opes Mithridatis aluntur, Ma-  
 cedonia plena hostium est, nec minus Italiae marituma et  
 5 provinciarum, cum interim vectigalia parva et bellis incerta  
 vix partem sumptuum sustinent: ita classe, quae conmea-  
 tus tuebatur, minore quam antea navigamus. Haec si dolo  
 aut socordia nostra contracta sunt, agite ut monet ira,  
 subplicum sumite: sin fortuna communis asperior est, qua  
 10 re indigna vobis nobisque et re publica incipitis?

Atque ego, cuius aetati mors propior est, non de- 9  
 precor, si quid ea vobis incommodi demitur: neque mox  
 senio corporis honestius quam pro vostra salute finem  
 vitae fecerim. Adsum en Gaius Cotta consul: facio quod 10  
 15 saepe maiores asperis bellis fecere: vovo dedoque me  
 pro re publica. Quam deinde cui mandetis circumspici-  
 cite: nam talem honorem bonus nemo volet, cum fortu- 11  
 nae et maris et belli ab aliis acti ratio reddunda aut tur-  
 piter moriendum sit. Tantum modo in animis habetote non 12  
 20 me ob scelus aut avaritiam caesum, set volentem pro ma-  
 xumis beneficiis animam dono deditse. Per vos, Quirites, 13  
 et gloriam maiorum, tolerate advorsa, et consultite rei  
 publicae. Multa cura summo imperio inest, multi ingentes 14  
 labores. Quos neququam abnuitis, et pacis opulentiam  
 25 quaeritis, cum omnes provinciae regna maria terraeque  
 aspera aut fessa bellis sint.

*Epistula Gn. Pompei ad senatum.*

30 Si advorsus vos patriamque et deos penatis tot labo- 1  
 res et pericula suscepissem, quotiens a prima adolescentia  
 ductu meo scelestissimi hostes fusi et vobis salus quaesita  
 est, nihil amplius in absentem me statuissetis quam adhuc  
 agitis, patres conscripti: quem contra aetatem proiectum  
 35 ad bellum saevissimum cum exercitu optume merito, quan-  
 tum est in vobis, fame, miserruma omnium morte, con-  
 fecistis. Hacine spe populus Romanus liberos suos ad bel-  
 lum misit? haec sunt praemia pro volneribus et totiens ob  
 2

rem publicam fuso sanguine? Fessus scribundo mittundoque  
 iugatos omnis opes et spes privatas meas consumpsi, cum  
 interim a vobis per triennium vix annuus sumptus datus  
 3 est. Per deos inmortalis, utrum censem me vicem aerari  
 praestare, an exercitum sine frumento et stipendio habere  
 4 posse? Evidem fateor me ad hoc bellum maiore studio  
 quam consilio prosectum: quippe qui nomine modo imperi  
 a vobis accepto diebus quadraginta exerceitum paravi, ho-  
 stisque in cervicibus iam Italiae agentis ab Alpibus in  
 Hispaniam submovi. Per eas iter aliud atque Hannibal,<sup>10</sup>  
 5 nobis opportunius, patefeci. Recepit Galliam Pyrenaeum, Ia-  
 cetiam Indigetis, et primum inpetum Sertori victoris no-  
 vis militibus et multo paucioribus sustinui hiememque ca-  
 stris inter saevissimos hostis, non per oppida neque ex  
 6 ambitione mea egi. Quid deinde proelia aut expeditiones<sup>15</sup>  
 hibernas, oppida excisa aut recepta enumerem? quando  
 res plus valet quam verba. Castra hostium apud Sucro-  
 nem capta et proelium apud flumen Turiam et dux hostium  
 G. Herennius cum urbe Valentia et exercitu deleti satis clara  
 vobis sunt: pro quis, o grati patres, egestatem et famem<sup>20</sup>  
 redditis. Itaque meo et hostium exerceitui par conditio est:  
 7 namque stipendum neutri datur: victor uterque in Italianam  
 8 venire potest. Quod ego vos moneo quaeoque ut animad-  
 voltatis, neu cogatis necessitatibus privatim mihi consulere.  
 9 Hispaniam eiteriorem, qua non ab hostibus tenetur, nos<sup>25</sup>  
 aut Sertorius ad internacionem vastavimus praeter mari-  
 tumas civitates, ultro nobis sumptui oneriique. Gallia su-  
 priore anno Metelli exercitum stipendio frumentoque aluit  
 et nunc malis fructibus ipsa vix agitat. Ego non rem fa-  
 10 miliarem modo, verum etiam fidem consumpsi. Relicui vos<sup>30</sup>  
 estis: qui nisi subvenitis, invito et praedicente me exer-  
 citus hinc et eum eo omne bellum Hispaniae in Italianam  
 transgredientur,

*Oratio Macri trib. pleb. ad pleb.*  
 (II. III 61).

1 Si, Quirites, parum existumaretis, quid inter ius a<sup>35</sup>  
 maioribus relictum vobis et hoc a Sulla paratum servitum

interesset, multis mihi disserendum fuit, docendique quas ob iniurias et quotiens a patribus armata plebes secessisset utique vindices paravisset omnis iuris sui tribunos plebei: nunc hortari modo relicum est et ire primum via, qua 2 capessundam arbitror libertatem. Neque me praeterit, quan- 3 tas opes nobilitatis solus inpotens, inani specie magistratus, pellere dominatione incipiam, quantoque tutius factio noxiorum agat quam soli innocentes.

Set praeter spem bonam ex vobis, quae metum vicit, 4 statui certaminis advorsa pro libertate potiora esse forti viro quam omnino non certavisse. Quamquam omnes alii 5 creati pro iure vostro vim cunctam et imperia sua gratia aut spe aut praemiis \*\*\*\*\* in vos convertere meliusque habent mercede delinquere quam gratis recte facere. Ita- 6 que omnes concessere iam in paucorum dominationem, qui per militare nomen aerarium exercitus, regna provincias occupavere et arcem habent ex spoliis vostris: cum interim more pecorum vos multitudo singulis habendos fruendosque praebetis, exuti omnibus quae maiores reliquere: 20 nisi quia vobismet ipsi per suffragia, ut praesides olim, nunc dominos destinatis. Itaque concessere illuc omnes: 7 at mox, si vostra receperitis, ad vos plerique. Raris enim animus est ad ea, quae iacent, defendunda: ceteri validiorum sunt. An dubium habetis, num obficere quid vobis uno 8 animo pergentibus possit, quos languidos socordisque pertimere? Nisi forte G. Cotta, ex factione media consul, aliter quam metu iura quaedam tribunis plebei restituit. Scilicet quamquam L. Sicinius primus de potestate tribunicia loqui ausus mussantibus vobis circumventus erat, ta- 25 men prius illi invidiani metuere quam vos iniuriae pertaesum est. Quod ego nequeo satis mirari, Quirites: nam spem frustra fuisse intellexistis. Sulla mortuo, qui sce- 9 lestum inposuerat servitium, finem mali credebatis: ortus est longe saevior Catulus. Tumultus intercessit Bruto et 10 Mamerco consulibus: dein G. Curio ad exitium usque insontis tribuni dominatus est. Lucullus superiore anno quan- 11 tis animis ierit in L. Quintium, vidistis: quantae denique nunc mihi turbae concitantur! Quae profecto in cassum

agebantur, si prius quam vos serviundi finem, illi dominationis facturi erant: praesertim cum his civilibus armis dicta alia, set certatum utrumque de dominatione in vos sit. Itaque cetera ex licentia aut odio aut avaritia in tempus arsere: permansit una res modo, quae utrinque quae sita est et crepta in posterum, vis tribunicia, telum a maioribus libertati paratum. Quod ego vos moneo quaeisque ut animum advortatis, neu nomina rerum ad ignaviam mutantes otium pro servitio adpelletis. Quo iam ipso frui, si vera et honesta flagitium superaverit, non est conditio: fuisse, si omnino quiessetis. Nunc animum advortere et nisi viceritis, quoniam omnis iniuria gravitate tutior est, artius habebunt.

Quid censes igitur? aliquis vostrum subiecerit. Primum omnium amittendum morem hunc quem agitis, in pigrae linguae, animi ignavi, non ultra contionis locum memor res libertatis. Deinde — ne vos ad virilia illa vocem, quod tribunos plebei modo, *tum* patricium magistratum, libera ab auctoribus patriciis suffragia maiores vestri paravere — cum vis omnis, Quirites, in vobis sit et quae iussi nunc pro aliis toleratis, pro vobis agere aut non agere certe possitis, Iovem aut alium quem deum consul torem expectatis? Magna illa consulm imperia et patrum decreta vos exequendo rata efficitis, Quirites, ultroque licentiam in vos auctum atque adiutum properatis. Neque ego vos ultum iniurias hortor, magis uti requiem cupiatis: neque discordias, ut illi criminantur, set earum finem volens iure gentium res repeto et, si pertinaciter retinebunt, non arma neque secessionem, tantum modo ne amplius sanguinem vostrum praebeatis censebo. Gerant habeant que suo modo imperia, quaerant triumphos, Mithridatem, Sertorium et reliquias exulum persecuantur cum imaginibus suis: absit periculum et labos quibus nulla pars fructus est. Nisi forte repentina ista frumentaria lege munia vostra pensantur: qua tamen quinis modiis libertatem omnium aestumavere, qui profecto non amplius possunt alimentis carceris. Namque, ut illis exiguitate mors prohibetur sequunt vires, sic neque absolvit cura familiari tam parva

res et ignavi cuiusque tenuissimas spes frustratur: qua 20  
 tamen quamvis ampla, quoniam serviti pretium ostentare-  
 tur, cuius torpedinis erat decipi et vostrarum rerum ultro  
 iniuriae gratiam debere? Cavendus dolus est. Namque alio 21  
 modo neque valent in univorsos, neque conabuntur. Ita-  
 que simul comparant delenimenta et differunt vos in ad-  
 ventum Gn. Pompei: quem ipsum, ubi pertinuere subla-  
 tum in cervices suas, mox dempto metu lacerant. Neque 23  
 eos pudet, vindices uti se ferunt libertatis, tot viros sine  
 uno aut remittere iniuriam non audere aut ius non posse  
 defendere. Mihi quidem satis spectatum est Pompeium,  
 tantae gloriae adulescentem, malle principem volentibus  
 vobis esse, quam illis dominationis socium, auctoremque  
 in primis fore tribuniciae potestatis *restituenda*. Verum, 24  
 Quirites, antea singuli cives in pluribus, non in uno cuncti  
 praesidia habebatis, neque mortalium quisquam dare aut  
 eripere talia unus poterat.

Itaque verborum satis dictum est: neque enim igno- 25  
 rantia res claudit. Verum occupavit nescio quae vos tor- 26  
 pedo, qua non gloria movemini neque flagitio, cunctaque  
 praesenti ignavia mutavistis, abunde libertatem rati, quia  
 tergis abstinetur et huc ire licet atque illuc: munera di-  
 tium dominorum. Atqui haec eadem non sunt agrestibus, 27  
 set caeduntur inter potentium inimicitias donoque dantur  
 in provincias magistratibus. Ita pugnatur et vincitur pau-  
 cis: plebes, quodcumque accidit, pro victis est et in dies 28  
 magis erit, si quidem maiore cura dominationem illi reti-  
 nuerint quam vos repetiveritis libertatem.

### *Epistula Mithridatis.*

(H. IV 61.)

Rex Mithridates regi Arsaci salutem.

Omnis qui secundis rebus suis ad belli societatem 1  
 orantur, considerare debent, liceatne tum pacem agere,  
 dein quod quae situr satisne pium tutum gloriosum an in-  
 decorum sit. Tibi perpetua pace frui licet, egregia fama, 2  
 si Romanos obpresso-ressis, futura est. Nisi hostes opportuni  
 et scelestissimi, neque petere audeam societatem et frustra

3 mala mea cum bonis tuis misceri sperem. Atque ea, quae  
te morari posse videntur, ira in Tigranem recentis belli  
et meae res parum prosperae, si vera existumare voles,  
4 maxime hortabuntur. Ille enim obnoxius qualem tu voles  
societatem accipiet: mihi fortuna, multis rebus ereptis,  
usum dedit bene suadendi et, quod florentibus optabile  
est, ego non validissimus praebeo exemplum, quo rectius  
tua conponas.

5 Namque Romanis cum nationibus populis regibus cun-  
ctis una et ea vetus causa bellandi est, cupidus profunda 10  
imperi et divitiarum. Qua primo cum rege Macedonum  
Philippo bellum sumpsere, dum a Carthaginiensibus pre-  
6 mebantur amicitiam simulantes. Ei subvenientem Antiochum  
concessione Asiae per dolum avortere, ac mox fracto Phi-  
lippo Antiochus omni cis Taurum agro et decem milibus 15  
7 talentorum spoliatus est. Persen deinde, Philippi filium,  
post multa et varia certamina apud Samothracas deos accep-  
tum in fidem, callidi et repertores perfidiae, quia pacto  
8 vitam dederant, insomniis occidere. Eumenem, cuius ami-  
citiam gloriose ostentant, initio prodidere Antiocho, pacis 20  
mercedem, post, habitum custodiae agri captivi, sumptibus  
et contumeliis ex rege miserrimum servorum effecere,  
simulatoque in pio testamento filium eius Aristonicum, quia  
patrium regnum petiverat, hostium more per triumphum  
9 duxere: Asia ab ipsis obsessa est. Postremo Bithyniam 25  
Nicomedes mortuo diripiuerere, cum filius Nysa, quam regi-  
10 nam adpellaverat, genitus haut dubie esset. Nam quid ego  
me adpellem? quem diiunctum undique regnis et tetrar-  
chiis ab imperio eorum, quia fama erat divitem neque ser-  
viturum esse, per Nicomedem bello laccessiverunt, sceleris 30  
eorum haut ignarum et ea, quae accidere, testatum antea  
Cretensis, solos omnium liberos ea tempestate, et regem  
11 Ptolemaeum. Atque ego ultus iniurias Nicomedem Bithynia  
expuli Asiamque, spolium regis Antiochi, recepi et Grae-  
12 ciae dempsi grave servitium. Incepta mea postremus ser- 35  
vorum Archelaus exercitu prodiit impedivit: illique, quos  
ignavia aut prava calliditas, ut meis laboribus tui essent,  
armis abstinuit, acerbissimas poenas solvunt, Ptolemaeus

precio in dies bellum prolatans, Cretenses inpugnati semel iam neque finem nisi excidio habituri. Evidem cum mihi 13 ob ipsorum interna mala dilata proelia magis quam pacem datam intellegarem, abnuente Tigrane, qui mea dieta sero 5 probat, te remoto procul, omnibus aliis obnoxiiis, rursus tamen bellum coepi Marcumque Cottam, Romanum ducem, apud Chalcedona terra fudi, mari exui classe pulcerruma. Apud Cyzicum magno cum exercitu in obsidio moranti 14 frumentum defuit nullo circum adnitente: simul hiems 10 mari prohibebat. Ita sine vi hostium regredi conatus in patrium regnum naufragiis apud Parium et *apud* Heraclaeum militum optumos cum classibus amisi. Restituto 15 deinde apud Caberam exercitu et variis inter me atque Lucullum proeliis inopia rursus ambos incessit. Illi sube- 16 rat regnum Ariobarzanis bello intactum: ego vastis circum omnibus locis in Armeniam concessi: secutique Romani, non me set morem suum omnia regna subvortundi, quia multitudinem artis locis pugna prohibuere, imprudentiam Tigranis pro victoria ostentant.

20 Nunc quaeso considera, nobis obpressis utrum firmior- 16 rem te ad resistendum an finem belli futurum putas? Scio equidem tibi magnas opes virorum, armorum et auri esse: et ea re a nobis ad societatem, ab illis ad praedam peteris. Ceterum consilium est, Tigranis regno integro, 25 meis militibus belli prudentibus, procul ab domo [parvo labore] per nostra corpora bellum conficere, quo neque vincere neque vinci sine tuo periculo possumus. An ignoras 17 Romanos, postquam ad occidentem pergentibus finem Oceanus fecit, arima huc convortisse? neque quicquam a principio nisi *vi* partum habere, domum coniuges, agros imperium? convenas olim sine patria parentibus, pesti conditos orbis terrarum: quibus non humana ulla neque divina obstant, quin socios amicos, procul iuxta sitos, inopes potentisque trahant excindant, omnianque non serva- 35 et maxime regna hostilia ducant? Namque pauci liber- 18 tatem, pars magna iustos dominos volunt: nos suspecti sumus aemuli et in tempore vindices adfuturi. Tu vero, 19 cui Seleucea, maxuma urbium, regnumque Persidis inclu-

tis divitiis est, quid ab illis nisi dolum in praesens et postea  
20 bellum expectas? Romani arma in omnis habent, acer-  
ruma in eos, quibus victis spolia maxuma sunt: audendo  
21 et fallundo et bella ex bellis serundo magni facti. Per  
hunc morem extinguent omnia aut occident: quod haut  
difficile est, si tu Mesopotamia, nos Armenia circumgre-  
dimur exercitum sine frumento, sine auxiliis, fortuna aut  
22 nostris vitiis adhuc incolumem. Teque illa fama sequetur:  
auxilio profectum magnis regibus latrones gentium ob-  
23 pressisse. Quod uti facias moneo hortorque, neu malis  
pernitie nostra tuam prolatare quam societate victor fieri.

---

# INDEX NOMINVM.

---

- A**borigines C. 6, 1.  
Adherbal I. 5. 10. 11. 13. 14. 15.  
16. 20. 21. 22. 23. 24. 26.  
**A**egyptus I. 19, 3.  
**A**emilia gens, or. Ph. 6. Aemilio-  
rum proles or. Lep. 3.—M. Ae-  
milius Lepidus cos. 79. or. Lep.  
27. or. Phil. 2. 3. 6. 7. 13. 18.  
19. 21. — Mamerlus Aemilius  
Lepidus Livianus or. Macr. 10.  
— M. Aemilius Lepidus C. 18, 2.  
— L. Aemilius Paulus C. 31, 4.  
— M. Aemilius Scaurus I. 15.  
25. 28—30. 40.  
**A**eneas C. 6, 1.  
**A**ethiopes I. 19, 6.  
**A**frī I. 18.  
**A**frica I. 5, 4. 13, 1. 14, 10. 17, 1. 3.  
7. 18, 1. 4. 12. 19, 3. 8. 20, 1.  
21, 4. 22, 1. 23, 1. 25, 1. 4. 28,  
6. 30, 1. 36, 1. 39, 4. 44, 1. 66,  
3. 78, 2. 79, 2. 86, 4. 89, 7. 96,  
1. 97, 2. 104, 3.  
**A**fricum mare I. 18, 9.  
**A**lbinus v. Postumii.  
**A**llobroges C. 40 et 41. 44 et 45.  
50, 1. 52, 36.  
**A**nnī. G. A. I. 77, 4.—L. A. I.  
37, 2.—Q. A. C. 17, 3. 50, 4.  
**A**ntiochus or. Lep. 4. ep. Mithr.  
6. 8. 11.  
G. Antonius C. 21, 3. 24, 2. 26, 1.  
4. 36, 3. 57, 4. 59, 4.  
**A**ppius v. Claudius.  
L. Appuleius Saturninus or. Ph. 7.  
**A**pulia C. 27, 1. 30, 3. 42, 1. 46, 3.  
**A**rchelaus ep. Mithr. 12.  
**A**riobarzanes ep. Mithr. 15.  
**A**ristonicus ep. Mithr. 8.  
**A**rmenia ep. Mithr. 15. 21  
**A**rmenii I. 18, 4. 9.  
Arpinum I. 63, 3.  
Arretinus ager. C. 36, 1.  
**A**rsaces ep. Mithr. 1.  
**A**sia C. 2, 2. 11, 5. I. 17, 3. or  
Cott. 7. ep. Mithr. 6. 8. 11.  
**A**spar I. 108, 1. 109, 1. 112, 1.  
**A**thenienses C. 2, 2. 8, 2. 51, 28.  
**A**urelia Orestilla C. 15, 2. 3. 35.  
2. 6.  
**A**urelii. G. Cotta or. Cott. 9. or.  
Macr. 8. L. Cotta C. 18, 5. M.  
Cotta ep. Mithr. 13.  
P. Autronius C. 17, -3. 18, 2. 47,  
1. 48, 7.  
**A**ventinus I. 31, 17.  
**G.** **B**ābius I. 33, 2.  
**B**aleares funditores I. 105, 2.  
L. Bellienus I. 104, 1.  
**B**estia v. Calpurnius.  
Bithynia ep. Mithr. 9. 11.  
Bocchus I. 19, 7. 80, 3. 81, 1. 83.  
97. 101—113.  
Bomilcar I. 35, 4—9. 49, 1. 52, 5.  
61, 4—62, 2. 70—73, 1.  
Bruttium C. 42, 1.  
Bruti or. Lep. 3. Vid. Iunii.  
**C**abera ep. Mithr. 15.  
**C**aecilii. Q.—Metellus Celer C. 30,  
5. 42, 3. 57, 2.—Q.—Metellus  
Creticus C. 30, 5. — Q.—Me-  
tellus Numidicus I. 43—58. —  
Q.—Metellus Pius ep. Pomp. 9.  
Q. Caeparius C. 46, 3 et 4. 47, 1  
et 4. 52, 34. 55, 6.  
**C**aepio vid. Servilii.  
**C**aesar vid. Iulii.  
**C**alpurnii. L.—Bestia cos. I. 27,  
4—30, 3. 32, 2. 34, 2. 35, 2  
40, 4. 77, 2 et 3. 85, 16. — L.—  
Bestia C. 17, 3. 43, 1. — G.—

- Piso C. 49, 1 et 2. — Gn. — Piso  
C. 18, 4—19, 6. 21, 3.  
Camers C. 27, 1.  
Capito vid. Gabinius.  
Capitolium C. 18, 5. 47, 2.  
Capsa et Capsenses I. 89, 4—91,  
7. 92, 3. 97, 1.  
Capua C. 30, 2. 3. 7.  
Carthaginiense bellum I. 14, 5.—  
Carthaginienses C. 51, 6. I. 5,  
4 bis. 14, 8. 10. 19, 3. 7. 79, 1. 2.  
7. 8. 10. 81, 1. ep. Mithr. 6.—  
Carthago C. 10, 1. I. 18, 11. 19,  
4. 41, 2. 79, 5.  
Cassii. L. — Longinus praetor I.  
32, 1—33, 1. — L. — Longinus  
C. 17, 3. 44, 1. 2. 50, 4.  
Catabathmos I. 17, 4. 19, 4.  
Catilina v. Sergii.  
Cato v. Portii.  
Catulus v. Luctatii.  
Celer v. Caecilii.  
Cethagus v. Cornelii.  
Chalcedon ep. Mithr. 13.  
Cicero v. Tullii.  
Cilicia or. Cott. 7.  
Cimbriae praeda or. Lep. 17. —  
Cimbricum bellum C. 59; 3.  
Cinna v. Cornelii.  
Cirta I. 21, 2 bis. 22, 1. 23. 1. 2.  
25, 8. 26, 1. 35, 1. 81, 2. 82, 1.  
88, 3. 101, 1. 104, 1.  
Claudii. Appius — iuterrex or.  
Phil. 21. — Ti. — Nero C. 50, 4.  
Concordiae aedes C. 46, 5. 49, 4.  
Cornelii C. 47, 2. gens Cornelio-  
rum C. 55, 6. G. — Cethagus C.  
17, 3. 32, 2. 43, 2. 3. 44, 1. 46,  
3. 47, 4. 48, 4. 50, 2. 52, 33.  
55, 6. 57, 1. = L. — Cethagus  
or. Phil. 20. = L. — Cinna C.  
47, 2. or. Phil. 19. = P. — Len-  
tulus Spinther C. 47, 4. = P. —  
Lentulus Sura C. 17, 3. 32, 2.  
39, 6. 43, 1. 44, 1. 3. 46, 3. 5,  
47, 2. 3. 4. 48, 4. 50. 1. 51, 7.  
52, 17. 33. 55, 1. 5. 57, 1. =  
P. — Scipio Africanus maior I.  
5, 4. — minor I. 4, 5. 7, 4. 8.  
2. 22, 2. = L. — Sisenna I. 95,  
2. = L. — Sulla C. 5, 6. 11, 4.  
5. 28, 4. 37, 9. (38, 3). 47, 2.  
51, 32. 34. I. 95, 1. 2. 3. 98,  
4. 100, 2. 101, 4. 8. 102, 2. 4.  
15. 103, 4. 7. 104, 1. 2. 3. 105,  
1. 106, 2. 5. 107, 1. 6. 108, 1.  
2. 3. 109, 1. 4. 110, 2. 111, 1.  
4. 112, 1. 3. 113, 4. 6. or. Lep.  
1. 7. 16. 19. or. Macr. 1. 9.  
Sullanae coloniae C. 28, 4. —  
— i imilites C. 16, 4. — a victoria  
C. 21, 4. 37, 6. = P. — Sulla  
Servi filius C. 17, 3. = Servii  
— Sullae C. 17, 3. 47, 1. = G.  
— eques C. 17, 4. 28, 1. — Cor-  
nelius scriba or. Lep. 17.  
Q. Cornificius C. 47, 4.  
Cotta vid. Aurelii.  
Crassus vid. Licinii.  
Cretenses. ep. Mithr. 10. 12.  
Creticus vid. Caecilii.  
Crotoniensis C. 44, 3.  
Curene I. 19, 3. Curenenses I.  
97 ter.  
Curio vid. Scribonius.  
Cyrene, Cyrenenses vid. Curene.  
Cyrus C. 2, 2.  
Cyzicus ep. Mithr. 14.  
Dabar I. 108. 1. 109, 4. 112, 1.  
Damasippus C. 51, 32—34. or.  
Phil. 7.  
Etruria C. 27, 1. 4. or. Phil. 6. 8.  
Eumenes ep. Mithr. 8.  
Europa I. 17, 3.  
Fabii. Q. — Maximus I. 4, 5. =  
Q. — Sanga C. 41, 4. 5.  
Faesulae, C. 24, 2. 27, 1. 30, 3.  
ager Faesulanus † C. 43, 1. Fae-  
sulanus C. 59, 3. 60, 6.  
Figulus vid. Marcii.  
Flaccus vid. Fulvii, Valerii.  
G. Flaminius [Flamma] C. 36, 1.  
Fufidius or. Lep. 21.


- Fulvia C. 23, 3. 4. 26, 3. 28, 2.  
Fulvii M.—Flaccus I. 16, 2. 31,  
7. 42, 1. = M.—Nobilior C.  
17, 4. = A. Fulvius senatoris  
filius C. 39, 5.  
P. Furius C. 50, 4.
- Gabinii P.—Capito C. 17, 4.  
40, 6. 43, 2. 46, 3. 47, 1. 4.  
52, 34. 55, 6.  
Gaetuli I. 18, 1. 7. 9. 12. 19, 5.  
80, 1. 88, 3. 97, 4. 99, 2. 103, 4.  
Galli C. 45, 3. 47, 2. 52, 24. 53,  
3. I. 114, 1. 2. — Gallia C. 40,  
2. 56, 4. 57, 3. 58, 4. 6. I. 114,  
3. ep. Pomp. 5. 9. citerior C.  
42, 1. ulterior C. 42, 1. 3. Trans-  
alpina (suspectum) C. 57, 1. Gal-  
lica gens C. 40, 1. Gallicum  
bellum C. 52, 30.  
Gauda I. 65, 1.  
Gracchi I. 42, 2. vid. Sempronii.  
Graeci C. 53, 3. 79, 8. 85, 12.  
Graeca facundia I. 63, 3. Grae-  
cae litterae C. 25, 2. I. 85, 31.  
95, 3. Graecia C. 2, 2. 51, 39.  
ep. Mithr. 11.  
Gulussa I. 5, 6. 35, 1.
- Hadrumentum I. 19, 1.  
Hamilcar I. 77, 1.  
Hannibal I. 5, 4. or. Lep. 4. ep.  
Pomp. 4.  
Heraclea ep. Mithr. 14.  
Hercules I. 18, 3. 89, 4.  
G. Herennius ep. Pomp. 6.  
Hiempsal I. 5, 6. 10, 8. 11, 3. 6.  
12, 3. 5. 15, 1. 3. 17, 7. 24, 6.  
28, 1.  
Hippo I. 19, 1.  
Hispani C. 19, 5. I. 18, 5. — equi-  
tes C. 19, 3. Hispania I. 7, 2.  
10, 2. 18, 3. 9, 19, 4. or. Cott.  
6. ep. Pomp. 4. 10. Hispaniae  
C. 18, 5. or. Phil. 8. — citerior  
C. 19, 1. 21, 3. ep. Pomp. 9.
- Iacetania ep. Pomp. 5.  
Indigetes ep. Pomp. 5.
- Italia C. 24, 2. 52, 15. I. 5, 2. 4.  
27, 4. 28, 2. 6. 35, 9. 114, 2.  
or. Cott. 7. ep. Pomp. 4. 7. 10.  
Italici I. 26, 1. 67, 3. socii Italici  
I. 40, 2. Italicum genus I. 47, 1.  
Iugurtham qui noscere velit totum  
librum perlegat oportet. — mi-  
litates Iugurthini I. 21, 2. 56, 6.  
Iugurthinum bellum I. 19, 7. 77,  
2 et 100, 5. (utroque loco su-  
spectum).  
Iulii G.—Caesar C. 45, 4. 49  
pluribus locis. 50, 5. 52, 1. 13.  
53, 6. 54 per totum caput. =  
L.—Caesar C. 17, 1. = G. Iu-  
lius C. 27, 1.  
Innii D.—Brutus C. 40, 5. or.  
Macr. 10. = D.—Silanus C. 50,  
4. 51, 16. 18. = M.—Silanus  
I. 43, 1.  
Iupiter I. 107, 2. or. Macr. 15.
- Lacedaemonii C. 2, 2. 51, 28.  
Laeca vid. Porcii.  
Latinum nomen I. 39, 2. 40, 2.  
42, 1. 43, 4. Latinæ litterae C.  
25, 2. I. 95, 3. Latine (loqui)  
I. 101, 6. Latium I. 69, 2. (dub.)  
84, 2. 95, 1. or. Lep. 12.  
Lentulus vid. Cornelius.  
Lepidus vid. Aemilius.  
Leptis I. 19, 1. 3. 77, 1. Lepti-  
tani I. 77, 2. 79, 1.  
Libues I. 18, 1. 9. 10. 12. Hercu-  
les Libus I. 89, 4.  
Licinii M.—Crassus C. 17, 7. 19,  
1. 38, 1. 47, 4. 48, 4. 5 (bis).  
8. 9. = P.—Lucullus I. 37, 2.  
= ep. Mithr. 15. = G.—Mu-  
rena C. 42, 3.  
Ligures. I. 38, 6. 77, 4. 100, 2.  
Ligus I. 93, 2—94, 6.  
Limetanus vid. Mamillii.  
Longinus vid. Cassii.  
Lucullus vid. Licinii.  
Lutatii or. Lep. 3. = Q.—Catu-  
lus C. 34, 2 sq. 49, 1, 2. or.  
Phil. 6. 19. 21. or. Macr. 9.

- M**acedones ep. Mithr. 5. Macedonia I. 35, 4. bellum Macedonicum C. 51, 5. or. Cott. 7. **M**a.nercus vid. Aemilius.
- G. Mamilius Limetanus I. 40, 1. **M**amilia lex I. 65, 5. **M**amilia rogatio I. 40, 4.
- Manlii. T.—Torquatus C. 52, 30. = T.—Torquatus C. 18, 5. = T.—Mancinus I. 73, 7. = Gn. — I. 114, 1. = G. Manlius C. 24, 2. 27, 1. 4. 28, 4. 29, 1. 30, 1. 32, 2. 36, 1. 2. 56, 1. 59, 1. 60, 6. **M**anliana castra C. 32, 1.
- Marcii. G.—Figulus C. 17, 1. = Q.—Rex C. 30, 3. 32, 2. 34, 1.
- G. Marins C. 59, 3. I. 50, 2. 55, 8. 56, 3—57, 1. 58, 5. 60, 5. 63, 1—65, 5. 73. 82, 2. 3. 84, 1—105, 1. 113, 6. 114, 3 sq. or. Phil. 7.
- Masinissa I. 5, 4. 5. 7. 9, 2. 14, 2. 6. 18. 24, 10. 35, 1. 2. 65, 1. 3. 108, 1.
- Massilia C. 34, 2.
- Massiva I. 35, 1—6. 61, 4.
- Massugrada I. 108, 1.
- Mastanabal I. 5, 6. 7. 65, 1.
- Mauretania C. 21, 3. I. 16, 5. 19, 4. 62, 7. Mauri I. 18, 10. 19, 4. 7. 80, 6. 82, 1. 97, 4. 99, 2. 101, 4. 8. 104, 3. 106, 5. 107, 5. Maurus I. 97, 2. 106, 2. 107, 1. 108, 1. 113, 1. 3.
- Maximus vid. Fabii.
- Medi I. 18, 4. 8. 10.
- G. Memmius I. 27, 2. 30, 3—32, 5. 33, 3.
- Metellus vid. Caecilii.
- Micipsa I. 5, 6. 6. 2—7. 2. 9. 1—11, 2. 11, 5. 13, 1. 14, 9. 16, 2. 22, 3. 24, 3. 65, 1. 110, 8.
- Q. Minucius Rufus I. 35, 2. 3.
- Mithridates or. Phil. 8. or. Cott. 7. or. Maer. 18. ep. Mithr. Mithridaticum bellum C. 39, 1.
- Muluecha I. 19, 7. 92. 5. 110, 8.
- Mulvius pons C. 45, 1
- Murena vid. Licinii.
- Muthul I. 48, 3.
- Nabdalsa I. 70, 2—72, 1.
- Nero vid. Claudii.
- Nicomedes ep. Mithr. 9. 10. 11.. Nobilior vid. Fulvii.
- Nucerinus vid. Sittius.
- Numantia I. 8, 2. 10, 2. 15, 1. 20, 1. 101, 6. Numantini I. 7, 4.
- Numantinum bellum I. 9, 2.
- Numida I. 12, 4. 35, 1. 4. 54, 4. 65, 1. 71, 3. 101, 6. 106, 3. 108, 1. 3. 111, 4. 113, 5. 6.
- Numidae 5, 1. 4. 6, 3. 7. 2. 11, 3. 12, 5. 13, 1. 15, 1. 18, 8. 11. 12. 19, 4. 7. 20, 5. 21, 2. 24, 1. 7. 25, 5. 26, 3. 28, 3. 38, 4. 6. 46, 3. 47, 1. 49, 5. 50, 1. 4. 6. 51, 3. 52, 4. 53, 3. 6. 54, 5. 56, 5. 57, 3. 58, 3. 59, 2. 60, 5. 61, 5. 62, 1. 65, 2. 66, 2. 67, 3. 68, 2. 69, 1. 74, 2. 3. 75, 4. 7. 8. 78, 4. 80, 6. 89, 7. 90, 1. 91, 4. 6. 92, 2. 3. 93, 4. 94, 3. 4. Numidia I. 8, 1. 13, 2. 5. 14, 1. 25. 16, 5. 18, 11. 19, 5. 20, 7. 24, 10. 27, 4. 5. 28, 7. 29, 7. 32, 2. 33, 4. 35, 3. 9. 38, 9. 39, 4. 43, 1. 5. 46, 5. 48, 3. 54, 6. 61, 2. 62, 10. 65, 3. 78, 7. 82, 2. 84, 1. 85, 45. 97, 1. 2. 102, 13. 111, 1. 114, 3. Numidica scuta 1. 94, 1.
- Nysa ep. Mithr. 9.
- Oceanus I. 17, 4. 18, 5. ep. Mithr. 17.
- Octavii. Gn.—Ruso I. 104, 3.
- L. Opimius I. 16, 2.
- Orestilla vid. Aurelii.
- Paeligna cohors I. 105, 2.
- Parium ep. Mithr. 14.
- Paulus vid. Aemilius.
- Persae I. 18, 4. 5. 11.

- Perses, rex Macedoniae 2. C. 51,  
5. I. 81, 1. ep. Mithr. 7.  
Persis ep. Mithr. 19.  
M. Petreius C. 59, 4. 60, 1. 5.  
Philaeni I. 79, 5. 9. 10. Philaenon  
arae I. 19, 3.  
Philippus, rex Macedoniae, or.  
Lep. 4. ep. Mithr. 5. 6. 7.  
Phoenices I, 19, 1.  
Piceanus Or. Lep. 17.—ager Pice-  
nus C. 27, 1. 30, 5. 42, 1. 57, 2.  
Piso vid. Calpurnii.  
Pistoriensis ager C. 57, 1.  
lex Plautia C. 31, 4.  
Poeni I. 79, 8. bella Punica C. 51,  
6. bellum Punicum I. 42, 1.—  
— secundum I. 5, 4. Punica  
fides I. 108, 3. libri Punici I.  
17, 7. Punica oppida I. 19, 7.  
Punicae urbes I. 19, 3.  
Pompeii. Gn.—Magnus C. 16, 4.  
17, 7. 19, 1. 2. 5. 38, 1. 39, 1.  
or. Macr. 21. 23. = Q.—Rufus  
C. 30, 5.  
G. Pomptinus C. 45, 1. 4.  
Porcii M.—Cato. C. 52, 1. 53, 1. 6.  
—55, 1. = M.—Laeca C. 17, 3.  
27, 3. = lex Porcia C. 51, 22. 40.  
Postumii. A.—Albinus I. 36, 4.  
37, 3. 38, 2. 4. 9. 39, 1. 43, 1.  
44, 4. = Sp.—Albinus I. 35,  
2. 6. 36, 1. 3. 4. 39, 2. 44, 1.  
4. 55, 1. 85, 16.  
Ptolemaeus ep. Mithr. 10. 12.  
Punicus vid. Poeni.  
Pyrenaeus. ep. Pomp. 5.  
Pyrrhus or. Lep. 4.  
L. Quintius or. Macr. 11.  
Quirites I. 31, 6. 11. 27. 85, 1. 3.  
5. 8. 12. 13. 21. 39. 45. 50. or.  
Lep. 1. 7. 11. 27. or. Cott. 1.  
11. 13. or. Macr. 1. 8. 15. 16. 24.  
Regium I. 28, 6.  
Rex vid. Marcii.  
Rhodii C. 51, 5.  
Roma C. 6, 1. 27, 2. 30, 7. 31,  
7. 34, 1. 36, 2. 37, 5. 40, 5.  
43, 1. 47, 2. 52, 14. 53, 5. 56,  
4. 57, 1. 58, 13. I. 8, 1. 13,  
4. 6. 7. 16, 3. 20, 1. 21, 4. 22,  
1. 4. 23, 2. 25, 6. 27, 1. 28,  
1. 29, 7. 30, 1. 4. 32, 2. 33,  
1. 4. 35, 1. 7. 10. 37, 1. 39,  
1. 40, 1. 41, 1. 46, 1. 55, 1.  
61, 4. 62, 10. 65, 4. 73, 2. 77,  
2. 80, 4. 82, 2. 88, 1. 95, 1.  
102, 4. 103, 3. 104, 2. 3. 4.  
114, 3. Romani C. 6, 5. 53, 3.  
I. 7, 4. 7. 10, 2. 49, 2. 3. 50,  
5. 52, 3. 53, 1. 5. 54, 6. 9. 56,  
4. 57, 4. 61, 5. 66, 1. 70, 4.  
74, 1. 3. 76, 5. 80, 3. 81, 1  
(bis). 87, 4. 94, 4 (bis). 5. 6.  
97, 2. 3. 5. 98, 7. 101, 4. 7.  
103, 3. 5. 108, 2. 111, 1. 2.  
114, 2. or. Lep. 19. ep. Mithr.  
2. 5. 15. 17. 20. Romanus I.  
108, 3. dux Romanus I. 81, 3.  
ep. Mithr. 13. equites Romani  
C. 49, 4. I. 42, 1. 65, 2 (bis). 4.  
Romanus imperator I. 56, 1.  
imperatores Romani I. 112, 2.  
imperium Romanum C. 10, 1.  
imperium populi Romani C. 36,  
4. milites Romani I. 38, 5. Ro-  
mani milites I. 67. 1. mos Ro-  
manus C. 29, 3. nomen Roma-  
num C. 52, 24. I. 5, 4. 58, 3.  
80, 1. plebes Romana C. 31, 7  
(dub.). 33, 2. populus Roma-  
nus C. 8, 5. 11, 6. 36, 4. 51,  
5. 53, 2. 61, 7. I. 5, 1. 4. 7,  
2. 8, 2. 9, 2. 13, 5. 14, 1. 2.  
3. 5. 7. 8. 18. 25. 19, 7. (bis).  
20, 5. 22, 4. 24, 2. 26, 1. 27,  
2. 31, 20. 32, 5. 33, 4. 46, 2.  
64, 2. 65, 2. 83, 1. 88, 5. 102,  
2. 8. 11. 108, 2. 110, 6. or.  
Lep. 11. 24. or. Phil. 6. ep.  
Pomp. 2. Senatus populusque  
Romanus I. 21, 4. Senatus et  
populus Romanus I. 104, 5. 111,  
1. populus et senatus Romanus  
1. 41, 2.  
Romulus or. Lep. 5.

- Rufus vid. Minucii. Pompei.  
 Ruso vid. Octavius.  
 P. Rutilius Rufus I. 50, 1. 52, 5.  
 6 (*bis*). 86, 4.
- L. Saenius C. 30, 1.  
 Samnites C. 51, 38.  
 Samothraces Dei. ep. Mithr. 7.  
 Sanga vid. Fabii.  
 Saturninus vid. Appuleius.  
 Scaurus vid. Aemilii.  
 Scipio vid. Cornelii.  
 Scirtus or. Lep. 21.  
 G. Scribonius Curio or. Maer. 11.  
 Seleuca ep. Mithr. 19.  
 Sempronii. Tib. — Gracchus I.  
 31, 7. 42, 1. = G. — Gracchus  
 I. 16, 2. 31, 7. 42, 1. Gracchi  
 I. 42, 1. 2. lex Sempronia I.  
 27, 3. = Sempronia C. 25.  
 40, 5.
- Septimius Camers C. 27, 1.  
 L. Sergius Catilina. Perlegendus  
 totus liber ab C. 5.  
 Q. Sertorius or. Cott. 6. ep. Pomp.  
 5. 9. or. Maer. 18.  
 Q. Servilius Caepio I. 114, I.  
 Sextius I. 29, 4.  
 libri Sibyllini C. 47, 2.  
 Sicca I. 56, 3. Siccenses I. 56, 3.  
 Sicilia I. 28, 6.  
 Sidonii I. 78, 1. Sidonicus I. 78, 4.  
 Silanus vid. Iunii et Turpilius.  
 Sisenna vid. Cornelii.  
 P. Sittius Nucerinus C. 21, 3.  
 Spinther vid. Cornelii.  
 L. Statilius C. 17, 4. 43, 2. 44.  
 1. 46, 3. 47, 3. 52, 34. 55, 6.  
 Suero ep. Pomp. 6.  
 Sufax I. 5, 4. 14. 8.  
 Sulla vid. Cornelii.  
 P. Sulpicius Rufus or. Phil. 7.  
 Sura vid. Cornelii.  
 Suthni I. 38, 2. 39, 4.  
 Syphax vid. Sufax.  
 Syrites I. 19, 3. 78, 1. 3.
- Tanais I. 90, 2.  
 L. Tarquinius C. 48, 3—9.  
 Tarracinensis C. 46, 3.  
 Tarula or. Lep. 21.  
 Gn. Terentius C. 47, 4.  
 Thala I. 75, 1—77, 1. 80, 1. 89,  
 6 (*bis*).  
 Theruci I. 19, 3.  
 Thirmida I. 12, 3.  
 Thraees I. 38, 6.  
 Tigranes ep. Mithr. 3. 13. 15. 16.  
 Tisidium I. 62, 8.  
 Torquatus vid. Manlii.  
 Transpadana vid. Gallia. Trans-  
 padanus C. 49, 2.  
 Troiani C. 6, 1.  
 Tullianum C. 55, 3.  
 M. Tullius Cicero. C. 22, 3. 23.  
 6. 24, 1. 26, 1. 27, 4. 28, 1.  
 2. 29, 1. 31, 6. 7. 36, 3. 41.  
 5. 43, 1. 2. 44, 1. 45, 1. 48.  
 1. 6. 8. 9. 49, 2. 51, 35.  
 Tullus vid. Volcatius.  
 Turia. ep. Pomp. 6.  
 T. Turpilius Silanus I. 66, 3 (*bis*).  
 67, 3. 69, 4.  
 Tusci C. 51, 38.
- Vaga I. 29, 4. 47, 1. 68, 1. 3.  
 Vagenses I. 66, 2. 69, 1. 3.  
 Valentia ep. Pomp. 6.  
 L. Valerius Flaccus C. 45, 1. 46. 6.  
 L. Vargunteius C. 17, 3. 28. 1.  
 47, 1.  
 Vesta C. 10, 9.  
 Vettius Picens or. Lep. 17.  
 P. Umbrenus C. 40, 1—6. 50, 4.  
 L. Volcatius Tullus C. 18, 2.  
 T. Voltureius C. 44, 3—45, 4. 47.  
 1. 48, 4. 49, 4. 50, 1.  
 Volux I. 101, 5. 105, 5—107, 7.  
 Utica I. 25, 5. 63, 1. 64, 5. 86,  
 4. 104, 1.
- Zama I. 56, 1—61, 1.









181909

LL  
S1698Di.2

Sallust      Libri De Catilinae conjuratione, et De  
                bello Jugurthino...ed. by Dietsch.  
                rev.

**University of Toronto  
Library**

**DO NOT  
REMOVE  
THE  
CARD  
FROM  
THIS  
POCKET**

Acme Library Card Pocket  
**LOWE-MARTIN CO. LIMITED**

